

中國方志叢書·東北地方·第二五號


據

民國·程道元修，續金文纂  
國·五年鉛印本

影印

遼北省

# 昌圖縣志



成文出版社有限公司印行



\*10094058\*

中國方志叢書·東北地方·第二五號

據

民國·程道元修，續金文纂  
民國五年鉛印本

影印

遼北省

# 昌圖縣志



成文出版社有限公司印行



中華民國六十三年 月壹一版

# 昌圖縣志

全二冊

發行人：黃 成 助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市羅斯福路三段240巷5號

電話：三 四 〇 一 三 二 號

印刷者：成文出版社有限公司

內政部登記證內版台業字第一一四七號

舉人日  
鼎立

民國女子日

秋九月李漢題



## 昌圖志序

古者以國統鄉以王都統侯國一國之史合衆鄉而成一代之史合各國之史而成觀訓方氏道通四方之政各史掌四方之志則列國之記載固各自爲書也豈第禹貢兼詳物產周官兼列職方爲後世書志之始哉秦代以還世變迭更雖與封建之制不同然土地人民有一定之分令長吏胥之職守均有定制則今之史乘擬於古之國史豈有殊哉特恐猥濫無法掇拾不精采里巷之瑣事作鄉邦之故實蹈古人穢史之譏耳夫國家者合無量縣邑而成者也縣邑無志乘則一代之史無所資史乘不可爲典要則一代之史亦難徵信昌圖爲科爾沁左翼前旗地清嘉慶間始設官移民榛荆甫闢日不暇給故志乘闕焉光緒間

查君友珊蒞任斯土編輯鄉土志嗣洪味丹氏又繼成府志已蔚然鴻編矣顧於已往之事蹟纂述頗詳於未來之社會裨補尙少道元承乏於茲每以志乘未備爲憾爰博訪兼采持公覈實分科別類志不能詳者列於表形之易淆者附以圖凡三閱月而畢夫羣治視乎民德政治資於經濟教育者民德之基也實業者經濟之源也古來賢士大夫諳於掌故習於民風類皆始於鄉里終於邦國觀七子賦詩不出鄭志南冠操琴不忘土風叔孫豹之對士臼學舉臧孫王孫滿之見晉臣功推射父非所學者然乎今也教育之法詳於遠而略於近侈陳瀛海之大博通重譯之文而於桑梓之鄉釣遊之地不能抒懷舊之念發思古之情殆所謂數典而忘祖者矣若志乘敘述有體徵引賅備則髣髴之彥

從事於根柢之學以激發其愛土之心志疆域則地學之嚆矢也志故實則史學之先河也地方利弊參以政治羣治進退考之禮俗而鄉獻之嘉言懿行更可資以淑身國學之保存以鄉邦爲發軔有裨於教育豈淺鮮哉且一國之實業不外農工商三端欲興實業必視其土地之適宜與否原料之產出若何我國自古迄今貨棄於地以故地有餘利而民無餘財推其原因由於不能辨土質物用之故然則志物產者豈特資多識而已哉明物產不同原於土質且即物而窮其用以供實業之研究周官大司徒以土會之法辨五地之物生而山師川師掌山林川澤之名辨其物與其利害者意在斯乎昔左太冲作三都賦考分次之多少計植物之衆寡比風俗之清濁課人士之優劣論者以書志擬

之今耳目所及不越雷封徵文考獻搜採纂述殺青之際俾岷庶能饒  
而旅人之戾止者亦得披圖而較按記而得此則纂書記之意也若以  
爲媿美前修供國史之採擇則謝不敏矣民國五年孟春嶺南程道元  
序



## 昌圖志序

民國四年春予就昌圖縣修志席越四月而書告成有門下士侯守藩  
自省來取志稿閱一週謂予曰先生之著作與昌圖並傳矣自茲以往  
先生其傳人也生從先生學有年矣嘗聞先生之言曰榮世文章不如  
壽世文章能垂永久今名山事業先生操之先生之名不亦是重於後  
世哉予聞之曰惡是何言夫子之來修昌圖縣志也既感知事程公之  
青眼復迫於金君星濤劉君靜安之謬爲介紹初欲學毛西河之修甯  
紹人物志鑿坏而逃而一再思維實不敢以肥遯曠者過鄒於矯斯  
席勉就亦出於情之所不得已者乃予不查予情而以傳人目予非惟  
不知予之爲予且不知志予試與子言志按唐書官小史掌邦國之


志外史掌四方之志是志爲史之支流史即志之粉本也更有三長曰  
才曰學曰識才不足以運史筆則記載難學不足以徵史事則考據難  
識不足以持史論則褒貶難修志如是甚矣修志者之難其選也予任  
纂修之職已四月餘矣旣慚才短又愧識卑加以腹本空空毫無學力  
所以於地理沿革一考研求三十餘日厓略始爲得之至蒙君招舉於  
茲按蒙古游牧記載爲前清嘉慶十七年考地局卷爲嘉慶七年誌志  
於地理沿革中非敢指游牧記之誤亦核實之一義也惟設立通判雖  
舊志云始於嘉慶十一年而首先蒞任者爲何人亦未詳考僅以咸豐  
初年官此地之通判奎壽志爲第一任去開荒時四十餘年以其時考  
之其誤顯甚矣因擬調縣公署卷而究其眞據縣公署人云此項卷宗

已遭兵燹又欲竟遺老以諮詢之而遺老已盡對此多年疑竇漫無考  
究所幸此間有流寓劉釗者告以大略尊其說而爲之志此中之載筆  
予亦不無缺憾也且所志他事亦百孔千瘡顧此失彼如此書一出猶  
得曰無覆瓿之譏也其孰從而信之子不念及此乃以予爲傳人非譽  
之也實毀之也非揚之也實抑之也今而後予之空疎傳予之謾陋傳  
予之淺見亦與之俱傳予爲傳人如是而已門下士聞之慚而退予獨  
蕭齋靜坐輾轉難安取稿詳參爲之汗下然而書已成矣徒抱歎亦無  
及竊願博雅君子引繩而正之以匡予不逮非惟予幸即汲引予延聘  
予者亦幸焉時在民國四年陽歷九月七號即陰歷乙卯七月二十八  
日西豐縣續文金志於昌圖額爾克恩阜地局幕中



## 昌圖志序

吾昌爲科爾沁左翼後旗游牧地開墾最先設官已久守斯土者勞形  
撫字未嘗爲邑乘計也香山程公握郡符改縣治官於昌者四易是裘  
百廢具興無美不備公退之暇孜孜以脩志爲急務乃約文學家從事  
著作未幾而書成俊陞昌之農家子也束髮從戎於地方諸掌故不知  
不識心竊憾焉軍書旁午之中得誦斯志昔之不知不識者今竟瞭如  
指掌矣至若 忠親王之列傳垂諸信史更非私家所能先睹尤爲軍  
人之光榮當秉爲圭臬者也風檐展讀自覺精神爲之一振賤子不文  
濡濡盾鼻謹再拜而爲之序歲在丙辰秋邑人吳俊陞書於洮南軍次



職名

總 修 記 名 道 尹 昌 圖 縣 知 事 程 道 元

纂 修 續 文 金

總 校 吳 玉 麟

襄 校 吳 宗 漢

採 訪 王 丕 顯

採 訪 田 宗 舜

採 訪 許 桂 馨

採 訪 劉 啓 庚

採 訪 常 維 松

昌圖縣志 卷六

探 探 探 探 探 探 探 探

訪 訪 訪 訪 訪 訪 訪 訪


金鶴祥 鍾文藻 張桂廷 張秀三 楊則億 劉薪傳 孫紹亮 王治述 何國興 周作鏞



校 校 督 督

正 正 梓 梓

劉 唐 李 李  
釗 毓 明 鶴  
釗 麟 恒 皋



## 昌圖縣志凡例

一靈壽縣志爲當湖陸稼書先生取邑人傅君維標所編秉筆更定者也後來纂志者法之茲志中綱領條目雖較靈壽志略爲變通而取舍判斷未敢違其定例

一志中改某志爲志某法直隸臨榆縣志例考臨榆縣志謂志爲史之一體縣志一書凡所記載皆志也如再別其名曰某志似志之中又有志矣論實近理故法之

一昌圖志前經洪太守纂修矣今重修之非駁其所修之簡略也時代變遷事之待志者甚夥或即其意而因之或詳其事而革之並取歷代之史書及各志以參考之信則書疑則闕不敢謬加己見

也

一編年記月仍用舊歷以免混淆

一志某項畢後或列圖或列表以證明之庶閱斯志者易於核對

一昌圖爲蒙古科爾沁地招墾雖逾百年而地氣多寒於民生實有

關係茲將氣候特志之法廣東曲江志之例

一昌圖與三韓接壤三韓之星野爲箕宿故星野以箕宿定之

一昌圖設治百餘年矣當不自咸豐初年來省之奎壽起今雖訪悉

首葭斯土者爲巡檢崔廷桂嗣有三神保敦禮吳敬綸三員然終

不能無疑也

一文廟儒賢位次饗豆牲帛之儀在前清會典者俱不載

一官廳昔有今無者書今廢二字以志滄桑之感

一東西兩地局及八面城地局志於公署後與修志之體似乖次序然昌圖爲蒙古地蒙族又先爲紹聖是爲此間地主卽爲開此地之倡始人列諸公署亦重地主之義焉

一僧惠觀王功勳偉而且多實難備載謹將其傳附之於後以備衆覽

一陸稼書先生修靈壽縣志凡不在祀典之廟均不載今亦仿之

一志凡關乎名譽者下必書採訪之姓名以資核實而免僞託

一居官於此其沒後功德在民者列諸名宦中爲後之爲官者勸

一歷代志乘例均無載諸生者今因科舉已廢後世無諸生等名破

例書之一以志今昔之感一以存前國遺典焉

一按志例不載近人近事以其不能論定且避嫌也今昌圖開荒僅百年前人之遺跡固所宜志而各新政之創自何人設自何官如不詳志其實則後人不將無文可徵乎謹按奉化縣志取懷仁新志之例權志之疵我議我無論也

一按修志之例宜將方言列入以爲韻語之助惟昌圖係蒙古地並爲五方雜處之區不第當地方言也故不志

一田賦爲修志者所必編惟昌圖係蒙古土地租賦由蒙旗地局收納國家本無田賦故田賦不編

一修志宜將禮制編入惟民國所定之新禮尙未頒布志前清禮非

國體也故不志

一志中所收之藝文均與建置有關故未選擇工拙無論焉

一近人著作按志例不宜載入志中防濫收也惟關乎建置與人心風俗者靈壽志亦收近人之作况昌圖設治百有餘年文風漸沛使於關乎政治之著作不收則何以潤色斯邑乎茲於官僚客友邑人各作並收之藉以光文教焉

一弄月吟風之作除關乎建置與世道人心者概不收入

一各綱前後均有序論此爲修志正體推其作序作論之原亦爲勸戒而發且靈壽志之論說尤多並隨筆所記不成論說者均冠以按字今記之亦師先儒之遺義焉

一志中記載未得諸調查者不無缺略請俟來者



昌圖縣志總目

第一編

志天文 星

野

災

祥

時

令

第二編

志地理 沿

革

經

緯

度

面

積

廣

袤

陸

路

距

離

航

路

距

離

中俄鐵路經行距離

本境鄉屯陸路距離

疆

域

山

川

志建置  
第三編

津 監 學 公 沿 勝 社 區 要

梁 獄 宮 署 革 景 里 域 衝

公 官 壇 地 城 紀 古 集 形

園 道 廟 局 池 事 蹟 市 勝

孤貧院	牛痘局	自治研究所	商務會	捐務處	統計處	宣講所	勸學所	學額	義田
養濟院	衛生醫院	戒煙所	工務會	農務會	籌辦自治所	報案	教育會	學產	墾墓

防疫所

貧民教養所

蠶桑局

農業試驗場

警察沿革

保衛團

保衛團教練所

平民習藝所

宏業公司

府議事會

府參事會

城鎮鄉議董會

獨立局所及軍隊

第四編

志祀典

文廟

崇聖祠

文昌宮

社稷壇

第五編

馬	天	火	獄	海	城	節	關	風
王	齊	神	神	公	隍	烈	帝	雲
廟	廟	廟	廟	祠	廟	祠	廟	雷
								雨
								山
								川
								壇
八	廣	藥	龍	科	忠	厲	忠	先
蜡	嗣	王	神	神	親		孝	農
廟	宮	廟	廟	廟	王		祠	壇
					祠	壇		

志官職 名

宦

舊

職

現

官

地

局

職

員

第六編

志政事 分

科

司

法

學

校

巡

警

保

衛

團

司

法

巡

警

自

治

外

交

第七編

志財計 國

稅

地

方

稅

行

文

經

費

分

治

員

費

地方支出數目

第八編

志教育

師 儒

書 院

學 額

學 產

教 育 公 所

教 育 會

師範學校中學附

第一高初兩等小學校

城 立 小 學 校

及 女 子 小 學 校

女 師 範 學 校

女 工 傳 習 所

宣 講 所

閱報室鄉間各學校

全 境 學 校 職 員

第九編

志實業

農事試驗場

農林牧廠

平民習藝所

宏業有限公司

農林蠶業公司

第十編

志慈善

水會

自新所

牛痘局

孤貧院

養濟院

衛生醫院

戒煙會

平民習藝所

第十一編



志交通

舖司

文

報

電報局

郵政局

局

電話局

陸路運輸

水路運輸

第十二編

志宗教

釋教

道

教

天主教

耶穌教

教

喇嘛教

回

教

第十三編

志戶籍

籍

家

籍

第十四編

志禮俗

漢

客

士

工

冠

喪

第十五編

志物產

籍

籍

習

習

穀

果

回

農

商

婚

祭

蔬

藥

籍

習

習

類

類

第十六編

志人物

第十七編

木

草

毛

昆

前

孝

鄉

英

類

類

類

類

哲

義

型

靈

花

羽

鱗

忠

節

流

逸

介

類

類

類

類

動

烈

寓

才

卷之六

志選舉進

第十八編

志藝文碑

歌

人生五

律記

瑞員貢士

絕序

仕例舉

句

進貢人



昌圖縣志第一編

志天文

古之觀妖祥辨寒暑者何恃乎亦恃乎知封域之分星耳讀周禮至保章氏掌天星知星爲占驗之主體爲政者欲齊七政則天文其要素也雖君子論理不論數人定自能勝天然僅論人事不言天道亦偏也昌圖爲新闢邊荒星野災祥更宜徵考且較邊內各地倍極嚴寒如不即四時氣候而討論之則何時種籽何時收穫不幾茫無所知乎試即關於天文之要領謹志之按周禮九州之地封域皆有分星所以觀妖祥也其說爾雅月令及春秋左傳註均載之考爾雅註析木爲燕燕幽州地也又春秋左傳註箕斗之間有天漢故謂之析木之津劉炫謂天河

在箕斗二星間箕在東方木位斗在北方水位分析水木以箕星爲隔  
河須津梁而渡故謂箕斗之次爲析木之津又漢書律歷志析木出尾  
十度立冬中箕七度小雪終於斗十一度按晉史天文志自尾十度至  
南斗十一度爲析木於辰在寅之分野屬幽州又言上谷入尾一度漁  
陽入尾三度古北平入尾七度西北上郡北地遼西東入尾十度渤海  
入箕一度樂浪入箕三度元菟入箕六度考之各書均與爾雅相合總  
之由尾而箕由箕而斗遞差推之爲冀州幽州營州各地之分野盛京  
通志舜分冀東北爲幽州特遼西之地耳遼以東則舜之營州矣營州  
爲三韓舊地三韓者馬韓辰韓弁韓也又考唐書天文志箕與南斗相  
近盡三韓地昌圖之地雖非三韓而藁離國之鳳州亦與三韓接壤如

是則昌圖之分野似不必若全省以箕尾之宿爲定宜歸箕宿獨司之  
謹將星圖列之於後



三韓分野

冀幽營分野

論曰陸稼書先生以賈公彥僧一行論分野兩說爲一其所以謂兩說爲一者蓋知賈公彥以古者受封之日歲星所在之辰而言分野之流僧一行以山河之首尾與雲漢之升降相應而推分野之源其論兩人之定分野已至當不易矣而又曰惟山河與雲漢旁之列宿相應故歲星在其地則受封雖千百世皆如是占此論更確乎不移予即是說合前二說而並論之願與考分野者借鏡焉



災祥

周

周五星聚於箕年分未詳按史言齊桓公將霸五星聚箕考桓公以莊王十二年立禧王元年會北杏四年主盟於幽而霸業成則五星聚於箕當在莊禧之間

漢

漢文帝後七年有星孛於西方直箕尾長丈餘及天漢十六日不見  
漢武帝太初十年三月壬子京師及營州地震

十九年乙未地震

二十三年癸未營州地震

東漢

漢宣帝甘露元年八月辛亥日犯箕

漢靈帝光和元年二月辛亥朔十月丙子晦日食箕四度

晉

晉惠帝永康元年八月熒惑入箕

晉惠帝太安二年八月熒惑入箕

晉穆帝永和六年月犯箕

唐

唐高宗咸亨二年十一月甲午朔日食箕九度

唐元宗天寶九載五星聚於尾箕

唐文宗開成三年十一月乙卯彗星在箕尾東西亘天十二日壬辰不見

唐禧宗光啓二年五月丙戌有星孛於尾箕

唐昭宗天復元年五月己巳有星當箕下如炬火炎上衝高丈餘乃隕

占曰機星也

宋

宋太宗至道五年七月壬寅月掩箕

宋眞宗咸平四年十二月辛卯太白犯箕

宋眞宗天禧四年二月壬寅月犯箕四月丁酉犯箕七月乙未太白犯

箕

宋神宗熙寧二年六月丙辰客星出箕度中至七月丁卯犯箕乃散

十年正月乙未月犯箕東北星

宋哲宗紹聖元年二月甲子犯箕六月辛巳犯箕八月丙辰犯箕東北  
星

二年正月己酉犯箕東北星八月辛未犯箕北第一星

宋高宗紹興四年二月戊子熒惑與填星合於箕

宋孝宗隆興元年十二月辛酉填星歲星合於箕

宋孝宗淳熙八年八月庚戌熒惑守箕

宋孝宗慶元五年十二月辛未填星歲星合於箕

宋寧宗開禧三年十月丙辰熒惑與太白合於箕

宋理宗純祐十二年戊戌填星熒惑合於箕

宋理宗嘉定十七年六月乙丑客星守箕

遼

遼聖宗太平十一年大雨水諸河橫流皆失故道

元

元世祖至元二十九年閏六月遼瀋州廣寧開元等路雨雹

元成宗大德二年八月壬戌太陰犯箕

三年八月丁巳太陰犯箕

元仁宗延祐六年遼陽廣寧瀋州開元等路水

元泰定帝致和元年六月開元路水

三年七月開元路兩雹

明

明世宗嘉靖元年四月丙寅兩五龍見於北

明神宗萬曆四十六年東方白氣竟天

清

按昌圖前明時爲科爾沁所據本蒙古之游牧地嘉慶初年始招漢人墾田未設治以前之災祥無書可考闕文可也

清道光八年秋大水

二十六年秋歲饑

咸豐八年秋不雨歲大饑

九年秋大熟

同治元年秋大熟

二年六月初一日大雨雹如雞卵俄頃厚積三尺黑背匝地擊毀房屋無算牲畜禽鳥死者尤多秋大饑

三年秋大熟

七年郡城火

十年三月地震

十二年四月城震

光緒四年七月大雨雹

七年夏大雨水糜子廩河溢

八年五月蝻

十年五月地震

十九年七月禾麥一結三穗大有年

二十年閏二月八面城大火

三十三年六月不雨

三十四年有秋

宣統元年冬大疫

二年春疫至夏始止

三年九月彗星見

民國元年三月雨紅土三日

二年夏大雨

三年十一月大雨雪草木結冰如晶



## 四年遼河大水

論曰災祥之說上古弗傳孔子作春秋此說遂傳於後世豈孔子以怪語人乎蓋揚人以恐懼修省之心使知感應之理爲不可廢也茲以在天成象之義合古今而均志之非敢穿鑿附會亦欲人知所警惕耳

## 時令

考奉化縣志記前清欽天監所頒光緒十年憲書載科爾沁與京師比較之氣候甚詳又查前修府志即京師北極出地之度數與前府治出地之度數比並以華氏測候叢談之表式以測各月溫度其數理可謂約而精矣茲采兩志之說將前府志所附之測量表仍附於後以備互

証焉

附奉化縣志時令說

按前清光緒十年時憲書京師正月初八日申正二刻十二分立春  
科爾沁則酉初初刻六月十七日午正二刻二分立秋科爾沁則午  
正三刻五分是遞遲一刻三分之數推之立冬立夏二分二至莫不  
皆然冬至京師日出辰初一刻十分入申正二刻五分晝三十六刻  
十分夜五十九刻五分科爾沁則日出辰初三刻五分入申正初刻  
十分晝三十三刻五分夜六十二刻十分是日出晚一刻十分入早  
一刻十分矣晝短三刻五分夜長三刻五分矣推立夏至又互爲短  
長其時節之不同如此

附前府志氣候說並表

各國天文家測量皆準格林維志中國則準京師天文臺故千歲之日至可坐而致焉按京師北極出地高三十九度五十分府治北極出地高四十三度零九分據此推算則二至晝夜差一刻十分二至日出入應差十三分府治在京師偏東七度四十一分故節氣時刻應遲三十一分惟此據理以推之若夫各月溫度據華氏表並驗其風雨陰晴雨量度數又據近三年記載得之均附表內以資考較

寒 暑 時 差 別 數	刻		長 短		差 數
	晝	夜	晝	夜	
夏至	六十刻十四分	三十五刻一分	一刻十一分	一刻十一分	

冬至 三十五刻一分 六十刻十四分 一刻十一分 一刻十一分

月別	溫度		數	合計	平均
	上午十時	下午二時			
三月	六四五	六七八	一、三二〇	六六〇	
四月	六七五	六八七	一、三六二	六八一	
五月	七六一	八一七	一、五七八	七八九	
六月	七三二	七八二	一、五一四	七五七	
七月	七四七	七五一	一、四九八	七四九	
八月	六五五	六九二	一、三四七	六七三、五	
總計	六、〇一五	四、四〇七	八、六一九	四、三〇九、五	

春季 夏季 秋季 冬季 合計  
 雨雪陰晴 雨陰晴雨陰晴雨雪陰晴雨雪陰晴



論曰奉化縣志以科爾沁設京師之氣候蓋為科爾沁為奉化縣之  
根本地言科爾沁推奉化之源也前府志以府治之地與京師較而  
未及於科爾沁者則科爾沁之源更言昌圖也合兩說而互觀之則  
此間之天時立判矣

昌圖縣志第二編

志地理

漢書地理志條列郡縣因革建置歷代從之是郡縣地理宜詳志也昌圖爲科爾沁屬地幅曠遼濶其疆域之經緯度及地之面積與廣袤並水陸路之距離皆宜筆而志之至時代沿革爲修邑乘者所必詳考究而志其事更宜也茲均列於後

昌圖地理沿革考

縣治地理沿革虞夏商周雖代遠年湮茫無可考而詳求其地要不外乎息慎肅慎者近是自有秦以至前後漢東西晉或爲遼東郡之北境或爲扶餘鮮卑地南北朝以及隋唐之世均屬契丹所據若以此爲上

京道之東境東京道之北境而置鳳州者遼也至金則分屬上京北京臨潢路元爲開元路北境明洪武二十二年於此地設福餘外衛以元後烏梁海爲都指揮掌衛事後自立國號曰科爾沁考科爾沁部皆元太祖之弟哈布圖哈薩爾後由哈布圖哈薩爾七傳至阿克薩哈勒泰有子二長名阿魯克特穆爾即內蒙古兩科爾沁等之祖也至阿魯克特穆爾之下世孫名粵巴者率其族先諸蒙古附前清屢建戰功清賜以土謝圖汗之號嗣粵巴之子濟農巴達禮與布達齊滿珠習禮洪果爾喇嘛什希棟果爾等先後朝前清清均封之由茲以往遂各據於科爾沁矣按科爾沁東西距八百七十里南北距二千一百里東至札賚特界西至札魯特界南至瀋錦兩縣邊界北至索倫界至京師一千二



百八十里分兩翼編六旗茲即其右翼先詳之駐巴彥和碩在喜峯口東北一千二百里唐時爲靺鞨地遼爲黃龍府之北境屬東京道全屬上京路元廢明歸於科爾沁爲前清之藩屬地今由民國統轄者右翼中旗也駐錫喇布爾噶蘇在喜峯口東北一千三百五十里唐時爲靺鞨地金制肇州隸會寧府屬上京路海陵時改屬濟州永安三年升爲武興軍領始興一縣元爲遼王納顏分地明歸於科爾沁爲前清之藩屬地今由民國統轄者右翼前旗也駐額默勒圖坡在喜峯口東北一千四百五十里唐時爲靺鞨地遼置衍州領宜豐一縣屬東京道金廢元爲遼王納顏分地明歸於科爾沁爲前清之藩屬地今由民國統轄者右翼後旗也試進而詳左翼三旗駐伊克唐噶哩克坡在喜峯口東

北一千零六十五里唐時爲契丹地遼置信州彰聖軍領武定武昌二縣屬東京道金省武定入武昌以州屬上京路元廢明歸於科爾沁爲前清之藩屬地今由民國統轄者是爲左翼中旗駐伊克音里泊在喜峯口東北八百七十里唐時爲契丹地遼置長春州屬上京道金降爲縣隸秦州屬北京路元廢明歸於科爾沁爲前清之藩屬地今由民國統轄者是爲左翼前旗若夫左翼後旗者札薩克處駐雙霍爾山在喜峰口東北一千四百里副札薩克處移駐雙霍爾山東南七十里吉爾嘎朗他拉東至蒙古陶魯改山與左翼中旗分界一百五十里西至巴嘎與左翼前旗分界一百二十里南至奉天法庫邊欄二百一十里北至葛爾忙哈與左翼中旗分界一百里東南至奉天界布立特胡塔四

百六十里西北至哈拉胡少與左翼中旗分界一百二十里西南至多爾吉安巴與左翼前旗分界一百里東北至姑娘園寢與左翼中旗分界一百五十里唐時爲契丹地遼置鳳州屬上京道金廢明爲科爾沁所據爲前清之藩屬地於前清嘉慶七年借王旗地以養民初招墾昌圖額爾克牧地西自遼河起至蘇爾漢河止一百二十里北自太平山起南至柳條邊止五十二里西至柳條邊十六里東至柳條邊二十里准漢人墾田與蒙王納租稅焉由是三旗繼續招墾命官設治名曰昌圖竊按諸書謂今之昌圖即遼所置之鳳州考鳳州爲襄離國之舊地新唐書載襄離鄭頡府領鄭高二州又滿州源流考所載鄭頡府在開原邊外科爾沁界並云襄離國見於遼史爲韓州鳳州均在今開原西

北境外如是則昌圖爲高麗國之舊地又有以高麗爲高麗者此說雖近於是然按高麗出自扶餘扶餘出自索離索讀如橐故或書爲橐橐形似橐故又轉爲橐橐與橐音同故魏略及遼志復作橐與高麗實一國也謹志其說願與考據家共質之

沿革表附後

虞

息慎地

夏

同 虞

商

同 虞

周

考史記虞帝紀北發息慎鄭元曰息慎或謂之肅慎又滿州源流考國初舊稱屬曰珠申珠申爲肅慎轉音按肅慎亦息慎之轉音也肅慎息慎本爲一國均爲前清祖國也

秦

遼東郡之北境又為扶餘鮮卑地

漢

同秦

晉

同秦

南北朝契丹地

隋

同南北朝

遼

鳳州上京路

金

初為上京路後改為北京臨潢路

元

開元路之北境

明

福餘外衛又三萬衛又遼海衛後為科爾沁之自立國

清

仍為科爾沁游牧地嘉慶七年開墾十一年設治取昌圖額爾克譯音之義定名為昌圖廳理事通判旋升為撫民同知光緒三年陞府

民國

二年政府爲昌圖縣

### 經緯度面積及廣袤各路距離疆域考

縣境係屬平地前無高山之阻中無大河之隔按星測量匪難事也按縣境位於北緯四十二度四十分三十秒東經一百二十四度零十分東起吉林伊通州界紅山咀子八度六分四十九秒西起同江口七度二十分南起開原縣界馬千總台邊門四十二度四十分三十秒北起招蘇太河四十三度零四十秒縣城偏東隅在東經七度四十六分北緯四十三度三分全境佔世界東經一百二十四度零十分此縣境之經緯度也測其地爲長斜方形東西廣一百二十五里南北袤一百三十五里週圍五百九十五里面積一萬六千八百七十五方里此縣境

之幅幘週圍面積廣袤也試進而詳各路之距離西南距京師一千四百四十里西南距省城二百四十里正南距營口海岸六百里正南距馬千總台邊門二十里正東距縣界二道溝車站二十里正西距縣界遼河沿七十里正北距縣界四平街一百里西南距縣界通江口七十里西北距縣界遼河沿七十里東南距袁家屯四十里北距縣界塔子溝四十里正北距縣界八面城一百一十里東北距縣界鶯鶯樹六十里西北距縣界金家屯五十里西北距縣界實力屯五十里東北距縣界大窪八十里西北距縣界二十家子四十里正南距縣界亮中橋二十五里東北距懷德縣三百六十里正南距開原縣四十里西南距法庫廳一百一十里正東距吉林伊通州三百一十里此縣境之陸路距

離也至家鄉之三江口距縣陸程二百二十里距營口水程一千一百  
十七里羅家船口距縣陸程一百里距營口水程一千一百三十二  
里至家鄉口距縣陸程一百一十里距營口水程一千零七十七里董  
家船口距縣陸程七十五里距營口水程一千零二十二里通江口距  
縣陸程七十里距營口水程九百六十七里此縣境之航路距離也若  
南浦鐵路經行之距離由二道溝至雙廟子六十里由雙廟子至西平  
街六十里此兩車站之里數由二道溝至縣境二十里由雙廟子至縣  
八十里由西平街至縣一百四十里此謂距縣之里數由縣境至省二  
百四十里由雙廟子至省三百里由西平街至省三百五十里此謂距  
省里數若夫縣南至如邑開原縣城四十里縣北至四面城四十里四



面城北至八面城七十里八面城北至鄰邑梨樹縣之條子河三十里  
四面城北至大窪四十里大窪西北至黑城子四十里黑城子西北至  
鄰邑遼源縣界之五家窪子三十里由縣西南至亮中橋二十五里由  
亮中橋西南至通江口四十五里由縣北偏北至大窪由大窪東北  
東北至四平街五十里縣東至二道溝二十里由縣西至金家屯五十  
里由金家屯至寶力屯三十里由寶力屯東北至大窪四十里由大窪  
東北至八面城三十里此縣境鄉屯之陸路距離也茲合志之俾行人  
所適從焉

經緯度

經度分數 緯度分數 縣城所在

方位地名 東經 方位地名 北 緯 東經 北緯 世界經度

極東紅山嘴

八度六分四十九秒

極南

馬千總四十二度四十七度四十三分東經一百二十台邊門十分三十分十六分度三分四度零十分

極西同江口

七度二十分

極北

招蘇四十三度太河零四十分

面積及廣袤

面積 廣袤 幅員週圍

一六八七五

方里

一二二五

里

五九五

里

陸路距離

方

里

稱里

數

西北距縣界遼河沿	西南距縣界同江口	正北距縣界四平街	正西距縣界遼河沿	正東距縣界三道溝車站	正南距縣界馬千總台邊門	正南距營日海岸	西南距省城	西南距京師
七〇	七〇	一〇〇	七〇	二〇	二〇	六〇〇	二四〇	一四四〇

正西	距縣治亮中橋	二五
距縣治二十家子	四〇	
距縣治大窪	九〇	
距縣治寶力屯	五〇	
距縣治金家屯	五〇	
東北距縣治鶯鶯樹	六〇	
正北距縣治八面城	一一〇	
東北距縣界塔子東	四〇	
東南距縣界袁家屯	四〇	

航路距離

正東距吉林伊通縣	西南距法庫縣	正南距開原縣	東北距懷德縣	正西距康平縣	正北距梨樹縣	西北距遼源縣
三一〇	一一〇	四〇	三六〇	一六〇	一四〇	二四〇

名稱別

距縣陸程

距營口水程

水深  
最  
深  
平  
時  
最  
淺  
量

三江口 此係蒙界

一二二〇里

一二二〇〇里

一〇尺五尺二尺

曹家船口

一一〇里

一一八七里

一一尺五尺二尺

羅家船口

一〇〇里

一一三二里

一二尺五尺二尺

包家船口

一一〇里

一〇七七里

一三尺六尺三尺

董家船口

七五里

一〇二二里

一五尺六尺三尺

同江口

七〇里

九六七里

二〇尺七尺四尺

南滿鐵路經行距離

車站名

距離里數

距縣里數

距省里數

五站屬梨樹

二〇

一四〇

三五〇

方	本境鄉屯陸路距離	馬	二	滿	泉	雙	恒	拏
		仲	道	井	頭	廟	溝	牛
		河	溝	井	頭	子	子	哨
		二〇	二〇	二〇	二〇	二〇	二〇	二〇
向所至地	距離里數	一五	二〇	四〇	六〇	八〇	一〇〇	一二〇
		二三〇	二五〇	二六〇	二七〇	二九〇	三一〇	三三〇
管	界							

地理

十八

亮中橋西南同江口	縣 西 南 亮 中 橋	黑城子西北五家窪	大窪西北黑城子	四面城西北大窪	八面城北條子河	四面城北八面城	縣 北 四 面 城	縣 南 開 原 縣 地
四五	二五	三〇	四〇	四〇	三〇	七〇	四〇	四〇里
縣 界	縣 界	縣 界	縣 界	縣 界	縣 界	縣 界	縣 界	鄰 邑
縣 界	縣 界	縣 界	縣 界	縣 界	縣 界	縣 界	縣 界	縣 界

河內與縣界



縣北偏東	鷺鷥樹	六〇	縣	界
鷺鷥樹東北	四平街	五〇	縣鄰梨樹縣交界	
縣	東二道溝	二〇	縣	界
縣	西金家屯	五〇	縣	界
金家屯北	寶力屯	三〇	縣	界
寶力屯東北	大窪	四〇	縣	界
大窪東北	八面城	三〇	縣	界

論曰前志內謂四平街一鎮舊稱四達之區自南滿鐵路告成商賈多徙奉化縣之五站今猶沿四平街之舊名幾有蕪城之感又

謂火車站在二道溝去府治二十里交通數年府治風氣依然樸  
儻而商業日衰二道溝車站佔地既廣商旅爭趨勢所必至欲府  
治不爲四平街之續而不可得斯言誠爲關心時局之言然予以  
爲商業之振興全恃交通之便利數年以來本城商業尙可維持  
現狀者恃有連接二道溝之輕便鐵路較易轉輸縣長程公譜荃  
近復集商各界修築城南橋路直達馬仲河站距城僅十三里行  
駛馬車往來稱便本城商業不無補救通江口爲遼河中心點向  
來商賈輻輳惟限於氣候其河合早開遲四月以前苦於水淺五  
月至九月均可暢行春冬兩季利權不勉爲火車所奪且船行上  
水遲慢若能大事疏濬改用拖帶小輪通江一埠利益當佔優勝

現聞疏濬遼河之議已成動工不日當爲我昌商民馨香禱之

### 山川

雙山子兩崗對峙紅色含沙在招蘇太河北沿

帽兒山又名黃花山在縣治正西七十里產青石可作碾磨在遼河西與康平縣分界

北沙陀嶺在縣治正北一百一十里來脉起自吉林迤邐西北行哈拉把山復曲折而西南至遼河沿廣三二十里不等草木不生沙內金光閃爍山形如倉廩如亭笠每因風捲有變幻之象焉

藤子廠後嶺在縣正北六十里

紅土嶺在縣正北十二里高二十餘丈土色如硃東至吉林天橋山由

懷遠社白塔水口入境與亮子河依附河在嶺南迤邐而西舊邊壕一道橫亘七十餘里大嶺由白塔水口起蜿蜒而西經馬仲河止

遼河發源於西安縣之拉津河自拉津河出口至遼源縣之遼河源爲轉心湖遼河掌蝦蟆泉眼三源相會之處考轉心湖遼河掌蝦蟆泉眼在西安縣第三區之庫魯訥窩集有謂遼河中一源爲轉心湖左一源爲遼河掌右一源爲蝦蟆泉眼者予竊以爲非是按西安縣東隅諸水以拉津河較大取水之源以大且遠者爲準此地形之公例也故遼河正源當以拉津河爲斷若轉心湖遼河掌蝦蟆泉眼分源也又滿洲源流考謂遼河東源出吉林城西南之庫魯訥窩集爲赫爾蘇河北流出邊西北繞鄧子村又西南折與潢河會其西源即潢河也二河合流自

開原縣入邊經鐵嶺入雙峽口分爲二曰內遼河曰外遼河予按潢河  
蒙語爲西拉木倫河至葉赫各河者指葉河之地渾而言之也今西安  
縣爲葉河舊地而西安縣之拉津河爲遼河正源是拉津河滿洲源流  
考渾稱之葉赫河是也考葉赫又名赫爾蘇屬吉林伊通縣與西安縣  
署北界爲遼河出境處由赫爾蘇邊門流七十里入梨樹縣境又北流  
過梨樹縣之大榆樹三間房劉家屯雙馬架子新發堡等村爲入懷德  
要津過懷德西北之士龍孫六屋八屋又西流至遼源縣康平縣再過  
縣境之小塔子入新民界南趨而入於海矣又按水道通考謂遼河自  
吉林庫魯訥窩集發源西北流至科爾沁左翼東南四百五十里經額  
勒金山又西北流入左翼後旗界又西南流合潢河入開原邊此說滿

昌圖縣志 卷一  
洲源流考亦載由是以言則遼河合流而其源亦無分東西似以庫嚕  
訥窩集之拉津河一源爲定又考潢河上游有泉名老哈在查罕蘇布  
呼各處爲潢河之源予聞蒙語老哈譯漢音爲遼查罕譯漢音白蘇布  
呼各譯漢音爲塔合譯老哈查罕蘇布呼各謂遼泉在白塔處諸書以  
潢河爲遼之西源其或爲老哈二字所誤乎管見及此願與通明水道  
者共質之

招蘇太河發源於吉林嘎達嶺入梨樹縣境東之九間房合太陽溝河  
黑咀子河二細流而下名三岔河由偏臉子城等下游各村屯入昌境  
歷黑城子宋家大橋今橋已圯黑牛窩堡饒家窩堡七家子西嘎轄後  
安羅劉家船口段家船房六家子牌樓諸屯乃入遼河

馬中河發源於吉林之天嶠山經縣東北懷遠社和輯社至黑咀子溝流入開原

亮中河發源於吉林沙河經縣懷遠社惠民社豐裕社至車家窩堡出柳條邊

條子河發源出於吉林上三台由下三台出邊入梨樹縣境自梨樹縣境至縣治龍王廟子

蓮花泡源出於吉林半拉山門經縣雙廟子安民社吉祥社至寶力屯西招蘇太河

四面城河源發於吉林石虎溝經縣吉祥社四面城至蓮花泡會入招蘇太河

要衝

小塔子在縣城西距城七十五里爲遼河西岸之小市鎮渡船之通津  
四達西抵康平法庫兩縣西北達遼源縣南接柳條邊遼河爲縣治西  
邊之天然界限而尤以此處爲中心點焉

二道溝在縣城東距城二十里東接吉林邊疆爲赴西豐孔道自設南  
滿鐵道平車站又爲奉吉二省通衢實縣治之咽喉

四平街在縣城北東偏距城一百里東通吉林半拉山門北至梨樹縣  
西達八面城南抵鶯鶯樹其道里距離皆相若爲四達之衢故以四平  
街名

八面城在縣城北距縣一百一十里北接梨樹縣西北接遼源縣南抵



七里界東至四平街爲縣北適中之地隱然一巨鎮焉

### 形勝

縣治雖屬蒙疆而幅輳廣濶其西北之雙山子與正北之沙陀嶺紅土嶺長山嶺及正南之大嶺諸峯環抱有天然扼要之勢焉若川則有遼河以通航路西北會招蘇太河爲一合流而通江口來往糧船亦如雲集實奉省中之一大通津有水有山輝增縣境並小塔子二道溝四平街八面城四處更爲昌圖最要之衝謂爲形勝宜也

### 學區

昌圖學區知事程道元按全境分二百六十三區現擬推廣改劃三百零十區

警區

昌圖警察分爲五區七里界另分五區茲將警區志於後

第一區本城

步巡第一分駐所在二道溝距城二十里

馬巡第一分駐所在馬千總台距城二十里

第二分駐所在八家子距城二十里

第一派出所所在二十家子距城四十里

第二區鴛鴦樹距城六十里

第三分駐所在明水泡距區二十里距城八十里

第四分駐所在四平街距區四十里距城一百里

第三派出所在興隆街距區二十里距城四十里

第三區八面城距城一百一十里

第五分駐所在四家子距區四十里距城一百五十里

第六分駐所在大窪距區三十里距城八十里

第四派出所在古榆樹距區七十里距城七十五里

第三派出所在杏山屯距區十五里距城八十五里

額外派出所在崗崗屯距區三十五里距城一百四十五里

第四區金家屯距城五十里

第七分駐所在寶力屯距區四十五里距城五十里

第八分駐所在兩家子距區七十五里距城九十里

第五區通江口距城七十里

第九分駐所在三家子屯距區三十里距城七十里

第十分駐所在牛庄窩堡距區二十五里距城四十里

七里界特別警區

一區

第一區馬警十二名駐白旗距縣城一百里

二區

第二區馬警十二名駐叉罕牛象距縣城五十里

三區

第三區馬警十五名駐嘎爾轄區距縣城六十里

四區

第四區馬警十二名駐六家子區距縣城七十五里

五區

第五區馬警十名步警十名駐糜子廠並分駐孤甸區糜子廠距縣城六十里孤甸距縣城八十里

保衛團區

昌圖保衛團經知事程道元分爲十二區謹將區域地點列後

第一團區本城

第二團區二十家子距城四十里

第三團區鴛鴦樹距城六十里

第四團區四平街距城一百里

第五團區八面城距城一百一十里

第六團區大窪距城九十里

第七團區金家屯距城五十里

第八團區亮中橋距城二十五里

第九團區圍江口距城七十里

第十團區雙力屯距城五十里

第十一團區久罕牛象距城五十里

第十二團區大家子距城七十五里

自營區

按自治會區域由前清宣統二年劃分今會雖停止而區域猶在謹志之

城廂自治會區縣城悅來社

鎮自治會區恒足社金社及七里界

第一鄉自治會區長安社和輯社懷遠社

第二鄉自治會區平成社惠民社

第三鄉自治會區和厚社吉祥社

第四鄉自治會區安民社積金社

第五鄉自治會區撫綏社衆悅社

第六鄉自治會區柔邇社誠服社

第七鄉自治會區宣恩社懷仁社

第八鄉自治會區豐裕社遵化社

第九鄉自治會區興仁社承恩社

### 集市

城每日成市關帝廟前爲市場糧豆柴草牲畜咸集知事程道元近與警務長金德祥蒙古總管富勒琿合議在城南街財神廟前地按東西南北分築爲四門其門曰阜昌市場門內爲買賣各貨聚處現已落成實昌城一熱鬧地點也

通江口每日成市

崇善寺每日成市



八面城每日成市

金家屯每日成市

大窪每日成市

寶力屯逢單日集

亮中橋二五八日集

論曰說文謂市爲買賣之所也而未言集予竊以爲集小於市言乎市則集寓焉曹參謂無擾獄市是見市爲行政者所必宜維持也第恐牙儉之徒欺商民亂權度把持市面患不勝言望有地方之責者時嚴防之

社里

按直隸靈壽志據平山縣志云明洪武初年目里社爲鄉尋改爲社附錄以識緣起

和輯社

縣城西南附郭

懷遠社

縣城東北正北附郭

平成社

縣城北二十里

惠民社

縣城西北二十里

豐裕社

縣城西北十五里

遵化社

縣城正西二十五里

宣恩社

縣城西北二十五里

懷仁社

縣城正西五十里

南堆金社

縣城西北五十里

興仁社

縣城西南七十里

承恩社

縣城西南七十里

長安社

縣城西南附郭

和厚社

縣城東北四十里

安民社

縣城東北七十里

東吉祥社

縣城東北六十里

西吉祥社

縣城東北五十里

衆悅社 縣城正北一百一十里 柔邇社 縣城正北八十里

誠服社 縣城正北一百里 恒足社 縣城西北一百一十里

撫綏社 縣城正北一百二十里 北堆金社 縣城西北七十里

積金社 縣城東北一百里 居仁社 七里許東南部 距縣城五十里

履義社 七里許北部 距縣城八十里 復約社 七里許東南部 距縣城六十里

昭信社 七里許西部 距縣城九十里

古蹟

古榆城其城內即縣署城名不知始於何代惟考之遼史科爾沁左翼後旗爲鳳州昌圖即左翼後旗地第昌圖界之古城不一是否當日鳳州舊城不敢妄定遼海衛按明一統在開原城內洪武二十一年初置

牛莊二十六年徙於開原城又考潛確類書云遼海衛在中固明特設撫順關今廢查衛所屬右二千二戶所中二千二戶所後二千二戶所觀此間之遼海衛碑爲永樂七年指揮陶煜立石又聞土人云碑由西大台廟之土塚挖出想此地爲開原界無疑矣又查明洪武二十二年自黃泥窪至開原設福餘外衛較移遼海衛之年當早四載予故定此地爲明之福餘外衛云

跑馬城在縣西南長安社距縣治十里週圍二里有奇亦古城也但無可考

大營盤城屬和輯社在縣南距縣二十里相傳爲藁離屯兵之處云  
小城子屬和輯社在縣東南距縣二十五里地勢極平亦屬古城

四面城屬平成社在縣西北距縣四十里週圍十里四門門內有石龜出土中似具昂首顧盼之象焉

土城子屬宣恩社在縣西北距縣四十里南一門週圍約二里許

八面城在縣正北距縣一百一十里週三千六百步舊分四門今瓦礫猶有存者聞前清道光中年土人掘得八面城石碣子字跡模糊不可辨遂名其城曰八面城又聞於西北隅掘得銅印一顆篆曰混里海巴哈鞞鞞印旁鑄大定七年內府監造按大定爲金世宗年號鞞鞞即金之祖國考金所置之泰州在北京臨潢路即今之康平縣康平縣屬科爾沁前後兩旗地與縣治爲唇齒由是以觀則縣治在金時當不出北京臨潢路外矣

黑城子在縣西北恒足社距縣一百里無可考

廣文城在縣東北撫綏社距縣一百二十里亦不知爲何代城惟土人共呼爲廣文城云

雙城子在縣正北衆悅社距縣一百里爲何代城無可考

邊牆在縣正北長山堡五里一墩十里一臺形跡宛然東起吉林西入柳條邊長百里高二丈餘如土邱距縣一百里

石狼二在蕨子廠屯距縣六十里土人傳石狼自至於此已二百餘年矣說近荒謬以其爲古物也不得不志

石廟在縣西紅石槽屯距縣四十里石縱剝蝕上猶有大韓二字餘不可辨人均呼爲大韓廟云

黃花城在縣北柔邇社大窪北係土城不知何代今略有形跡距縣六十里

廣貴城在縣柔邇社大窪西南係土城不知何代今遺跡尙存距縣城九十里

藁離城在縣正北平安堡有城一座方圓各一里高一丈寬二丈土人呼爲藁離城其爲何代何人建築無可考距縣三十里

石碑在縣城金莊西北七十里之碑樓屯南土崗下每頂大書碑樓二字下年云九龍十八鍋不在南山與北坡相傳爲藁離志藏書之物十餘年前村受遼河水侵其土角崩潰土人見古錢一畝不知幾許與碑樓俱落於河內其錢至今猶有存者碑樓屯距縣七十里

雙堆子在縣西有土堆子二其座鑿以傳高二十丈有奇兩堆對峙插入雲霄土人遂名其地曰雙堆子屯距縣六十里

勝景

王寺歸鴉

王寺在縣南郊平車站俗稱喇嘛廟實文昌廟也錢僧忠親王年少時讀書於此因以得名寺之前後樹木葱鬱每於夕陽西下爭集烏鳥逐隊飛來擇枝而棲知其所止爰從而詠之曰天留此鳥本慈祥逐隊歸巢趁夕陽何事也能知擇木依依古刹伴忠王

南橋煙雨

縣治正南有大橋橋南有碑亭花木清蔚每當陰雨畫稿天成絕似



維摩妙筆詩情畫意開豁心胸爰從而題之曰絕妙維摩筆一枝詩中有畫畫中詩碧翁偷得維摩筆畫出南橋煙雨時

榆嶺鶯聲

城東南距城十里之新立屯有山焉名榆嶺嶺上多種榆每值春色融和鶯簧迭奏均能鼓吹詩腸予即其景而爲之詩何妨結伴赴城南鳥語山光一例探我似當年戴安道來攜斗酒與雙柑

金山晴雪

金山距城十五里即大台廟山高廟古每當晴後晴光空明一片因以得名予披其圖而詠之雪在虛無漂渺間天留粉本與荆關筆從春夏秋冬寫終歲金山作玉山

關山落雁

城南馬踪河有山焉兩峯環抱如門形南三望許有邊關故名其山曰關山山下爲平地每屆春秋雁集於此亦天然一幅平沙落雁圖也爰題二十字以志之作字關山下飛飛雁落灘好將鴻爪印留與衆人看

青雲石佛

八面城之青雲寺殿宇巍峨林木蔚美中有石佛一座不知出於何代惟風霜剝蝕古色斑斕歷想已數百年矣噫茫茫塵劫誰渡迷人佛其有靈合早爲衆生撐寶筏也爰筆而爲佛進一偈歐洲戰局爲誰開浩劫茫茫實可哀願渡亞人撐寶筏慈悲二字乞如來

三井蜃樓

三眼井距城五十里每當日出前雲氣上升幻出空中樓閣是亦變幻奇觀也爰口占二十字以即其景互變綜易錯卦象離奇作水風噴雲升空中起樓閣

### 通江晚渡

通江口在縣西南距城七十里爲縣境之通津也每當日暮往來行旅爭上渡船蕩漾中流夕陽陽滅真一幅煙波畫稿也茲即其景得二十字斜陽隱高樹多少人爭渡到岸回首看村落籠煙霧

### 紀事

元至元六年十二月命察球爾王綽屯田於此詳元史  
明洪武二十二年置泰寧及廣福餘三衛詳明史

昌圖縣志 卷一  
明正統九年春正月遣威遠公朱勇等擊烏梁海敗之

清嘉慶七年蒙王弛游牧禁開墾昌圖荒地

清同治四年馬圖子作亂昌圖撫民同知海盛赴金家屯迎敵死之

清同治四年十二月蒙古和碩博多勒噶台親王伯彥納謨禱奉旨來  
昌討賊追至朝陽城悉誅之

清同治五年昌圖廳同知杜芬捐金重建衙署

清同治七年同知張鼎鏞建修文廟及開文書院

清光緒二十六年拳匪曹翠岳等匪勾引惡少倡義和拳教知府福培  
嚴拿之匪乃遁

清光緒二十六年八月俄兵入昌駐數月退

清光緒三十一年日俄構兵日駐兵城內俄駐兵城北距城二十里駐  
十閱月始退

民國元年舊歷八月昌圖府程道元建平民習藝所

民國二年舊歷六月昌圖府程道元建公園

民國四年舊歷二月昌圖縣知事程道元建監獄

民國四年舊歷二月昌圖縣知事程道元重修城南橋路並橋南碑亭

榆嶺息鞭亭

民國四年舊歷四月昌圖知事程道元警長金鶴祥恩阜地局總管富

勒璋建阜昌市場



昌圖縣志第三編

志建置

國家因小民之無地安集也於是建都邑置官吏使之依歸得所法至良意至美也昌圖爲蒙古科爾沁後旗所屬有清以前建置間有可考前於地理沿革中已詳述之茲特即墾荒以來官職之沿革詳爲考校惟文獻無徵不得不抱殘守闕而爲之遺漏之譏詎能免哉

縣治建置沿革考

昌圖額爾克爲蒙古游牧地自前清嘉慶七年弛游牧禁准漢人墾田遂名其地曰昌圖至設治始於何官文獻無存茫無可考閱舊志所載前清嘉慶十一年設理事通判第一任爲奎壽竊以爲非是也查重修

盛京通志時奎壽署承德縣知縣賡音爲坐補奉天昌圖廳通判又有遼陽州知州調署昌圖廳通判之吳敬綸之三人均列銜名此前清咸豐二年四月事也是奎壽官奉在咸豐二年距弛游牧禁之年已四十餘載矣昌圖第一任官絕非奎壽可以斷言惟諮詢此鄉遺老亦均不記憶正博訪問幸此間有流寓劉釗字靜安者於昌圖歷任各官雖不能詳某官之來自何年而撮其大略言之亦可資考據謹述其說而爲之志初昌圖設通判一員並設巡檢其第一任巡檢係方略館供事順天武清人崔廷桂至通判初任不敢指明惟知清道光中葉時先蒞是邦者爲三神保次三神保者爲紅覺羅敦禮次敦禮者爲吳敬綸若奎壽則吳敬綸之次八穩次之賡音又次之此昌圖設通判以來之大略



殘闕考也至同治三年改通判爲撫民同知劉景醇爲初任海盛繼之有馬傻子者巨盜也聚土匪擾攻金家屯海公率練勇往勦兵潰殉於難繼公任者爲梁遇春繼梁遇春者爲高椿繼高椿者爲杜芬時昌圖遭馬匪街署均被焚杜下車僦商店爲辦公所遂謀諸紳商捐款重建署五越月而工竣次年杜芬去昌張鼎鏞來修文廟建書院文教之興自張公始張去後繼張者爲浙江餘姚人姚利紳嗣姚去而張又再任張去而姚又復回繼姚任者爲趙受璧在同知任計四年此昌圖山通判改同知之大略也查前清光緒三年奉天將軍崇厚等覆奏請陞廳爲府並設奉化廳懷德康平二縣歸府管轄因格於例而奉化廳亦改爲縣陞同知趙受璧爲知府繼趙任者爲徐本衡繼徐本衡者爲增林

繼增林爲同善高公公字與人河南汲縣人前清進士也光緒十二年爲是邦守免差徭禁賭博開書院課生徒並創建孤貧院與自新所種種善政不可枚舉迄今口碑載道父老猶津津樂傳焉繼公任者爲章樾繼章樾者爲錢開震現錢開震清史館已準立傳矣繼錢開震者爲陳震繼陳震者爲徐鏡第繼徐鏡第者爲福培福培任內又添設遼源州一缺亦歸府轄繼福培者爲涂景濤繼涂景濤爲祥瑞繼祥瑞者爲林學斌繼林學斌者爲韓承烈繼韓承烈者爲查富璣繼查富璣者爲李延祐繼李延祐者爲洪汝冲繼洪汝冲者爲鄭焯繼鄭焯者爲李丙吉繼李丙吉者爲劉宗誠繼劉宗誠者爲程道元繼程道元者爲王廣廷繼王廣廷者爲程道元再任此昌圖由同知陞府之大略也當程道

元再任爲昌圖知府時正民國元年國體旣更各府均改爲縣仍以道元知昌圖縣事此昌圖改府爲縣之大略也教官之設自同治七年始初爲張觀海次爲許善昌均訓導也迨同知改府後訓導一缺亦陞教授矣初任教授爲張旭東次劉復隆又次爲劉世珍繼劉世珍者爲劉鉦繼劉鉦者爲順天朱勳成學品兼優清潔自守事親至孝所得廉俸除公費外盡數俱奉親年終必以出入帳目告庚子亂不爲拳匪惑俄軍入城佔文廟播先賢之牌位於院先生具公服往爲爭俄兵驚異不敢犯二十九年卒於任士林痛之繼先生任者爲王廷俊繼王廷俊任者爲路立權繼路立權者爲奉恩繼奉恩者爲馮學海馮學海任內則此缺裁矣此昌圖教官之大略也再巡檢一缺初任爲崔廷桂而繼崔

廷桂者不知其爲誰惟據流寓劉釗云崔廷桂爲巡檢時實開昌圖巡檢之始又查舊志所載之巡檢第一任爲胡俊德籍與任期均未載考奉化縣志同治五年胡俊德爲梨樹縣城照磨以時計之則胡俊德去開荒之年過遠絕非第一任可知矣如是則劉釗所云之崔廷桂其爲第一任也尤信所可惜者崔廷桂以下無可考耳今姑以舊志所志之胡俊德遞記之次胡俊德而爲昌圖巡檢者徐棠也舊志僅志巡檢於徐棠而止又誤矣查奉化縣志徐棠咸豐七年由昌圖巡檢陞梨樹照磨又查前清奉天將軍宗厚等陞廳爲府之覆奏稿內有請將昌圖巡檢一員陞爲府司獄由是考之則陞府之時在光緒三年今舊志之志司獄也以王官彥爲初任查志王官彥到司獄任時爲同治九年斯時

府尙未改司獄何有哉以管見討之王官彥雖未繼徐棠爲巡檢亦昌  
圖之選檢也繼王官彥之任者爲廉維城繼廉維城者爲蘭瑞繼張  
蘭瑞者爲魯銘魯銘由一檢任內陞司獄此昌圖選檢之殘闕大略也  
司獄一官設自光緒三年以魯銘爲第一任繼魯銘者爲趙臣繼趙  
臣弼者爲楊文珩繼楊文珩者爲錢霖繼錢霖者爲趙長楫繼趙長楫  
者爲劉建封繼劉建封者爲文瑞繼文瑞者爲劉光烈繼劉光烈者爲  
顧庚長繼顧庚長者爲鄭瀾繼鄭瀾者爲張瑞麟繼張瑞麟者爲何展  
彩繼何展彩者爲王治隆繼王治隆者爲王人鵬繼王人鵬者爲雷森  
繼雷森者爲周增祚繼周增祚者爲蔣國勳繼蔣國勳者爲鮑道隆繼鮑  
道隆任內民國二年改爲典獄員閏六月典獄員亦裁均歸縣署管轄

此昌圖設司獄之大略也考照磨一官原設於梨樹城自前清光緒三年盛京將軍宗厚奏請陞廳爲府添設奉化縣將照磨駐八面城追溯此官之源當先從梨樹城設照磨之年起再註明八面城照磨以清界限按奉化縣志載前清道光元年準梨樹城分設照磨首膺其任者爲安徽貴池人高涵有惠政其去也邑人思之塑其像於鬼王廟繼其任者爲馬宣繼馬宣者姓陳名不可考繼陳者爲劉名亦失傳繼劉者爲沈榮繼沈榮者爲孫日堂繼孫日堂者爲張步騫繼張步騫者爲張長泰繼張長泰者爲劉經常繼劉經常者爲楊茂林繼楊茂林者爲覺羅福徵繼福徵者爲徐棠繼徐棠者爲董源繼董源者爲姚利紳繼姚利紳者爲胡俊德繼胡俊德者爲張雲蕃繼張雲蕃者爲蔣壽同繼蔣壽

同者爲王官彥繼王官彥者爲夏昌齡繼夏昌齡者爲沈謀成繼沈謀成者爲趙良楷趙良楷任內照磨遂移於八面城矣繼趙良楷而爲八面城照磨者爲劉繼勳繼劉繼勳者爲周行鈐繼周行鈐者爲余新繼余新者爲楊蔭棠繼楊蔭棠者爲殷鴻壽繼殷鴻壽者爲趙國勳繼趙國勳者爲李樹庚繼李樹庚者爲劉開棣繼劉開棣者爲徐廷芬繼徐廷芬者爲樊寶青繼樊寶青者爲祝鐸繼祝鐸者爲慶元繼慶元者爲王人鵬王人鵬後而此缺遂改爲分治委員此昌設照磨之始末考也查八面城分治委員設自民國二年初任爲顏國勳周增祚繼之繼周增祚者爲郝成山繼郝成山爲黃炳照至三年而分治更又改爲縣佐矣又查前清光緒三十二年通江口奏設海防同知地雖府治而不歸

府屬尋裁嗣宣統二年設經歷周增祚爲第一任許中書第二任也民國二年亦改爲分治委員初全尙志承其乏繼全尙志者爲曹文鼎三年改爲縣佐四年以林維祺代之此昌圖各官職之沿革考其中不無遺漏亦付之闕文而已

附錄前清光緒三年正月盛京將軍兵部侍郎宗厚會同盛京戶部侍郎岐元奉天府府尹恩福請陞昌圖府治並添設奉懷廳縣官屬原奏摺稿奏爲昌圖廳屬幅員遼濶擬請陞爲府治添設廳縣教佐各官以資治理而廣教化恭摺仰祈聖鑒事竊查奉省北邊外昌圖所轄幅員一千六百七畝蒙民雜處盜賊出沒無常廳屬朝陽坡地方曾聚匪徒抗官拒捕同治四年經欽派原任大學士文祥帶兵痛



剿始臻安謐該廳本係蒙古地界邇來流民日多耕種殆徧械鬪命盜之案層見迭出祇一同知獨任其事分設經歷照磨各一員襄同佐理地大事繁實有鞭長莫及之勢曾經前署將軍尙書宗實統籌奉省全局以該廳亟須添官增兵藉資治理而廳屬地租向來蒙古自管無款可籌因請試辦河稅斗稅以爲經費奏明在案旋經宗實飭派委員前往會同該廳同知趙受璧安定章程試行辦理該處商民以此款爲設官添兵之用亦甚樂從計自上年六月以來河稅一項因河水淺涸船隻難通未經開辦所有斗租試辦半年業已收有一萬七百三十餘兩除去委員盤費尙存九千九百六十餘兩就現在試辦每年可以收銀二萬一千餘兩雖不能作爲定額以之設官

增兵尙敷支用日下地方甚關緊要所有應行陞設添設各官自應及時議定請旨遵行查前署將軍尙書宗實原奏擬將昌圖廳同知陞爲知府再於梨樹城增設通判一員八家鎮增設知縣一員並於廳屬西南康家屯地方增設知州一員分佐雜各官相助爲理等因現在奴才等察看情形康家屯一處離昌圖較近似可毋庸添設知州擬請將該廳陞爲府治仿照熱河承德府之例仍管地面詞訟各事即康家屯地方亦可歸其自理移設八家鎮經歷於康家屯分防再移梨樹城照磨於八面城駐紮均照舊請加六品銜分司緝捕土匪並勘驗命盜各案凡有地方詞訟戶婚田土細故準其就近審理徒罪以上送由該府訊辦並將該廳巡檢一員陞爲府司獄訓導一

員陞爲府教授旣足以重地方亦可以符體制此奴才等現擬陞設昌圖府之情形也八家鎮梨樹城兩處原設經歷照磨各一員分防佐理該兩處均係扼要之區政務殷繁措理非易該經歷等職小權輕難資整頓今擬梨樹城改爲廳治添設通判一員名曰奉化廳另添巡檢一員管理監獄八家鎮改爲縣治添設知縣一員名曰懷德縣另添典史一員管理監獄並均添設訓導各一員以興學校該廳縣應照章程請加理事同知銜以便蒙民兼理所有昌圖府自理詞訟徒罪以上命盜各案應申詳驛巡道審轉以照慎重至奉化廳懷德縣自理徒罪以上之命盜各案則應詳由昌圖府審轉徑詳府尹核辦此奴才等現擬添設廳縣教佐各官之情形也似此星羅棋布

既有提綱絜領之人藉資表率亦復劃界分疆而治各專責成但使地方慎選得人難從容整頓惟是該處地廣民頑盜風未息東北直接吉林邊防猶難鬆緩現在三盟及吉林各客隊在彼駐紮馬隊四五百名之多兵力尙覺單簿邊外情形實與內地不同若非多設捕盜弁兵非特緝捕難期得力且亦不足鎮壓地方現擬於府廳縣另添捕盜營馬隊二百名交昌圖府分撥調遣等責成所需餉乾照章給發即由此項斗租支銷以該處之所出供該處之所需既免另籌餉項並可撫輯閭閻莫此爲便至於學校之事風化攸關現既陞設府學教授並於奉化廳懷德縣添設訓導各一員若不增廣學額無以鼓勵人材自應酌量議增以廣教化俾令地方有所觀感庶幾

默化潛移民風漸歸敦樸以副朝廷綏靖邊陲之至意其修建衙署  
監獄各費即在上年秋冬兩季所收斗租項下動撥如有不敷仍在  
本年所收斗租開支廉俸工食捕盜兵餉馬乾餘存項下次第興辦  
以上擬請陞設添設各員如蒙俞允相應請旨飭部頒發印信關仿  
以昭信守奴才等爲因地制宜起見所有清界址定缺分並一切廉  
俸役食以及文武學額弁兵餉乾應行詳議各事宜謹繕清單並繪  
具擬陞昌圖府改設廳縣全圖貼說恭呈御覽合併懇天恩俯下  
部臣核議施行實於地方大有裨益其未盡事宜容奴才等再行籌  
議隨時奏聞理合會同奉天府府承臣楊書香合詞恭摺具奏伏乞  
皇太后皇上聖鑒訓示謹奏奉旨該部議奏欽此片圖併發欽此部議

昌圖縣志 卷二  
照準惟查通判非知府屬員擬設奉化廳一缺應再酌核奏明辦理  
謹附錄光緒三年十月初署將軍崇公奉天府府尹恩公會奏請奉  
化改縣摺片

再準部咨以奴才等前奏昌圖廳陞爲府治擬設奉化廳通判一缺  
歸由該府統轄體制不符令再核議等因奉旨依議欽此欽遵咨會  
前來自應遵照辦理奴才等公同商酌應請將擬設奉化廳通判改  
設奉化縣知縣加理事同知銜并設典史訓導各一員一切章程均  
照懷德縣一律辦理請旨飭部速議施行理合附片具陳伏乞聖鑒  
謹奏奉旨該部速議具奏欽此嗣準部咨奉化廳通判準改爲奉化  
縣知縣餘照所議辦理

## 城池

古榆城不知建自何年周圍牆一百丈有零於前清嘉慶七年開荒後即就其城爲昌圖城焉後經知府趙受璧重修城上書古榆城三字城兩傍有一聯城闕一新嚴鎖鑰邊陲千里肅屏藩近因年久剝落知事程道元新撰一聯鎖鑰至今稱劇郡屏翰終古屬雄封與城略有關係故志之非爲其聯也

論曰城高築池深鑿以資防守也近年來往往有無故拆城問其拆毀者之故則曰東西洋之彈雨槍林有非城可禦者毀之取開放之意焉予竊以爲非是前人之建修此城也不知幾需款項幾費經營縱城不足防外患獨不可以防小患乎乃無端而廢之亦大失當年

建造之苦衷矣

公署

縣署在古榆城內前清同治五年同知杜芬重修舊志載建築於嘉慶十年惟建修之人未載無從考校故以創修爲闕文

正堂三楹南向起檐廡暖閣一座東爲值堂房西爲停車廠堂以內有東廂房五間南屋爲傳達室北屋爲接待室二堂三楹其東隔壁有接廈一間東又有廂房五間爲廚室二堂外之西院有正房三間爲法庭西廂房五間南三間爲收發處收支處室北二間爲總務科室法庭前有正房三間爲收捐處室三堂五楹爲寢室東西廂房六間東廂房爲聽差室西廂房承審員室三堂之西院有正房三間爲辦公及接待室



房後有小園一所三堂後知事宅正房五間東西廂房六間知事宅後牆外有房五間爲後馬號後有西廂房四間爲馬警室再由大堂以前志之大堂以前爲露台東西各有廂房五間東廂房五間爲財政行政二科室西廂房五間爲司法科室儀門在露台之南計一間附東西二便門門外東西各有石碑一座均爲知府高公同善之德政碑東西各有廂房五間爲法警室東小院有正房三間爲科神廟廟院內有石碑二座爲同知杜芳重建昌圖署碑院外有石碑一座西小院有廂房一間爲女待質所後院又有廂房五間爲刑事待質所又有南接廈五間爲拘留室頭門三間東西兩間爲法警室門外有石碑二座爲知府高同善之德政碑頭門前爲照壁照壁兩傍有轅門二一爲北海遺風一

書東藩重地照壁之外有石碑一座亦爲知府高同善之德政碑縣署西院爲司獄署今廢

舊司獄署共五十三間係杜芬重建日久傾圮改修監獄

舊學署在縣署之東南詳見學宮

舊經歷署在同江口係賃民房今改縣佐署

舊照磨署共房三十五間在八面城前清光緒三年照磨趙良楷修今爲縣佐署

論曰諺有官不修衙之說是視衙門爲官之傳舍也夫衙門即公署也公署爲政所從出使爲官者以公署爲傳舍則漠不關心何以興政治宗體制乎竊願民不以官之所居爲傳舍官亦不以傳舍視其

所居補葺之粘修之務使壯一邑之觀瞻如其朽敝不堪重修無力亦不妨與紳商借箸善舉同壽也

### 地局

慶成地局內附雙益地局前瓦房五間中曰公門有屏蔽止車馬行左二間爲門吏兩役室右二間爲存食物室院內東南西南有角門各一通廁所東廂瓦房五間南二間爲成衣室北三間爲文牘室西廂瓦房五間南一間爲待客室北四間爲哲里木盟本部及進步黨支部玉突場亦附焉中有筒瓦房五間曰過廳其舉架之高爲圖局諸房之冠均爲書記宿舍廳之東有轉角六間南一間爲謄譯室其餘五間爲茶房廳之西有轉角房六間爲存物及冊檔室廳後東南西南亦各有角門

左通東院西通廁所東廂瓦房五間爲廚室西廂瓦房五間爲路房以其住各路承催故名之也中間二門後有合瓦房五間曰大廳東西屋爲局員等之分住室東有瓦房六間曰東轉角爲存物室中間有後門通後院廁所西有瓦房六間曰西轉角爲貯衣室並住客所今正均被回祿院之東爲腰院南瓦房五間中爲腰門門常闔門內以東有井西街百餘家均食此井水左右各二間均存零物北角門內有平房五間北三間爲園丁室南二間爲磨役貯菜室院又有北角門門後則菜園通馬院之東有車門門之東爲外院院之西北爲柴草欄東北小院角門內有正瓦房五間人咸呼爲五間房東一間供馬神中二間住房長西二間住馬役院中及南半院均爲馬號地勢宏敞院之東有磚平房

十一間北五間南三間住馬夫與局役北二間爲車棚南五間爲馬棚中一間爲東大門以便出入車馬共八十五間此前清嘉慶八年之所築也

恩阜地局大門一間東廂房五間南二間爲管事人室北三間爲局役室西廂房七間均爲貯物室二門一間二門內有東西廂房十四間東七間均貯物西七間北五間爲催租人宿舍南二間爲廁所正房七間爲賬房室賬房之後有東廂房五間爲廚室有耳房一間爲貯物室西廂房五間南二間爲書記室北三間爲局役室過廳三間東一間爲成衣室西一間爲傳達室大廳七間爲總管及局員室大廳之東有東角門一大廳後有房五間東三間爲待客室西二間爲文案處院有東西

小門各一西角門之西北有西廂房五間爲貯物室北有大門一座門內有正房十五間西瓦正房八間爲局役室東平房七間爲馬棚又東瓦正房爲車棚草棚院西有大門一座與西大仙堂之院相通有大仙堂三間爲前清嘉慶八年所築也

恩阜分局初設於橫溝子屯嘉慶二十五年移在八面城西街路北有蒙王之公門五間大廳五間爲局員室南大門一間東廂房六間爲廚役室中門一間平正房六間爲馬號爲貯物室大廳以前有正房五間爲辦公室二門一間大廳以後有房二間爲廁所大門以內有東廂房五間爲下路人宿舍又東有廂房五間爲茶房再東又有廂房五間爲後路房正房四間爲院役宿舍又有草欄一間倉房兩間貯物室一間

小車棚房兩間存炭房兩間大門一間通共房六十五間地基南北長五十五丈東西寬一十三丈五尺前清嘉慶二十四年所建築光緒二十九年重修者也

論曰地局爲蒙古所設繼公署書之似賓奪主位矣抑知以縣治論則地局爲賓以土地言則地局爲主使不設地局則爲官者何以主於斯業賈者何以居於斯墾田者何以耕於斯墾於斯而聚族於斯志於公署後不忘本也

### 學宮

文廟在縣治東南

大成殿三楹

宗聖祠三楹

大成殿前東西廡各五間

大成門一間東西便門各一間

櫺星門三間碑碣三泮池泮橋外大門三間禮門義路各一間照壁  
一東西下馬碑各一宮牆圍一百四十八丈有奇廟之東爲開文  
書院講堂五間東耳房二間東西廂房各七間道義門一座外大  
門一間書院後爲

文昌宮正殿三楹現爲師範及中學講堂東西廂各三間現爲中學宿  
舍東有

忠孝祠西有



節烈祠現均分作講堂宿舍

文廟之西院爲

府教授

明倫堂三楹堂前東西廂房六間現均作中校飯廳

義門一座東西角門各一間開文書院前有

魁星樓一座高三丈八尺凡三層以上均經前清同治七年同知張鼎  
翁貢生蓋兒封李運春所建惟書院於光緒十六年經  
魁星樓於光緒二十六年經吳玉麟重修

壇廟

社稷壇在縣城南農神廟外今拆廢

風雨雷電山川壇神位備 禮壇亦隨 社稷壇俱廢

先農壇在縣城東今拆廢

厲壇未設

關帝廟在縣城西街正殿三楹東西廂房各八間東為農務分會西為商務分會殿前有石碑二座門房三間門之左右有鐘鼓樓各一

並東西二角門大門外有照壁一座

關帝廟後正殿九楹中三楹為

龍神廟東三楹為

廣嗣宮東三楹之東有耳房一間為

藥王廟西三楹為

火神廟西耳房爲

馬神廟

城隍廟在

關帝廟東光緒十四年六月十日經公議會譚洛立建築院正殿三楹殿東爲

海公祠東西廂房各三間均爲女學校中殿三楹爲初等小學校門房三間前有照壁一座正殿後有

城隍寢宮三間前有照壁一座宮之西有正房二間爲蒙養學校聞兩院各廟均係前清嘉慶年所建者碑碣可考不知建自何人也

忠親王祠在縣城西北街外建於同治戊辰年八月正殿三楹塑

忠親王像四壁繪戰蹟偏殿三間兩廊各五間建築人爲杜秉權趙廣

發

科神廟在縣署大門內東南院原建方八尺內供蕭曹牌位各一

獄神廟在前府獄內殿一間

八蜡廟在縣城南街

天齊廟在縣城東街

監獄

府獄八間前清同治六年杜芬建今改建

拘留所五間清光緒三十四年洪汝冲建今廢

男待質所四間清光緒三十四年洪汝冲建今廢

女待質所一間清光緒三十四年洪汝冲建今廢

習藝所十四間清光緒三十四年查富璣建今廢

售貨處四間清宣統元年查富璣建今廢

苦力處十間清宣統元年洪汝冲建今廢

分監外牆南北長二十八丈東西寬十七丈厚三尺高一丈四尺內牆南北長二十一丈東西寬十四丈五尺厚二尺高一丈頭門五間中爲門東南四間爲看守兵室東西有月洞西東門內女監房兩間病監房一間二門五間中爲門東爲辦公室西爲分監長室二門之內分東西工廠東工廠房共十二間前後分三起北起鉛印科四間中起石印科一間裝釘科一間鞣鞋科兩間南起織布科四間西工廠房共十四間

亦分三起北起木工科四圍中起裁縫科兩間囚人廚室兩間南起油漆科兩間編柳科兩間教誨樓兩間遞北爲監門門內爲獄監獄房共四十間全獄爲十字形中有樓監房北有沐浴室並洗衣科兩間監房東西爲運動場東西兩角爲廁所民國四年二月知事程道元建修九月二十日落成

論曰昌圖獄所原分六處房屋腐壞湫隘卑溼不特無以尊重人道而難於看守時有炸獄之虞知事程道元憂之擬建分監而苦於法廳無款爰商允王旗各局員將舊習藝所苦力所各房地及署西隅各公地出售得款數千元以爲基礎復會商紳商各界協力妥籌辛苦經營艱難締造而莊嚴清潔之監獄始得發現於昌圖于公治獄

殆如是乎成事在人昌囚之獲福滋多矣願後之治獄者保存之

### 官道

南北官道二條寬東街二十二尺長二百四十丈計地一十三畝東西官道

二條寬北街三十五丈長二百八十五丈計地二十四畝

### 津梁

縣城中東街木橋一座

縣城西街有木橋一座詢之本街老人安汝山據稱東西小橋俱係咸豐十一年財神廟住持僧四保所築後同治年歸公議會譚老立周老天經理葺修

縣城南街向有木大橋一座年久傾圮過其地者輒臨河而返知事程

道元憂之遂募捐重修興工於民國四年舊歷三月十二日工竣在民國四年五月二十九日並修馬仲河木橋一座亦同時竣工焉

長安社太平溝木橋一座

土橋一在藺家窩堡

土橋一在朝陽堡

土橋一在八棵樹

遵化社土橋一在亮中橋

和輯社木橋一座在五台子

土橋一在太平村

土橋一在東五台子



懷遠社土橋一在二十家子

吉祥社土橋一在鴛鴦樹鎮

宣恩社木橋一在金家屯

柔邇社土橋二均在大窪鎮街東

土橋一在曹家屯西

土橋一在四家子

土橋一在山咀子

土橋一在萊菔溝

土橋一在雙山堡

土橋一在公議局

衆悅社

木橋一在八面城鎮

積金社

土橋一在四面城

誠服社

土橋一在歡喜嶺

土橋一在東六家子

七里界

糜子屯南二道河子木橋一座

金山堡木橋一座

## 公園

城東南隅有祖師廟焉廟正殿三間東西廂房各三間東廂設改良說書社巡行書庫看廟人掌之西廂爲各界之會客室顏其室曰碧蔭軒廟以外爲公園園東至喇嘛廟菜園西至李姓院牆劉姓南至平土山北至官道立欄以劃其界內栽柳種花供人玩賞有亭四中一亭顏以春滿榆城亭之西爲愛閒茶社社之東爲憩亭社之西爲清流清流之中荷花繁植上築長橋長橋之西又有草亭一座曰亦亭四亭與祖師廟之會客室詩聯滿壁記文美無不備園林景物點綴一新誠蒙邊特色也斯園落成於民國二年仲夏五月建築者知事程道元贊助者各界理事人而提倡各界以贊助者警務所長金鶴祥也

義田

柔邇社六家子有義田二十餘畝係本屯商民公置太山堡前有義田十二畝係蒙古人朱玉所施

遵化社亮中橋有義田十畝方家屯榆樹林子處有義田六百餘畝山子北義田一處計地三天孤甸屯北義田一處計地三天餘達子窩堡東義田一處計地五天以上施與人無可考

論曰義田之施爲客死無歸者設也澤及枯骨亦善政之一後世仿而行之死者有知當亦銜恩地下

壟墓

陶家屯與寶山上有墳十三座土人呼爲十三太保墓究不知十三太

保爲何如人云

其業古舊俗官民俱祭及博擇山嶺高處封土十三堆歲時各附近  
居戶共祭之以爲神所依歸之意漢人不知其詳誤稱十三太保並  
誤以爲墓習俗傳訛昧其本始然既爲社會之習慣保而全之亦固  
其宜

學額

廩額二

文生額六

武生額四

設立與增附年詳教育編

學產

學田一千畝

學款十萬吊

勸辦人與治理年詳教育編

勸學所於前清光緒三十二年成立

教育會於前清光緒三十四年成立

宣講所於前清宣統二年成立

閱報室於民國三年成立

以上職員均詳教育編

統計處在署內統計長知府鄭焯設於前清宣統元年閏二月今裁

籌辦自治事務所在署內設於宣統元年今裁

捐務處在署內初設總董係民公選今由縣署派員徵收

農務會在西街關帝廟院內設於前清宣統二年

商務會在關帝廟內設於前清光緒三十二年

工務會在關帝廟院內設於前清宣統三年今併入商會

自治研究所在東街天齊廟西院設於前清宣統元年今裁

戒烟會在關帝廟院內設於前清宣統二年今改爲禁烟善後所移縣署內

牛痘局設於前清光緒十二年所在地點與創建人詳慈善編

衛生醫院在財神廟院內設於前清光緒三十二年創建人詳慈善編

目 圖 縣 志 卷 二  
今改爲公立醫院

孤貧院設於前清光緒十二年所在地點與創建人詳慈善編

養濟院設於前清光緒十二年所在地點與創建人詳慈善編

防疫所設於前清宣統三年設在廣增隆院內隔離所在天齊廟內經費無出平時停止

平民習藝所設於前清宣統元年所在地點與創建人詳慈善編

蠶桑局設於前清光緒二十四年所在地點及創建人詳實業編

農業試驗場設於宣統元年地點及創建人詳實業編

農林蠶業公司設於民國二年地點及創辦人詳實業編

舖司設於前清光緒四年至三十二年裁撤所在地點詳交通編



## 警察

警察之設創自歐美定其名曰伯哩智俄謂巴厘司日謂扣塞仔皆伯哩智之轉音也前清光緒二十八年壬寅清廷議行警察知府福培力任其難約集寅僚共襄乃事次年春規模粗具以王旗總管富勒璋斗秤稅捐委員俞汝欽總其成設承審文案收支三科計募馬步警士二百五十人分紮城鎮經費出自車捐斗用每屆春夏捐用不敷恒挪借於鹽商秋冬償補其時尙未有畝捐之議也俞汝欽去任以今知海城縣事廷瑞接替福培卸任涂景濤權篆仍因之當日俄戰事廷瑞達變通權添置衛生所附屬於警察總局維持中立國體徵劉國藻爲義務監督邑紳馬秉文担任經費月耗無幾保全者衆兩戰國曠曠稱贊總

督趙爾巽公猶嘉納焉今之區官李景新即昔之衛生員也日俄戰畢  
廷瑞量移劉國藻辭職正任知府查富璣蒞任稟準改制以袁良總局  
務畝捐興而日見擴充矣林學域洪汝冲兩署府任內迭有變更旋奉  
部示置警務長仍以知府監督之此昌圖警察之大略也謹將巡官房  
象庚以及歷任警察局長銜名籍貫暨任期列後

巡官房象庚遼陽人前清光緒三十三年任事光緒三十四年九月  
因公負傷交替

第一任警務長劉春甲昌圖人前清光緒三十四年十月任事宣統  
二年十月交替

第二任鍾繼昌山東人前清宣統三年七月間接事本年九月交替

第三任劉春甲前清宣統三年十月再任是年十一月改編警防隊以警務長爲管帶官民國元年四月交替

第四任金鶴祥義縣人民國元年五月接事是年六月警防仍改警察現供是差

警察教練所查袁良任內設立一班畢業後即停止自金鶴祥到任內用教員二人每日內外各一堂而無教練所名稱刻又奉飭組織成立附設警察事務所內

### 保衛團

保衛團即前之預警也預警自民國二年八月二日成立知事程道元委張桂廷爲臨時總長按九鄉一鎮劃分區域每鄉各舉鄉鎮長一員

每社各舉董事一員百家長數名分任其責至十二月初十日開正式選舉公舉張桂廷爲預警總長奉都督札委由是各鄉之鄉鎮長均改名曰所長董事亦均改爲分所長迨民國三年九月奉巡按使飭變預警爲保衛團又改九鄉一鎮爲十二團以城內之預警辦事處爲保衛團辦公處仍以總長張桂廷爲協理主持各團一切事務知事從而監督之今又改協理爲辦事員此保衛團之沿革也

保衛團教練所設於民國四年陽歷九月附辦公處內

### 平民習藝所

平民習藝所建在縣城北街前有正房五間迤西二間一爲通報室一爲所長室迤東二間爲宏業公司又爲庶務員教務員室兼售貨室再

東又有正房四間爲儲貨室及編柳工廠由所長室以西有澡塘房一間又西爲廁所由所長室以北有西門門外有正房三間爲平民宿舍由教務員室以北有東門門東有廂房八間爲織染工廠工廠前有廂房五間爲藝徒宿舍藝徒宿舍之東北有門焉門內有正房五間爲養濟院養濟院後爲廁所養濟院之東有門一座爲東門養濟院西有正房五間爲講堂講堂左右有東西二門西門之西南有廂房五間爲藝徒宿舍依宿舍有房一間爲廚房西有房三間爲養病室養病室之西北有門一座爲西門門之東北又有門一座爲北門規模整齊洵屬鉅觀查該所房基爲舊乃建原業與原有養濟院空地相連經知事程道元於前清宣統三年九月派員酌定訂價洋一千圓購妥其地基僅

原有草屋三間尙稱完固其牆壁半已傾倒民國元年興築至二年落成當未建築之先以原有之房倡辦貧民教養所閣繼爲所長嗣改爲貧民習藝所添添常維松爲副所長後貧民二字招生窒碍詳准易貧爲平迄今三載矣栽培學子效吳宏收出產貨物日見發達雖由於知事程道元倡導之各界補助之而維持之而所長閣繼廣勞瘁不辭功最偉焉謹誌顛末以爲後之倡興實業者勸

宏業公司附平民習藝所內民國二年成立

農林牧廠清宣統二年立地點及創建人詳實業編

府議事會清宣統三年成立選韓鍾岐爲正議長姚宗舜副之

參事會清宣統三年成立選唐文會周國俊王中孚李學陳鵬翥尹作

衡爲參事員

城廂議事會宣統二年立選常維松爲正議長傅廷楨副之

城廂董事會宣統二年立選李鶴皋爲總董

第一鄉自治會宣統二年成立選吳玉麟爲正議長荆殿武副之鄉董爲張桂廷

第二鄉自治會宣統二年成立選王德昌爲正議長姜樹勳副之鄉董爲劉式平

第三鄉自治會宣統二年立選韓佐清爲正議長紀廷弼副之鄉董爲邢永

第四鄉自治會宣統二年立選倪魁元爲正議長郭樹桐副之鄉董爲

王伯欽

第五鄉自治會宣統二年立選宋海霖爲正議長張翰香副之鄉董爲  
陳鵬霄

第六鄉自治會宣統二年立選孫家苞爲正議長單大義副之鄉董爲  
趙翰卿

第七鄉自治會宣統二年立選劉贊臣爲正議長楊自寅副之鄉董爲  
劉啓庚

第八鄉自治會宣統二年立選李向宸爲正議長戚維新副之鄉董爲  
韓宗愈

第九鄉自治會宣統二年立選韓宗岐爲正議長劉書元副之鄉董爲



## 宋鎮

寶力鎮自治會宣統二年立選秦方圻爲正議長楊毓齡副之總董事  
爲金廷有

以上議事會均係宣統二年成立民國三年一月奉文停辦今將復活  
獨立局所並軍隊

統捐局以斗秤生畜兩局歸併而成立初任局長俞汝欽王國治次爲  
韓承烈又次涂景濤華元清陳廷繁許益三梁樸玉浦程超官豫現任  
富恩霖地點在城西街

鹽釐補徵局在縣城北小壕子光緒三十四年設有任委員程文閣次  
爲龍錫鉞旋改局爲分司以僱員司其事

儲備分局光緒三十四年設初任局長周兆渭後之來者半係代辦地點在縣南街

文報局在菜市保元堂委員爲吳儀洲陸蔭瞻光緒三十二年設今裁電報局初在北街今移在縣西南街純暇長舊院初任局長章福森次爲程大業現爲陳錦黼清光緒三十三年設

郵政局在縣西街初任供事張東初次爲王靈廷次劉福宗又次徐鑑銘現爲陳秉祥清光緒三十二年設

今長江巡閱使安徽軍督張勳光緒三十二年統淮軍十營調駐

陸軍第五協協統盧永祥標統唐天喜清光緒三十三年調駐

憲兵隊憲兵長王翌臣清宣統元年調駐

巡防後路營長諾門巴圖清宣統三年調駐

陸軍二十七師一百零五團步隊第三營營長崔慶臣民國元年調駐

巡防後路中哨哨官彭景昌德克吉納民國四年調駐

巡防後路步隊第六營管帶李有田民國五年調駐

日本書紀卷之二十一

昌圖縣志第四編

志祀典

神聰明正直而一者也有以祀之禮也雖然不宜祀而祀謂之諂宜祀而不祀謂之慢諂與慢均非禮也爲政者酌其宜而爲之祀不諂不慢神亦樂爲享焉茲謹於合乎祀典之神志之亦法靈壽志重祀典之遺義耳

文廟奉孔子四配十哲兩廡先賢先儒位次暨宗聖祠悉遵前清會典按春秋上丁日祭民國仍之

謹按

宗聖祠初名

昌圖縣志 卷二  
啓聖祠以向專祀

叔梁公前清雍正二年諭旨追封至聖五代王爵合祀後殿易今名  
文昌宮春秋二祭

按司馬遷天官書斗魁載筐六星爲 文昌一曰上將二曰次將三  
曰貴神四曰司命五曰司中六曰司祿周禮大宗伯以禋燎祀司中  
司命月令季冬之月畢祀 天之神祇鄭康成謂司中司命與焉蓋  
文昌之祀久矣此靈壽志陸稼書先生之言也考開原志載 文昌  
自明景泰中停祀清定鼎以來亦未列入祀典至清嘉慶年始奉旨  
特加太牢以二月初三日致祭其春秋二仲與祭 關帝廟 宗聖  
祠同咸豐七年奉旨 文昌帝君神牌清書四字仍漢書四字茲特

詳考備錄以見 文昌之祀厥有淵源第 文昌帝君四字屬道家  
之說非正史所載也

社稷壇在農神廟門外南北二壇以磚瓦爲方臺面寬長各一丈八尺  
四面有堦高三尺許按舊歷春秋仲月上戊用少牢

風雲雷雨山川壇神位附社稷壇按舊歷春秋仲月上戊用少牢  
先農壇在縣城東舊有廟已圯按舊歷春秋仲月上戊用少牢

關帝廟接春秋二仲及舊歷五月十三日祭

論曰有浩然之氣以直而無害者關帝也後世不查關帝而惑於三  
國演義之小說謬爲誇張是不知關帝之所以爲關帝也願論史者  
明辨之民國宗德尙武倡議建武廟合祀關岳以古今甲冑有功者

配亟宜另築一祠以宗國典木土之工期諸異日

忠孝祠附

文昌宮院內亦春秋二祭

論曰忠於國孝於親者建祠正俗也夫褒揚盛典本國家維持風化之深心忠孝者入祠以祀之反是者知所勸矣所係不綦重哉

節烈祠亦春秋二祭

論曰婦人所最重者節也持大節而無虧爲女中之卓絕美德崇而祀之爲風俗勸也嗚呼一身矢志千古馨香願昌圖女界皆能以苦節持身鄙人之筆墨有餘榮矣

厲壇未設以清明七月望十月朔在鬼王廟設祭

論曰陸稼書先生云厲壇之設子產所謂鬼有所歸乃不爲厲予心



竊議之以爲作厲者爲鬼而引之作厲者人也人誠能仰不愧而俯不怍鬼敬之不侮胡敢厲設壇以祭謂恤鬼之餒而收之則可豈有慮其作厲之理哉

城隍廟春秋仲月及七月望十月朔日祭

按靈壽志考洪武元年加各城隍以封爵府曰公州曰侯縣曰伯三年又詔革去封號止稱某府某縣城隍之神前清之朝因之並無城隍封爵之制自民國成立迄今四載矣更無此虛誕不經之事謹錄有明封城隍以爵之說以資考究耳

忠親王祠春秋仲月二祭

論曰王之戰功王之忠義不惟曠曠人自史册且詳載矣無庸贅述

惟昌圖王土也昌圖得地主如王昌圖之光也

海公祠按春秋仲月二祭

論曰人有一死而重於泰山者公是也公爲馬逆嘯聚之黃匪所害人咸指黃匪戕害好官不知黃匪害公即所以成公之大節也因有是祭

科神廟私祀

按京外各官廨均合祀蕭曹於廨之東偏稱爲科神廟爲吏攢報本之義外官衙署竟有謬稱爲衙神廟者妄誕不經相沿日久識者非之清道光十八年京師各部院私謚蕭曹爲福德正神見吏部藤花廳畔神祠臥碑

### 獄神廟今廢

按前清時內而秋曹外而臬署下及郡縣凡有獄者莫不於園土之中建祠爲祀或謂神爲伯邑考或以神爲文天祥殊不知古賢良豪傑被囚者多矣何專以伯文爲神耶當康平設縣建獄之始郡守高與人先生書其主爲獄神位足徵廉吏舉動迥出尋常

### 龍神廟應在祀典中

按靈壽縣志載龍王者何其地祇之主龍者歟抑古豢龍御龍之類歟古者祈雨天神則有風伯雨師地祇則有名山大川隋唐間祈雨初祈嶽鎮海續及諸山川能興雲雨七日乃祈社稷及古來百辟卿士有益於民者又七日乃祈宗廟及古帝王有神祠者又七日乃修

雲祈神州宋興始有五龍廟及九龍堂之祈蓋龍神之祀於古自宋始也至廟貌冕服擬於王者特世俗從二氏之說耳

火神廟應在祀典中

按月令其日丙丁其帝炎帝其神祝融炎帝謂神農祝融謂顓頊之子名黎火官之臣又謂顓氏後吳回也爲高辛火正其祀火神之權輿歟

藥王廟社祀

按藥王之名古所未有道家附會其說或指爲神農或稱爲孫思邈怪誕不經按元時令天下立三皇廟通祀伏羲神農黃帝即報祀先醫之意也祀先醫則可祀藥王則未免摭拾邪說矣

天齊廟在祀典中惟祀典有別

按天齊廟即東嶽廟也君主時代惟天子宜祀之古者諸侯宜祭境內各山大川東嶽廟不在境內且爲天子之祭祭之不惟無名亦與旅於太山之季氏同非禮也

### 廣嗣宮社祀

按廣嗣宮稱爲娘娘廟傳訛已久按陸稼書先生引毛詩傳云古者必立郊禘焉元鳥至之日以太牢祀於郊禘即廣嗣宮之意後世不察而塑娘娘之像誤矣

### 馬神廟社祀

按周禮校人春祭馬祖夏祭先牧秋祭馬社冬祭馬步注云馬祖天

駟先牧始養馬者馬社始乘馬者馬步神爲災害馬者四時各有所祭非淫祀也

### 八蜡廟社祀

考八蜡廟之祀見於禮經非淫祀可比按官祭社稷先農氏即宜祭八蜡使知稼穡爲寶之至意焉

論曰正祀淫祀本有區分如不分別而概祭之是雜非類之祀於其間豈聰明正直之神而亦享此祀之非類耶予修志以正淫區別之竊欲爲世之祀淫祠者戒

昌圖縣志第五編

志官職

國家分職設官以治民古今無二致也自遼金元明清以至民國官昌圖者不乏人員茲考其時代察其政蹟爰筆而分定其稱一曰名宦二曰舊職三曰現官均志於後爲昌圖之職官考

名官

遼

耶律道隱耶律倍之次子也倍在唐爲唐明宗所害洛陽僧匿而養之因名道隱太宗滅唐還京詔賜外羅山居焉惟沈靜有文武才景宗時封蜀王爲上京留守乾亨元年遷守南京號令森嚴民獲安業統和初

卒追封晉王遼史

耶律海里字留隱性儉素不喜聲利保寧中爲南院大正有却敵功帝  
屢親征海里在南院十餘年鎮以寬靜戶口增給封漆水郡王遷上京  
留守卒家貧詔給葬具遼史

耶律韓留字速寧有明識篤行義工爲詩開泰之年稍遷烏古敵烈部  
都監俄知詳穩事敵烈部叛從耶律世良討平之重熙元年同知上京  
留守以性不苟合爲樞密使蕭解里所忌四年始召爲北面林牙進述  
懷詩興宗嘉歎尋卒遼史

韓制心幽州安次開泰中拜上京留守太平中改中京留守常以不曲  
法不虐民不愛官自箴歲兇荒則奏免秋賦發倉廩救濟若渴居貴戚



而不侈躋王位而不矜卒之日部民若哀父母

遼史

姚景行興中縣人重熙進士累官翰林學士參知政事敦厚廉宜人望歸之道宗即位爲北府宰相九年秋告歸道聞重元亂收集行旅得三百餘騎勒王比至賊已平道宗嘉其忠感雍元年出爲武定軍節度使減徭役疏冤滯廣儲蓄以備荒勤校閱以修武郡民宜之明年詔拜南院樞密使道宗欲伐宋問景行曰宋人好生邊事如何對曰自聖宗皇帝以威德懷遠幾六十年若以細故用兵恐違先帝成約道宗乃止太康中以上京多滯獄命爲留守數月疏理無遺及卒追封柳城郡王謚文憲壽隆五年詔爲立祠

遼史

論曰名臣本不易得而偏安之國猶屬難覩乃有文武才持寬靜政

無苟合性者均萃於耶律一門遼之才可謂盛矣且韓制心之不侈不矜與漢之博陸侯異姚景行之能弭戰事與秦之王景略同之五人者洵遼之名臣也

金

烏古論三合曷懶路人睿宗爲右副元帥聞三合勇略選充札也以務勞屢典名郡歷臨潢尹所至躬行儉約政先寬簡邊庭寧謐人民獲安召爲簽書樞密事卒

劉煥字德文中山人宋末兵起城中久困煥尙幼煮糠爲食供母以醴厚而自飲其清者人咸畏之稍長就學寒擁糞火讀書不忘登天德元年進士由任邱尉調中都市令不避權貴以廉遷北京警巡使捕二惡

少杖於庭中戒之曰孝悌敬慎則爲君子暴戾陰賊則爲小人自今以後勿狃故習國有明罰吾不得而私也由是衆皆畏服無敢犯者召爲監察御史父老數百人或臥車下或挽靴鐙僉曰我欲留使君期年不得也大定中遷同知北京留守事值世宗幸上京所過州郡大發民夫治橋梁馳道以希恩賞煥所部惟平治端好而已上嘉其意遷遼東路轉運使尋卒詳循吏史傳

承暉字維明好學淹貫經史大定中選充符寶祇候遞遷東京咸平路提刑副使同知上京留守事豪猾屏息遷臨海軍節度使再遷北京路提刑歷知咸平臨潢府爲北京留守副留守李東陽素貴承暉自非公事不與交一言拜刑部尙書卒爲名臣貞佑三年夏死中都之難宣宗

震悼贈尙書諡忠肅詳史傳

孟奎字元秀遼陽人大定間進士調黎陽主簿遷汲縣令改定興令遷中都左警巡使時平章政事完顏守貞禮接士大夫在其門者號冷巖十俊奎與其選累遷中都路都轉運使值旱詔審錄中都路冤獄多所平反大安初除博州防禦使凡屬縣事應赴州者不得泊於逆旅以防吏姦人咸使之遷北京臨潢等路按察轉運使監軍完顏恩楚虛造功狀奎劾奏免其官貞祐初卒諡莊肅詳金史

富察鄭留字文叔東京路威泰必喇明安人大定二十二年登進士累遷北京臨潢路按察副使改順義軍節度使西東人李安兄弟爭財府縣不能決按察司移鄭留平理數月不問會釋奠孔子廟乃引安兄弟

與生叙齒列坐會酒陳說古之友弟數事安兄弟感悟誓不復爭相讓而去朔州多盜乃禁游食簡兵衛盜息獄空朝廷賜錫晏錢以褒之貞佑二年以東京留守致仕四年卒取奏稿盡焚之績詳史傳

論曰兄弟爭產訟案恒有安得官如文叔者使其同歸於感悟哉竊聞陸稼書先生之爲靈壽縣令也有兄弟爭產致訟者先生不問誰直誰曲而令其弟兄迭呼爲哥哥弟弟不止終使爭產之弟兄聲淚俱下謝罪而去其殆與文叔同一化導歟

元

洪福源其先中國人唐遣才子往教藁離洪氏其一也子孫世貴於三韓名所居爲唐城太宗乙未年奉命與唐左巴圖爾進討王瞰拔龍崗

咸從二縣鳳海洞三州山城及慈州又拔金山歸信昌朔諸州屢建戰功後爲王暉所譖遂被殺詳元史

洪俊奇小字察球爾福源之第二子也幼從軍以驍勇受知世祖常以小字呼之中統二年雪父冤襲父職管領歸附藁離軍民總管至元六年藁離權臣林衍叛冬十一月詔以其軍三千從國王特納克討平之十二月帝命察球爾率兵往鳳州等處立屯田總管府後立戰功不一帝授以昭勇大將軍安撫使藁離軍民總管嗣以征日本有功又授鎮國上將軍東征都元帥戰功卓著賞賜迭膺於二十八年以疾卒年四十八子四人長曰萬

洪邁察球爾之孫也至大時奉訓大夫同知開元總管府事亦有乃祖

之遺風也

王綽藁離王暉之猶子也美容儀慷慨善騎射讀書通大義與察齊爾屯田於此中統元年授金符爲總管中統二十年九月卒

阿拉克特穆爾王綽之子也從都元帥呼圖克征日本頗有戰功五年加鎮國公上將軍安撫使藁離軍民總管屢建戰功改東征左副都元帥府立總管藁離女直漢軍萬戶府陞爲阿拉克特穆爾爲鎮國上將軍總藁離女直漢軍萬戶兼瀋陽安撫使藁離軍民總管此至道二十九年事也

達春蒙古札拉爾氏父札拉台歷事太祖憲宗歲甲寅奉旨伐高麗命桑古呼喇珠諸王並聽節制其年破高麗連城舉國遁入海島己未正

月高麗計窮遂內附札拉台之功居多達春以勳臣子至十七年授昭  
勇大將軍東京路總管府達嚕噶齊十八年召見賜鈔六十錠旌其廉  
勤陞昭毅大將軍開元路宣慰使遼東宣慰使二十二年入覲帝慰勞  
久之且問曰太祖命爾父札拉台聖旨爾能記否達春應對周旋不踰  
禮節帝嘉之賜以玉帶弓矢拜龍虎衛上將軍東京等路行中書省右  
丞復授遼東道宣慰使達春探知納顏謀叛遣人馳驛上聞有旨命領  
軍一萬與皇子阿雅噶齊同力備禦女直碩達勒達官民與納延連結  
達春遂棄妻子與麾下十二騎直抵建州距咸平一千五百里與納延  
黨岱遜巴圖爾等合戰兩中流矢繼知其黨特爾格綽爾齊等欲襲皇  
子阿雅噶齊以數十人退戰千餘人扈皇子渡遼水納顏軍來襲達春



轉鬪而前射其酋特古斯台中其口鏃出於項墜馬死追兵乃退遂軍  
懿州州老幼千餘人焚香羅拜道旁泣曰非宣慰公吾屬無遺種矣達  
春曰今日之事上賴皇帝洪福下賴將士之力吾何功焉至遼西熊山  
北小龍泊得叛酉史托里台盧仝等納款書期而不至達春即遣將討  
擒之又獲其黨王色克復與齊達勒大王等戰破之將士欲俘掠達春  
悉禁止與僉院罕札監司托克托台追納延餘黨北至金山戰捷帝嘉  
其功召賜黃金珠璣錦衣弓矢鞍勒二十八年賜明珠虎符充蒙古軍  
萬戶是歲復領軍討哈坦於女直遠攻建州逐阿哈投江死明年哈坦  
涉海南襲高麗達春復進兵討之入朝世祖嘉其功眷遇彌渥復賜珍  
珠上服拜榮祿大夫遼陽等處行中書省平章事兼蒙古軍萬戶卒於

位子達蘭特穆爾中奉大夫遼陽省參知政事

論曰洪王二氏爲此地之守土人後獻地而降元移居瀋陽路洵史傳中之最著者爰筆而爲之志亦因地志人意也至達春爲開元路之宣慰使所向均建戰功昌圖元時爲開元路開元路有此名臣凡在開元路中者均有光也故志之

明

劉旺三萬衛都指揮成化間與其子答斯於古城堡內設伏援絕矢竭突陣力戰父子俱沒

論曰岳武穆云文官不愛錢武將不怕死天下太平今觀三萬衛都指揮劉旺與其子答斯俱沒於戰卓哉父子誠所謂以身殉國爲武

將之不怕死者使明時諸將均能如劉旺父子明詎亡哉

清

海盛係福州駐防旗人前清舉人也同治四年任昌圖同知是馬傻子率土匪擾亂掠殺至金家屯公帶練勇迎敵焉接戰兵潰遂被馬傻子之部下黃匪所害在金家屯之泰合店事聞奉旨贈道銜命建祠致祭高同善在昌圖知府任閱二載免差徭禁賭博開書院說義學創孤貧院及自新所種種善政不能枚舉人咸德之邑中所立之去思碑不一而足公之政教感人所以不忍忘公也公字與人何南汲縣進士由奉天府治中裁缺改官知府

論曰予觀昌圖碑碣半屬記公之德政者心竊佩之及與此邦諸人

士談往事公自蒞任以至去任所行各善政既確有可察亦指不勝屈僉謂公今沒世已二十載矣吾昌人思之不置公盛德之感人若此予始觀頌公之碑而幸公之德政碑多繼聞邦人之言轉恨公之德政碑少終且以爲民口皆碑有形之碑誠不若無形之碑永不磨滅也續志片言用以作頌

### 高雨人太守行狀

常突額勒克富勒琿纂

公姓高氏諱同善字與人一字雨人河南衛輝府汲縣人始祖次山明末隨洛藩來汲遂家焉數傳至公會祖諱龍前清處士妣氏郭祖諱蓮科邑增生妣氏范父諱賁玉歲進士妣氏段以公銜三代皆贈清道奉

大夫妣皆淑人公年十餘即潛心於性理學樸訥寡言笑爲文務求真切不落時蹊前清咸豐辛亥以附生舉本省鄉試庚申成進士授戶部主事同治四年奉歲進士公諱歸里服闋起復到部充井田科正主稿時有因爭田土在部涉訟者同部某公受訟者金浼公爲左袒公不許某公爲某樞臣之猶子得長官歡旣怨公日肆讒搆旁觀皆不平而公自問無私夷然弗校也農曹多長者家兒差缺多爲所據公旣以受讒失上官意累年不得調九年改捐奉天府治中十年二月選授五月到任治中掌十屬童試前任某公性貪墨所取士居前茅者皆以賄成寒酸扼腕時公以冷曹改捐外任負累數千金債權人隨任坐索太淑人已登耄年晚景如風燭於是同僚咸謂公貧困如此必將蹈前任覆轍

某大幕公然爲某富民以名條請託公漫應之既局試首嚴關防禁頂替書吏僮僕不得跬步離試卷皆親自校閱評定甲乙一時宿儒秀士簡拔無遺揚曉之日某富民竟擯落孫山外謗者頓息奉省州縣交代多侵挪影射治中職司綜覈歷前任皆憚於府怨率敷衍塞責公蒞事抉擿奸弊無遺隱作僞者既恐公之不利於己上峯亦意存袒護適錦州知府慶某入覲而該府俸精又素稱貧瘠無願往者因檄公權慶事蓋遠之也而公之聲譽遂自此日章矣錦邑界連蒙熱向爲盜賊出沒之區城北虹螺縣江家屯一帶山深林密盜風尤熾劫掠之案無日無之文恬武嬉民無寧日公下車立飭所部分投剿捕嚴譴匿之令捐廉懸賞懲勸盜匪悉獲盜花蝴蝶等十餘名親鞫得實皆置之法錦縣

差役素號強橫縣官倚之爲爪牙窩賭庇匪魚肉良懦其尤橫者如郭天明王明遠等皆權侷官府其門如市藉案敲詐甚於盜賊城西痞棍齊文治號西霸天豪橫一方惡迹不可勝數公皆廉得其罪狀不動聲色以計擒捕弊之杖下奸宄斂迹於是勸農桑以裕民食宗學校以振儒風旌節孝以正人倫風化肅然也十三年五月交卸府篆回治中本任九月署奉錦山海關兵備道關道以營口爲行轅介海蓋兩縣之間五方雜處盜匪往往乘機劫搶公懸賞購線先後擒斬劇盜于傻子等多名境賴以安光緒元年二月卸事回任時宗文勤公璞以欽差大臣署奉天軍督方銳意治盜聞公名一見卽傾服旋委行營發審處總辦公亦以知己之感竭誠相報九月丁母段太淑人憂文勤公以政務殷

繁正資倚畀不欲令公去數遣親信以奪情喻意堅辭至再乃已十一月扶柩回籍安葬三年春吉林將軍銘公安以邊務需才專疏調公因丁憂人員未遑僉允是時錦州文式岩方伯奉命巡撫山東邀公偕行到東後委辦海防事宜四年正月由山東協滇捐局報捐知府嗣吉林將軍銘公復奏調公奉旨發往而東撫文公亦具疏請留奉上諭候選知府高同善着仍遵前旨前往吉林聽候差遣所請留於山東之處着毋庸議五年春到吉充營務發審等處總辦吉省幅幘遼廓盜賊肆擾訟獄繁興民不勝困公歎曰此皆良莠不分聽斷不公之過也乃嚴定捕盜功過絕苞苴禁欺飾防壅蔽與羣下更始未三月捕斬盜匪數十名結案二百餘起時有寇登站等村三家男婦十餘名口被一營員認



爲強盜拿獲送省並有贓衣爲據公一訊即知其寃立釋之此營員亦以懷疑誤拿白白得免譴公之嚴明類如此六月烏魯木齊都統恭公鎰調公赴烏奉旨允准將軍銘公躬自草奏抗留奉上諭候選知府高同善着仍遵前旨前往烏魯木齊交恭鎰差遣委用所請留於吉林之處着毋庸議銘公擬仍力爭爲忌公者所沮臨行銘公口贈楹聯云一生無愧清勤慎三字能兼猷守爲嗚呼得不謂之知公耶六年八月赴烏自張家口馳驛前往十月到烏充文案營務處總辦烏魯木齊自迪化州地今新疆之省會也自同治初年兵燹後戶口零落市廛凋弊奸匪混迹伺隙擾害興利則經費無出練兵則餉糈莫繼公勸節護重農保商以培元氣籌款設防以弭寇盜興文教崇禮讓以息訟爭於是民

間始復有生人之樂皆頌都護之仁公實與有力焉先是烏垣未失陷時民物殷阜有小江南之稱其時都統爲業普鏗額回民索煥章爲中軍都統兒貌美素心艷之因密糾黨類將爲亂營兵朱小貴者知其謀密告業業謂其淆惑軍心立斬之未幾亂作新疆相繼淪沒業普鏗額陷賊中備受屈辱而死是時朝廷以遠道傳言都統已殉節贈卹甚厚飭地方官春秋致祭而迨民實皆恨業而冤朱也公聞其事奮然曰士君子不能爲人辯寃白謗豈復有天理力請都護具疏平反因命公起草遂入奏奉旨以朱小貴入祀昭忠祠追奪業普鏗額所有卹典遠近稱快八年二月以不服水土辭差求去都護不允屢請乃得歸道經哈密

要留至再公辭不就四月入嘉峪關抵蘭州陝甘總督譚公鍾麟公師也久知公賢既見公即擬奏請留甘公以手足情切乞回籍小住乃允俟七月初具奏五月到籍六月奉天將軍宗文節公綺調公差遣奉旨發往奉省自宗文勤公奏請變通吏治以來將軍一職兼任總督並兼管奉天府府尹兵刑兩部三陵六邊督理糧餉兼管宗人府事合府尹五部之職務皆以將軍一身兼之宗文節公以事體繁鉅員司鮮能得力亟思得一器識遠大實心任事之人以相輔助適閱邸抄知公已由烏魯木齊請假離營遂以公名入告而甘督譚公竟以奏調在後未報可是年十月到省充文案發審等處及行營營務處總辦兼糧餉提調九年四月以知府本班奏留奉天補用十年二月烏魯木齊都統恭公

於歷辦邊防善後案內奏請賞加鹽運使銜公之再至奉也以關外氣候過寒實不欲久居而崇公相信日深倚公如左右手言聽計從事無大小有疑難必以諮公公遂不忍遽言去於是朝治文牘日旰讞獄各營統將因公請謁者雖深夜必整冠接見見則必詳詢地方防務情形筆之於書以供參考開餉源戒浮冒以重軍食而於司法一事主持尤力謂非除暴無以安良也先是省中某旗世襲佐領錫寶病歿妻王氏有遺腹旋生子曰應麟其旗下某員係以佐領候補者謀奪世職以爲公缺因唆同黨誣告應麟非錫寶後王氏以生子證據辯寃懸案五六年經軍督府尹戶刑等部先後遴員鞫審莫能決時發審總辦徐某謁宗公請令錫王氏母子滴血爲驗公在坐謂曰滴血所以濟刑律之窮

今此案證據俱在卷中何爲使人母子駢指被割耶且滴血事渺茫不足據崇公避公言因專委公往治公蒞廳陳卷牘喚某員等至前指摺紕繆皆俯首無詞未旬日而案結誣者伏罪發審處爲全省刑名總匯之區五部及各郡縣遇有因案發生困難者皆移交或請提公執法如山隨訊隨結無惡不懲無善不顯盜賊痞棍剷除殆盡一時黃童白叟皆戴公如神明至比之閻羅包老公性剛直又任董事煩不暇與同僚通慇懃而生平不名一錢苞直請謁無隙可入崇公復任公太專或經旬不見僚屬公屢勸不聽不知者遂歸怨於公群小日思傾軋矣嗣公治遼陽貢生韓潮誣告稅官常善一案開罪某言官適吏部尙書徐公桐刑部侍郎薛公允升奉命赴奉查辦事件某言官乘機以韓潮案附

入奏牘奉旨交查徐公長者遇事無所可否薛公惑於讒謂公霸竟以辦理未能持平奏請交部議處旋准部咨鑄二級以知州用宗公知公寃值因病開缺不能爭慶公裕繼宗公任公堅請辭差不許公復請慶公曰君事通國皆曰寃第爲之吾當爲君昭雪公雖鑄秩慶公信任如故且禮貌有加而公亦仍以事宗公者事慶公不因小挫而有所畏葸十一年五月於捕盜案內奏請開復知府仍留原省補用奉旨允准十二年四月奉檄署理昌圖府知府昌圖僻處邊徼近接吉林伊通州界蒙民雜處地廣人稀風俗質厚而鮮知嚮學盜賊橫行而捕務莫講蓋由前之守斯土者視官如傳舍飽即颺去無復爲地方念者公旣接篆乃捐清俸脩學校延聘名儒擇士之謹愿聰俊者使入校肄業廣儲墳

典以資其觀摩親臨策試而覈其勤惰其爲教首在使人皆知敦品節  
而興仁讓不專以揣摩時藝弋取科名爲急務公可謂知本者矣公初  
來時盜風尙未戢鄉民有以被刦告者公怒甚立懸重賞責令弁兵嚴  
行搜捕旋獲著名富主孫福成訊明立予就地正法押犯李姓父子邑  
中巨盜也號李家五虎前任畏其黨羽衆多無敢懲辦者公提訊得實  
皆斬之楊三樂張海齡於省北盜首中尤悍譎邊民被其害者指不勝  
屈踪跡飄忽官軍連年捕治莫能得公請於將軍慶公奏明作爲欽拿  
人犯通飭各營署一體嚴緝予以獎勵皆先後獲獲昌邑賭風最盛兵  
役復從而庇之公謂賭爲盜媒治盜而不禁賭非正本清源計故於懲  
辦賭博不少假借其情節較重者撻入自新所使習生業以期感悟至

於禁場規免紅車票創立牛痘局設養濟局嚴懲訟棍誣告公之遺惠善政盖有更僕難數者公守昌二年餘擒斬盜匪百數十名結案千數百起豪猾遠竄四民安業隣境盜賊不敢越雷池一步治行遂爲三省冠而公已心力交瘁矣十四年八月交卸回省慶公仍委公任舊職慶公爲人坦率無城府既重公之爲人每與公論天下大事參考政治得失公所建議皆嘉納公以受知深亦知無不言將軍命令有不便者輒密陳理由封還慶公立改之同僚亦無能知者公所薦士皆擢用而公則事後即忘其名被薦者亦不知爲公力慶公嘗謂公曰吾在內地各省閱人多矣如君之眞不要錢不以公事市私恩雖內省亦不多覲公佐將軍爲政久聲譽日廣東三省大吏或欽使自京來者皆欲一識公



慶公常於廣衆指示曰此即高某也其見重當時如此十五年慶公引疾歸朝命以東三省練兵大臣定公安兼攝是年吉林將軍長公順調公差委定公以奉省辦事乏人留弗遣十六年裕公祿補奉天軍督皆傾心倚任十一月直隸總督李文忠公奏請爲吉林道員李金鐘議卹並薦公其疏內有云至今關東稱循吏者競言李高謂該故道及前署昌圖府知府高同善也時公患失眠症已數月飲食減少痰嗽亦轉甚然猶力疾趨公無少間嗣偶閱李文忠公疏太息而已十七年正月四日公寒熱交作不能起醫者以爲眞陰虧損連進湯劑皆不效六日丑刻溘然長逝矣公卒之日囊空如洗負債萬餘金無以爲葬前青州副都統納公欽爲之不平往見將軍裕公曰高某身後若此誰復實心任

事者即先以白金致其裕公助千餘金計音至昌圖科爾沁旗官紳及昌圖紳商風雪馳數百里親臨弔祭贈賻又數千金省垣七十二行闔省文武皆有賻此外則有昏夜含涕賚送賻金不言姓名逕去者卒亦不知其爲何許人也公清挾拔俗薪俸外纖毫無所染餽遺一無所受性澹泊尙節儉仕京外數十年不知有聲色玩好然於族戚中惇獨無告者必竭力扶助惟恐不周公所至惟以興利除害爲急凡捕盜勸學賑貧卹孤諸要務無不首捐鉅款提倡未嘗稍存吝惜故雖久歷外任而囊無餘貲爲政一以正心誠意爲本知有國不知有家治案牘訟獄往往至廢寢食鼻爲之衄血管謂我以古人之道事上上必不能不以古人遇我故始終以勞怨自任而不以爲苦蓋公之存心行事皆智巧之士所深避而不肯爲者卒以積勞太深一病不起而同官者或竟

謂公爲愚嗚呼此公所以不可及而世道人心亦可見矣公疾惡嚴遇同列邪佞者每不屑與之語惡擣捕尤痛恨鴉片僚友之以此爲樂者聞公來輒匿之公以此愈不合於時公自光緒丁丑十餘年中封疆大臣專疏奏調及薦公者凡六省跋涉二萬餘里亦可謂賢勞卓著不負所學矣然而連年沈滯弓旌未聞下逮者直道三黜曲高和寡自古已然也愛公者或勸公爲圓通公曰此非吾所長強爲之將同畫虎且吾年將六十豈復改易面目耶公卒後奉天錦州昌圖三府紳士前清翰林孫百斛等思公之德臚陳生平政績聯銜稟懇將軍裕公奏請宣付史館准予建立專祠竟阻於讒慝之口是非久而愈顯公道自在人心至今昌圖之民感公遺惠言之猶有泣下者黃福贈謚不及士論惜之然草木亦知公名此亦何損於賢哲耶公生於道光十一年辛卯歲十

月二十六日年六十淑人趙氏同邑孝廉敏行公之女子二長鏗前清附貢生候選教諭次欽光緒戊子順天舉人前奉天義州知州直隸蔚州知州中華民國三年第三屆知事試驗及格取列甲等第六十二名現署直隸東明縣知事孫四長方潞光緒癸卯副榜第四屆知事試驗及格取列乙等現山西候補知事次方潞光緒庚子辛丑併科舉人東洋留學中央大學法政畢業現任江甯地方檢察廳檢察長三四幼讀錢開震字少如浙江仁和縣人前清光緒乙亥由北洋奉檄來偵奉天軍務將軍崇實以腹心倚之丙子年任鳳凰廳丁丑權義州牧未幾而調知奉化縣事因報逆案忤上峯被撤經年將軍崇綺得其情又復奉化縣任辛卯年幫辦奉天督轅發審處事壬辰補授昌圖知府所蒞各任有政聲邑紳路槐卿會各縣士紳等請按使代呈 大總統並咨行

清史館爲立傳蒙批照准民國四年三月事也

論曰清史館業爲公立傳矣定論具在無庸妄贊惟按志列有循良傳者爲名宦列之遵志例也

朱勳成字佩卿順天人前清乙酉拔貢也光緒二十一年任昌圖府教授清廉寡欲品學兼優事親至孝得俸盡以奉親冷曹出納年終必登以告親庚子之亂俄兵佔文廟播先賢牌位於院朱具公服往爭之俄兵皆驚異而不敢犯二十九年卒於任士林痛之

論曰師儒一官學者之模範也膺斯職者必言爲防行爲表庶爲不愧師儒朱勳成先生爲此邦教授觀其於庚子亂後既不惑於爭匪而俄人佔我文廟毀棄先賢神位先生具公服正言力爭之其所以

具公服而力爭者欲以其身為文廟殉也守文廟為先生職先生大節如此實無忝厥職矣且猶能以所得之廉俸除公費外盡數以為養親資復年終呈其歲出歲入各帳於親一錢而不敢自私先生可謂無虧孝行矣一節一孝先生兼之昌圖得此節孝儒師實是為昌圖表率也今先生已沒而此缺亦裁予以為缺雖裁而先生之遺烈難裁身雖沒而先生之儀型難沒先生殆與昌圖同不朽云

舊職以設官先後為次

清

崔廷桂 巡檢順天武清人方畧館供事任年未詳

按志職員向例不論官之大小以先後為定據此問之流寓劉釗云

崔廷桂係方略館供事於嘉慶何年到任未詳惟悉昌圖初開荒時雖設通判而第一任之通判不識誰何今先以第一任之巡檢記之似於爵秩有涉紊亂然載筆宜以先知之第一任爲冠遵志例也至繼崔爲巡檢者亦無可考舊志志巡檢之第一任爲胡俊德查奉化縣志胡俊德於同治五年爲梨樹城照磨縱使任昌圖巡檢時在照磨以先然亦不過咸豐年耳且舊志志徐棠爲其繼任又查奉化縣志徐棠咸豐九年任梨樹城照磨同治二年殉難以徐與胡較則胡爲昌圖巡檢諒不在咸豐年以上其非崔之下任可以斷言由是以觀則胡爲昌圖巡檢時昌圖已設通判矣茲所以按僚屬之例志胡徐於後云

通判

三神保 滿洲廂紅旗人前清舉人任期末詳

敦 禮 紅帶子出身任期失考

吳敬綸 雲南籍出身任年均失考

八 穩 籍與出身任年均失考

奎 壽 籍與出身任年均失考

賡 音 籍與出身任年均失考

同知

海 盛 福州駐防舉人同治四年任

梁遇春 前清同治四年任籍與出身失考



高椿直隸人前清咸豐乙卯舉人同治五年任

杜芬順天人前清辛亥舉人同治五年任

張鼎鏞江蘇人前清道光丙午科舉人同治五年任

姚利紳江蘇吳縣人出身失考前清同治十一年任

張鼎鏞出身失考

姚利紳出身失考

### 知府

趙受璧直隸人前清咸豐辛亥舉人同治十二年任光緒三年改治坐陞知府

徐本衡浙江人前清光緒五年任十二年復任出身失考

增林滿洲正紅旗人前清誥譯舉人光緒十年十五年任

高同善 河南汲縣人前清同治壬申進士光緒十三年任

章 樾 前清光緒十七年任籍與出身均失考

錢開震 浙江仁和縣人前清光緒十六年十八年二十一年任

陳 震 河南人前清光緒壬午舉人光緒二十二年二十四年任創設蠶桑局

徐鏡第 浙江人清光緒二十三年任出身失考

福 培 滿洲正白旗人京曹外用前清光緒二十五年任

涂景濤 湖南長沙人前清光緒乙亥科舉人光緒三十年三十一年任

祥 瑞 滿洲正藍旗人前清同治丁卯舉人光緒三十一年任

林學 斌 福建人前清光緒三十三年任出身失考

韓承烈 浙江人前清光緒三十三年任出身失考

富查璣 安徽人附貢生前清光緒三十三年任

李延祐 安徽人前清宣統元年任出身失考

洪汝冲 湖南寧鄉縣人宣統元年九月二十四日任

鄭焯 江西人出身未詳宣統元年任

李丙吉 浙江會稽縣人增貢生宣統三年正月十四日任

劉宗誠 順天寧河人議叙

程道元 廣東香山縣舉人宣統三年任

王廣廷 直隸撫寧人宣統三年任

民國

王廣廷 民國元年任

程道元 民國元年回任

知事

程道元 民國二年陽歷四月由府改縣

清

訓導

張觀海 直隸人前清舉人同治六年任

許善昌 直隸寶坻人前清同治八年任

教授

張旭東 直隸盧龍人前清同治甲戌進士光緒四年任

劉復隆 前清內務府舉人光緒八年任

劉世珍順天人前清進士光緒十八年任

劉 鈺承德縣人盛京右翼官學漢教習前清光緒二十一年任

朱勳成字佩卿順天人前清拔貢光緒二十一年任

王廷俊廣寧縣人漢教習前清光緒二十九年任

路立權海城縣附貢生前清光緒三十二年任

奉 恩遼陽州旗人歲貢生前清光緒三十四年任

馮學海直隸河間舉人宣統元年任

### 巡檢

胡俊德籍與出身任年均失考

徐 棠順天人出身考前清咸豐九年陞梨樹城照磨

王官彥

浙江秀水縣監生前清同治九年任著有竹林草堂詩集

廉維成

直隸寧河縣人前清同治十三年任出身失考

張蘭瑞

江蘇人前清光緒元年任出身失考

魯

銘順天人吏員前清光緒二年任

司獄

魯

銘同前

趙臣弼

江蘇人供事前清光緒七年任

楊文珩

江蘇監生光緒十二年任

錢

森直隸人清光緒十二年任出身失考

趙良精

直隸人清光緒二十年任出身失考

劉建封 山東諸城縣附生清光緒二十四年任

文 瑞 滿洲正藍旗人監生清光緒二十九年任

劉光烈 順天宛平縣監生光緒三十一年任

顧庚長 江蘇人附貢生光緒三十二年任

鄭 淵 清江蘇人附貢生光緒三十年任籍與出身失考

張瑞麟 吉林人優貢生清光緒三十四年任

劉 植 順天宛平縣人

何展采 未供失考

王治隆 清宣統元年任吉林伊通州人

王人鵬 安徽霍邱縣人優廩貢生宣統三年任

雷 森宣統三年任

周增祚 浙江人宣統三年十月初十日到任出身吏員

顏國勳 湖北竹谿縣監生宣統三年十二月到任

鮑道隆 江蘇上元縣人自此裁缺

### 照磨

高 涵 安徽貴池人道光元年任有惠政邑人去思塑像鬼王廟

馬 宣 籍與出身任期均失考

陳 籍與出身任年及名均失考

劉 籍與出身任年及名均失考

沈 榮 順天宛平人道光五年任



孫日堂 江蘇吳縣人 道光八年任

張步騫 山西文水縣人 道光十一年任

張長泰

湖南靖州人 自道光十五年至二十九年先後交卸復任凡十四年在任景久與商民協洽倡率修理各祠廟及酌定官斗秤等事有碑文可徵人亦稱述之

劉經常 湖南巴陵人 道光十六年任

楊茂林 甘肅綏來人 自道光二十九年至咸豐八年先後交卸復任共九年

登羅

福徵 咸豐初年兩次署任

徐棠 籍見前 咸豐九年任 同治二年殉難

董源

姚利紳 江蘇吳縣人 同治四年任 十一年復任

胡俊德 同治五年任

張雲蕃 同治五年任江蘇儀徵人

蔣壽同 江蘇元和人同治六年任

王官彥 浙江秀水人同治十三年任

夏昌齡 浙江餘姚人光緒元年任

沈謀成 順天大興人光緒二年任

趙良楮 直隸承德人光緒三年任

八面城照磨 山梨樹城移設

趙良楮 見前

劉繼勳 順天人清光緒四年任出身失考

周行鈐 清光緒五年至十二年任與出身失考

劉建封 山東諸城縣附生清光緒二十四年任

文 瑞 滿洲正藍旗人監生清光緒二十九年任

劉光烈 順天宛平縣監生光緒三十一年任

顧庚長 江蘇人附貢生光緒三十二年任

鄭 淵 清光緒三十年任籍與出身失考

張瑞麟 吉林人優貢生清光緒三十四年任

劉 權 順天宛平縣人

何展采 卷失考

王治隆 清宣統元年任吉林伊通州人

王人鵬 安徽望江縣人優廩貢生宣統三年任

雷 森宣統三年任

周增祚 浙江人宣統三年十月初十日到任出身吏員

顏國勳 湖北竹谿縣監生宣統三年十二月到任

鮑道隆 江蘇上元縣人自此裁缺

照磨

分治委員 八面城

顏國勳 宣統三年十二月到任履歷見司獄

周增祚 浙江人宣統三年十月初十日到任

郝成山 奉天旗籍民國三年四月十三日到任

黃炳賢 奉天旗籍民國四年任

何文瑩湖北江陵縣人丁酉拔貢民國五年任

### 同江口經歷

周增祚宣統三年任履歷見分治委員

許中書河南人宣統四年任

分治委員民國四年改縣佐

### 民國

全尙志前清登羅同知直隸州民國元年任

曹文鼎民國三年任監生

林維祺福建閩候縣人前清試用巡檢

地局職員一覽表附後

按昌圖額爾克開荒自前清嘉慶七年始時頭等護衛誥封武功將軍  
晉贈建威將軍滿達瑚奉王命承辦招墾事宜嗣招墾八社夾荒時經  
其子頭品頂戴管旗章京兼長史金寶山繼續承辦至道光年間招墾  
庫獨力荒亦均經其手辦理開始招墾時地局立於榆樹城迨安官設  
治後遂有西街慶成雙益兩地局之名城內又設地局二一恩成一恩  
阜後又設恩阜分局於八面城按志例次序宜先志榆城地局竊以滿  
達瑚既爲招墾之承辦人則總司局務者爲滿達瑚至招墾八社夾荒  
既屬金寶山繼續承辦則慶成雙益恩成恩阜以及恩阜分局各處均  
歸金寶山管轄中自不待言惟繼金寶山而司各局之事者均失名欲  
徵其實而清同治五年以前各局亦無冊可稽不得已由同治五年記

起謹列局員表於滿達瑚金寶山之後以志其大略云爾

### 承辦招墾員

滿達瑚字 失考 蒙古人前清官至頭等護衛嘉慶初年王派承辦招墾  
昌圖額爾克荒事宜忠於王事且恤貧周急四鄉士庶均以善人稱之  
洵蒙員中之名宦也卒年七十七歲諡封武功將軍晉贈建威將軍

金寶山字 失考 滿達瑚之子也招墾入社夾荒時繼其父而爲承辦迨  
道光初年招墾庫都力荒亦奉派爲承辦人爲人忠於王事樂善好施  
有父風焉

論曰地局之設父作於前子述於後人咸云金氏父子有功於蒙矣  
夫金氏父子於蒙固爲有功然不獨有功於蒙也即昌圖人民亦蒙

其惠使當日無此籌設地局者則昌圖之民何以收庶而且富之效哉

九年	同治	八年	同治	七年	同治	六年	同治	五年	同治	別	年
桑拉布	全上	桑拉布	全上	桑拉布	全上	桑拉布	全上	額斯德	全上	雙益	慶成
全上	全上	額各莫圖	全上	全上	全上	烏隆阿	全上	烏隆阿	全上	恩成	恩阜
全上	全上	全上	全上	全上	全上	額斯德	全上	額斯德	全上	恩阜	恩阜分局
烏隆阿	烏隆阿	烏隆阿	烏隆阿	烏隆阿	烏隆阿	德各吉呼	全上	德各吉呼	全上	恩阜分局	



光緒 元年	光緒 二年	同治 十年	同治 十一年	同治 十二年	同治 十三年
桑拉布	全上	全上	全上	全上	全上
葛拉克扎布 雙益	慶成	全上	全上	全上	全上
額各莫圖	恩成	全上	全上	那斯圖	全上
那斯圖	恩阜	全上	全上	全上	全上
烏隆額	恩阜分局	全上	全上	全上	全上
巴音綽果	葛勒克扎布	全上	全上	全上	全上
額各莫圖	全上	全上	全上	全上	全上

光緒九年	光緒八年	光緒七年	光緒六年	光緒五年	光緒四年	光緒三年
全上	全上	全上	全上	桑拉布	全上	全上
桑拉布 巴音綽果	全上	全上	全上	桑拉布 葛拉克扎布 巴音綽果	全上	全上
全上	全上	全上	全上	南楚克	南楚克	訥蘇肯
全上	全上	全上	全上	烏隆阿	烏隆額	全上
全上	全上	全上	全上	訥蘇肯	訥蘇肯	烏隆額

光緒十年	光緒十一年	光緒十二年	光緒十三年	光緒十四年	光緒十五年	總局 別管 員局 別
桑拉布	南楚克	全上	全上	全上	全上	
南楚克 色普徵額 富勒琿	色普徵額 富勒琿	全上	全上	全上	全上	慶成 雙益
愛興阿	全上	全上	全上	全上	全上	恩成
烏隆阿	南楚克	全上	全上	全上	全上	恩阜
訥蘇肯	全上	全上	全上	全上	全上	恩阜分局

官職

五十一

光緒十六年	光緒十七年	光緒十八年	光緒十九年	光緒二十年	光緒二十一年
全上	全上	全上	全上	全上	全上
色普徵額	色普徵額 額爾德尼諾爾 璧希略勒圖	色普徵額 額爾德尼諾爾	色普徵額 額爾敦那拉	色普徵額 克魯 額爾 額爾	全上
愛興阿	愛興阿	恩成	恩成	愛興阿	全上
南楚克	南楚克	恩阜	恩阜	南楚克	全上
富勒琿	富勒琿	恩阜分局	恩阜分局	富勒琿	全上

光緒二十七年	光緒二十六年	光緒二十五年	光緒二十四年	光緒二十三年	光緒二十二年
富勒琿	全上				
全上	全上	全上	全上	全上	全上
愛興阿	全上	全上	全上	全上	全上
富勒琿	全上	全上	全上	全上	全上
雅爾哈	全上	全上	全上	全上	全上

局員局

慶成 雙益

恩成

恩阜

恩阜分局

官職

五十二

光緒二十年 光緒二十一年 光緒二十二年 光緒二十三年 光緒二十四年 光緒二十五年 光緒二十六年 光緒二十七年 光緒二十八年 光緒二十九年 光緒三十年

全上

富額富色  
尼克普  
雅勝精  
罕伊河額

全上

全上

富額富  
克尼克  
精勝精  
阿伊阿

全上

富克精阿  
額騰伊

德隆額  
額騰伊

富尼雅罕

愛興阿

全上

全上

全上

全上

全上

富克精阿

富勒琿

全上

全上

全上

全上

全上

全上

雅爾哈

全上

全上

全上

全上

全上

全上

宣統元年	宣統二年	宣統三年	民國元年	民國二年	民國三年	宣統元年	宣統二年
全上	全上	全上	全上	全上	全上	全上	全上
布爾諾	布爾諾	布爾諾	布爾諾	布爾諾	布爾諾	布爾諾	布爾諾
全上	全上	全上	全上	全上	全上	全上	全上
富克精阿	富克精阿	富克精阿	富克精阿	富克精阿	富克精阿	富克精阿	富克精阿
慶成	慶成	慶成	慶成	慶成	慶成	慶成	慶成
恩成	恩成	恩成	恩成	恩成	恩成	恩成	恩成
恩阜	恩阜	恩阜	恩阜	恩阜	恩阜	恩阜	恩阜
恩阜分局	恩阜分局	恩阜分局	恩阜分局	恩阜分局	恩阜分局	恩阜分局	恩阜分局
雙益	雙益	雙益	雙益	雙益	雙益	雙益	雙益
額騰伊額	額騰伊額	額騰伊額	額騰伊額	額騰伊額	額騰伊額	額騰伊額	額騰伊額
富尼雅罕	富尼雅罕	富尼雅罕	富尼雅罕	富尼雅罕	富尼雅罕	富尼雅罕	富尼雅罕

民國四年

民國五年

全上  
全上  
全上  
全上

全上  
全上  
全上  
那遜巴雅爾



昌圖縣志第六編

志政事

周禮載一縣之政縣正掌之是人民望治之心交集於縣正而斯須不去今日之縣知事也民國肇興知事之事務紛繁誠非昔比民刑各事知事司之而教育巡警保衛團自治外交暨地方一切新政均總集於知事之一身人縱萬能精神亦將不繼俸給愈薄責任愈難勤求上理殊非易易謹於政治中志其要務於左

分科

昌圖自設治以來署內助治者有吏戶禮兵刑工六房前清宣統二年知府洪汝冲來守是邦奉上命改六房爲民事刑事庶務會計四股民

國二年知事程道元改爲總務司法財政三科各設科長科員以助理之

### 司法

司法者司民刑訴訟之法也昌圖未設審檢所訟案向歸縣署兼辦自民國二年六月派幫審二員司審判縣知事專司檢察幫審員對於地方風俗習慣未能週知重以貪婪騷擾吏胥混以爲姦司法中遂生一大障礙當道察悉其弊於三年二月概行裁撤仍歸縣知事兼辦矣

### 學校

昌圖從前教育機關爲書院爲義學爲私塾文教亦漸放光明自廢科舉而立學堂風氣更開民國元年已有學校四十餘處後經知事程道

元極力提倡現學堂已有二百六十餘處雖云人心嚮學亦爲政者及辦學各員有以使之然也

### 巡警

縣治巡警分爲五大區總所設警務長一員司所內及各區一切事務設總務司法衛生各股員以助之區各設區官以司區內各事均聽命於警務長仍歸縣公署監督又有蒙古七里界特別巡警五區設巡官五員雖不歸警長管理而亦爲縣署所轄此區圖警政之大略也

### 保衛團

保衛團設所長一員副所長一員助知事辦理團中一切事宜按縣城內辦事處鄉鎮共十二團每團設團總一員司團內各事均歸辦事處

管轄然遇事仍請命於知事以定行止蓋以知事爲監督也

### 司法巡警

司法巡警設巡官一員兵三十名此項原係馬壯皂三班經知府洪汝冲改選以清積弊改於前清宣統二年

### 自治

自治者補官治之不足者也分上下兩級機關上級機關爲參議兩會議事會議決參事會得調和補助之下級機關爲城鎮鄉之議董兩會議事會議決董事會執行之溯前清宣統二年先立下級機關次年上級機關亦經成立民國二年各省一例取銷現聞自治有復活消息若然竊願昌圖各界好爲之

8

## 外交

前清嘉慶年此邦始爲設治本無外交之可言自光緒初年英法兩國教士相繼而來外交之事起於此後中俄鐵路告成俄人之往來於道者不絕日俄之役客軍駐境則交涉尤多嗣鐵路轉移於日本日人之居二道溝雙廟子各車站及雜居於城鎮者實繁有徒近復新約告成合併農業之事或不免發生障礙非確有交涉知識者能勝任耶有地方之責者尙其慎之

皇朝通志 卷二

## 昌圖縣志第七編

### 志財計

國家之強弱於何徵之徵之於財政而已財足則國強財絀則國弱縣即國之小影何獨不然縣治爲博王旗地有租無賦每頃納大租銀五兩五錢小租市錢三吊由王旗自行設局徵收地方警學及新政各款金恃畝捐爲挹注而畝捐較別縣特少每晌收洋六分以致入不敷支年有虧空民國二年經知事程道元邀集警學各界妥籌節省出入相抵且可漸有贏餘及至以百之二十提省遂無伸縮之餘地現再力求撙節現狀僅可維持而預備金涸滴無存亦財政之大缺點也茲將國家地方歲入歲出與縣署行政經費及縣佐並地方各機關支出之一

覽表列後

昌圖縣經征國家收入一覽表

名稱	月額	年額	說明
當稅		庫平銀一五〇、	三家每家每年庫平銀五十兩
車牌鑄本		小洋二七六六一九	<small>此係三年分收數應提之一成鑄本</small>
印花稅		大洋一五〇〇、	印花稅本年始見踴躍此以現在推測之數

昌圖縣地方歲入一覽表

名稱	月額	年額	說明
畝捐		一三八、一〇〇、	



園田捐		五六〇、	
驗性捐		四、五八〇、	
肉捐		八、〇〇〇、	
車牌捐		二四、九〇二、	由此數內提一五經費並提百分之二十解省餘留支學款
斗用		五、六五〇、	此款由鎮商會就近經理准各該會留經費二成此係寬收之數
畝捐閏收		一二、九五〇、	此款閏月年有之奉文另儲備提
田園閏收		四、六、	此款閏月年有之奉文另儲備提
昌圖縣行政經費一覽表			
名別	員	數月單數月總數年	總數

五十八

知事	一	三〇〇、		三、六〇〇、
科長	一	八〇、		九六〇、
科員	二	五〇、	一〇〇、	一、二〇〇、
技士	一	五〇、		六〇〇、
一等僱員	二	一四、	二八、	三三六、
二等僱員	九	一二、	一〇八、	二九六、
衛兵目	一	一二、		一四四、
衛兵	七	一〇、	七〇、	八四〇、
夫役	一	八、		九六、

夫役	五	六、	三〇、	三六〇、
紙簿	四〇、	四八〇、		
筆墨	五、五	六六、		
刊印	一一、五	一三八、		
郵政	一一、五	一三八、		
電費	一一、五	一三八、		
報紙	一四	一六八		
雜品	一一、	一三二		
服裝	九、八	一一七、六		

滙員十一人  
每人月五角

衛兵八人  
每人月五角二  
分五厘

會計

五十九

茶水  
長員技士僱員衛兵  
夫役共二十九人每人月三角  
八、七

一〇四、四

燈油  
大燈二盞每盞月一元二角  
小燈十六盞每盞月五角  
一、二一、

一四四、

炕火  
六十四  
月三元  
四、一、

二一〇、  
廿一月十二十二二

爐煤  
大爐二具月六元  
小爐三具月三元  
二、一、

一〇五、

旅費  
一四、四

一七二、八

雜支  
二、八

三三、六

工資  
五、五

六六、

物料  
一、〇八三

一三三、

昌圖縣佐經費一覽表

名	別	員	數	月	單	數	月	總	數	年	總	數
八面城縣佐		一		七二、				八六四、				
辦公費				六四、				七六八、				
同江口縣佐		一		七二、				八六四、				
辦公費				六四、				七六八、				
昌圖縣地方支出一覽表												
名	稱	月	額	年	額	說	明					
警察事務所		八七、	三九八、									
教育公所		五〇、	五九九、									

農業試驗場	四四一、
收捐經費	二、七二八、
平民習藝所	四、八九九、
教育公所追加	四、一九九、

以上各機關活支及地方特別費用均不在其內

昌圖縣志第八編

志教育

夏曰校殷曰序周曰庠教育以明人倫三代尙矣自後世科舉取士試詩賦策論遂演成定學額設學官之劇前清末年廢科舉立學校而士風爲之一變知事程道元提倡興學務不遺餘力絃歌遍野女學尤見昌明茲統先後學務而並志之亦援古証今之義耳

前教育事務

師儒

考昌圖廳於前清同治四年時經奉天將軍都興阿奏設學官越二年而設訓導光緒三年廳陞府訓導亦改陞教授

## 開文書院

開文書院前清同治七年同知張鼎鏞所建按掌理書院教務者爲山長聞未延山長以前張即撤任遲至知府高同善始聘山長宣統二年遂以書院爲師範學校及中學校矣

## 學額

考同治六年始設學額文生額二武生亦二同治七年增爲文武各四光緒三年陞廳爲府後文生又增二額共六額武額仍四廩額二

## 學產

昌圖有學田一千畝學款十萬吊查學田學款均經邑紳李遇春趙映宸二人於前清同治五年勸辦現學田租與學款所生之利息俱爲教



## 育經費

### 維新教育機關

#### 教育公所

教育公所者即前清之勸學所也在縣署西北隅爲大仙堂之舊地知事程道元於宣統三年修建正房三間爲圖書館東廂房五間爲所長室爲辦公室後有廁所一間西廂房八間爲所役室爲廚室餘均爲教育會辦公室及會長室門房三間中爲所門東一間爲接待室西一間爲回事處共房十九間查教育公所初名勸學所總司其事者爲勸學總董嗣改爲勸學員長考勸學所成立於前清光緒三十二年初任總董爲劉醒虎繼者爲劉植年若樂自新則繼劉植年之後趙桂馨任差

時已改爲勸學員長繼趙桂馨者爲閻鍾文後勸學所又改爲教育公所現充教育所長者王丕顯也

### 教育會

教育會於前清光緒三十四年成立初租房設於西街民國元年遷於教育公所院內初任會長爲吳玉麟次爲郭德村又次爲陳鼎新若王不顯則繼陳鼎新之任至田宗舜又繼之現充會長者爲許桂馨此教育會之沿革考也

### 師範學校中學校

師範及中學校在文昌廟及開文書院之舊地以文廟爲東西之界東院正房三間爲校長室東西廂房各三間均爲學生宿舍校長室前有

正房五間亦爲學生宿舍依宿舍之東有房一間爲存儲室存儲室之東牆外有正房二間爲附屬小學校校長室之南有正房三層分東西建築共房十八間均爲學生宿舍由學生宿舍以南有東西廂房各三間東廂爲齋務室爲教務室西廂爲監學室爲長記室又有正房二間東爲接待室西爲傳達室接待室之東南有魁星樓一座魁星樓之西爲東校門此文廟以東之校地也若文廟以西之校地有正房五間爲教習室東西廂房各三間爲東西廚房爲東西食堂教習室之前有教室二所計各七間爲體操器械室爲博物標本室查西院之校地爲儒學舊署民國元年府教授裁撤署房荒廢知事程道元因其地與師範校相連民國二年夏與學界定議在該處添建教室二所將中校與師

範校合併於是年八月一日建築九月二十七日落成是舉也易無用  
爲有用又復合兩校而一之經費節省洵善道也謹志顛末並附校圖  
於後

第一高初兩等小學校

縣立第一高初兩等小學校在縣城以東天齊廟之舊地校門有二均向南開東門內有房三間中爲門東爲書記室西爲回事處校門內東西築房各六間爲接待室爲學生宿舍爲校長室爲學生宿舍東爲儲藏室爲學生宿舍爲教員室校門以前有二門門之東西各有房三間均爲講堂東西講堂前均有院東院以南有房二間爲教員室西院以南有房二間爲講堂二門以前有房三間亦爲講堂講堂之東有門過其門有房四間爲講堂講堂東有廁所共房三間此東校門內所有之房間也若西校門內僅有房三間爲廚室其餘空地爲操場通計第一高初兩等小學校房二十六間

## 城立小學

城立男女小學校之校地原爲城隍神廟民國元年將廟之前院改爲學校正房三間爲男生講堂門房三間中一間爲校門東一間爲教員室西一間爲回事處東有南門由門而入前後有正房三間後間爲海公祠寢宮廟有東廂房三間爲男生廁所此男小學校之校地也男生講堂東西有二小門由東門入有東廂房三間爲女生講堂由西門入有西廂房四間其三間亦爲女生講堂其一間爲女教員室女生廁所

在廟之東北此女小學校之校地也女生講堂之西院爲操場男生講堂以後有廟三間廟之後院復有廟三間廟之西院有房兩間爲蒙養

校民國三年立

## 女子師範學校

城東街爲女子師範學校其校舍原係舊時之中學民國二年中學歸併師範遂將女校移入校門南開校門之東有房一間爲回事處校門之西有房一間爲接待室校門以內有房七間爲講堂講堂旁有東廂房六間爲校長室爲講堂爲教員室又有西廂房六間爲女工師室爲女教員室爲庶務室庶務室之後有正房七間爲女工傳習所傳習所之西爲女廁所傳習所西北有廂房五間爲閨室傳習所後有正房九間西三間爲女講堂東六間爲閨室操場在院之東北偏規模洵整齊焉此校亦知事程道元所創設也

## 女工傳習所

女工傳習所在縣治東街知事程道元於民國三年建師範校長李伯

南兼理之所內課程分四科一刺繡二作花三縫紉四編織現各科均有成效惟作花一科尤精良焉

### 宣講所

宣講所在財神廟內於民國二年成立始任講員職務者爲姜廷翰繼姜廷翰者爲閻東漢若王尙賢則繼閻東漢之後田宗舜又爲王尙賢之繼至繼田宗舜而現爲講員者張沛林也

### 閱報室

閱報室用管理員一名初田宗舜膺其任繼田宗舜而現充管理員者爲張沛霖閱報室成立於民國三年至今不過一載耳

城校職員已載大略惟鄉校甚多限於篇幅不能如城校之一一詳志謹志全境學校一覽表於左



# 奉天省昌圖縣全境學校一覽表

學區地址	學校名稱	職教員數	學生級數	學生人數	畢業人數	成立年月	校長姓名	學董數名
本城開文書院	師範學校 中學校	九	本科一 二	三三三、 八三、	一九八、 七一、	前清光緒三十三年九月 前清宣統三年四月	田宗舜	
本城東區路北	附屬國民學校 女子師範學校	一	一	三七、		民國元年三月	李樹棠	
本城東區路北	附屬高等及國民學校	四	民一 高一	一〇〇、 四〇、	二八、	前清光緒三十四年九月		
本城東區路北	縣立第一高等及國民小學校	九	民二 高四	七九 一五七、	一二九 一六、	前清光緒三十三年九月	許桂馨	
本城西區	縣立國民學校	四	三	一一〇、		民國元年八月	劉士林	三
	設立養正	一	一	二五、		民國二年四月		

奉天省昌圖縣全境學校一覽表

城北路路西 立國民學校	第三鄉鸞窩樹 縣立第二高等 及國民小學校	第五鄉八面城 縣立第三高等 及國民小學校	第七鄉金家屯 縣立第四高等 及國民小學校	賈力鎮街 鎮立高等及 國民小學校	第六鄉大洋街 縣立高等及 國民小學校	賈力鎮公立高等及 宜罕牛家國民小學校	第九鄉通江口 鄉立高等及 國民小學校	附屬國民學校
一	六	六	八	六	六	五	六	一
一	二	二	三	二	二	二	二	一
三〇	六〇	五二	五〇	五五	九三	六一	六五	四七
一八	四〇	四三	一三	四七	一九	二二	二二	四〇
民國元年八月	清光緒三十二年九月	清光緒三十二年五月	清光緒三十二年五月	清光緒三十四年五月	清光緒三十四年五月	清光緒三十二年四月	清光緒三十三年二月	民國元年九月
郭怡三	劉薪傳	馮憲章	張偉志	王邑岐	馬振武	王殿英	費則詩	
原係年日	原係年日	原係年日	原係年日	原係年日	原係年日	原係年日	原係年日	原係年日

第一鄉董家橋保鄉立國民學校	第一鄉大牛園鄉立國民學校	第一鄉大營盤鄉立國民學校	第一鄉太平溝鄉立國民學校	第一鄉三里堡子鄉立國民學校	第一鄉五里堡子鄉立國民學校	第一鄉牛莊高保國民小學校	第一鄉長嶺子國民小學校	第一鄉亮中橋國民小學校
一	一	一	一	一	二	三	四	二
一	一	一	一	一	二	高一	高一	高一
三四、	三八、	三二、	三〇、	三〇、	七〇、	三四、	二六、	七〇、
		四、			三五、	二六、	一九、	二七、
民國二年三月	民國元年八月	清宣統元年四月	民國二年三月	民國元年十月	清宣統三年三月	清宣統三年三月	清光緒三十四年七月	民國元年十月
牛發珍	趙伯侯	徐澤陽	馬蘭峯	周振邦	張澤民	胡靖藩	孟憲中	叢自善
一	二	二	二	二	一		四	三

教育

七

第一鄉長山堡鄉立國民學校	一	一	三一	民國二年四月	劉玉泉	一
第一鄉長青堡鄉立國民學校	一	一	二六	民國二年四月	劉子實	三
第一鄉馬仲河鄉立國民學校	一	一	三五	民國元年十月	周文煥	一
第一鄉東道鄉立國民學校	一	一	三一	民國二年三月	楊麗澤	一
第一鄉頭道鄉立國民學校	一	一	三〇	民國二年四月	盧庭柏	三
第一鄉東六家子鄉立國民學校	一	一	三〇	民國二年四月	張致中	二
第一鄉四道溝鄉立國民學校	一	一	三三	民國二年四月	張起超	一
第一鄉新安鄉立國民學校	一	一	二九	民國二年四月	王會亭	一
第一鄉後四方鄉立國民學校	一	一	三七	民國三年三月	李斐然	

第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校	第一鄉張家屯立國民學校
一	一	一	一	一	一	一	一	一	一
一	一	一	一	一	一	一	一	一	一
二四	二四	二四	二四	二四	二四	二四	二四	二四	二四
民國三年五月	民國三年五月	民國三年五月	民國三年五月	民國三年五月	民國三年五月	民國三年五月	民國三年五月	民國三年五月	民國三年五月
郭茂林	郭茂林	郭茂林	郭茂林	郭茂林	郭茂林	郭茂林	郭茂林	郭茂林	郭茂林
一	一	一	一	一	一	一	一	一	一
二〇	二〇	二〇	二〇	二〇	二〇	二〇	二〇	二〇	二〇
民國三年七月	民國三年七月	民國三年七月	民國三年七月	民國三年七月	民國三年七月	民國三年七月	民國三年七月	民國三年七月	民國三年七月
杜蔭田	杜蔭田	杜蔭田	杜蔭田	杜蔭田	杜蔭田	杜蔭田	杜蔭田	杜蔭田	杜蔭田
二	二	二	二	二	二	二	二	二	二
四五	四五	四五	四五	四五	四五	四五	四五	四五	四五
宣統元年二月	宣統元年二月	宣統元年二月	宣統元年二月	宣統元年二月	宣統元年二月	宣統元年二月	宣統元年二月	宣統元年二月	宣統元年二月
梁獻廷	梁獻廷	梁獻廷	梁獻廷	梁獻廷	梁獻廷	梁獻廷	梁獻廷	梁獻廷	梁獻廷
二	二	二	二	二	二	二	二	二	二
五八	五八	五八	五八	五八	五八	五八	五八	五八	五八
清宣統三年四月	清宣統三年四月	清宣統三年四月	清宣統三年四月	清宣統三年四月	清宣統三年四月	清宣統三年四月	清宣統三年四月	清宣統三年四月	清宣統三年四月
紀善忱	紀善忱	紀善忱	紀善忱	紀善忱	紀善忱	紀善忱	紀善忱	紀善忱	紀善忱
二	二	二	二	二	二	二	二	二	二
二九	二九	二九	二九	二九	二九	二九	二九	二九	二九
民國元年八月	民國元年八月	民國元年八月	民國元年八月	民國元年八月	民國元年八月	民國元年八月	民國元年八月	民國元年八月	民國元年八月
張炳唐	張炳唐	張炳唐	張炳唐	張炳唐	張炳唐	張炳唐	張炳唐	張炳唐	張炳唐

第二鄉雙房身鄉立國民學校	一	一	三〇、	民國二年十月	戚廣成	四
第二鄉北雙房身鄉立國民學校	一	一	三〇、	民國二年五月	姜樹勳	二
第二鄉和尙溝鄉立國民學校	一	一	三三、	民國二年二月	尹作華	二
第二鄉山盛店鄉立國民學校	一	一	三〇、	民國二年三月	楊玉山	二
第二鄉偏成溝鄉立國民學校	一	一	二八、	民國元年十月	王化堂	四
第二鄉太平溝鄉立國民學校	一	一	二七、	清宣統三年六月	畢保忠	二
第二鄉平安店鄉立國民學校	一	一	二七、	民國二年二月	歐雅亨	一
第二鄉九間房鄉立國民學校	一	一	二五、	民國二年七月	高魁武	
第三鄉蘇家屯鄉立國民學校	一	一	二八、	民國元年七月	蘇魁一	

第三鄉三道官鄉立國民學校	一	二八	清宣統元年五月	高斗南	八
第三鄉川樂鄉立國民學校	一	二七	民國元年三月	趙孟臣	
第三鄉千禧子鄉立國民學校	一	二五	民國元年二月	叢作芝	
第三鄉仁里堡鄉立國民學校	一	二七	民國元年五月	程國鼎	二
第三鄉大興庄鄉立國民學校	一	二五	民國元年二月	李鴻儒	
第三鄉新街鄉立國民學校	一	二二	民國元年二月	宋成武	
第三鄉大泉堡鄉立國民學校	一	三五	民國元年五月	姜鴻鈞	
第三鄉四合屯鄉立國民學校	一	三三	民國元年五月	萬化春	一
第三鄉三道林子鄉立國民學校	一	二四	清宣統元年三月	朱臨川	

教育

九

第三鄉直家子公立國民學校

一 二七

民國二年二月

任開文 二

第三鄉興道窪公立國民學校

一 六六、九

民國二年五月

王玉林 二

第三鄉小房身公立國民學校

一 五八

民國二年十一月

李朝元

營鄉王祥富保總立國民學校

一 五五

清宣統元年五月

趙景春 三

第三鄉周家口公立國民學校

一 二二

民國二年十月

賈香亭 一

第三鄉舊樹鄉立國民學校

一 三四、九

清宣統元年五月

劉雲亭

第四鄉青堆子鄉立國民學校

一 二八

清宣統元年五月

衣煥章 四

第四鄉明水泡鄉立國民學校

一 二四、六

民國元年五月

劉元基 二

第四鄉四平街公立國民學校

一 三〇

清宣統元年九月

劉文宣 六



第四部全山保經立國民學校	一	三八	民國元年十月	趙汝霖	一
第四部新家庭立國民學校	一	三二	民國元年十月	劉雲海	一
第四部新家庭立國民學校	一	二五	民國元年十月	段文彬	一
第四部瓦舍屯立國民學校	一	二五	民國元年十月	張廷榮	一
第四部倪家屯立國民學校	一	二九	民國元年十月	倪清俊	一
第四部太平生立國民學校	一	二七	民國元年十月	孫景海	一
第四部如意屯立國民學校	一	三一	民國二年三月	趙連科	一
第四部四道河立國民學校	一	二四	民國二年七月	許鴻為	一
第四部南河立國民學校	一	四七	民國元年七月	王幹臣	一

教育

十

第五鄉備坡 立國民學校

一 三八、八

民國元年七月

周中興

一

第五鄉五里 立國民學校

一 二〇

清宣統三年五月

宋翰臣

一

第五鄉大和尚屯 立國民學校

一 三〇

民國元年八月

李育英

一

第五鄉小和尚屯 立國民學校

一 二五

民國元年八月

王作民

二

第五鄉八岔 立國民學校

一 三九

清宣統三年七月

戚子珍

一

第五鄉韓家高堡 立國民學校

一 三〇、一五

清宣統三年閏二月

王會春

二

第五鄉小八家子 立國民學校

一 二三

民國二年三月

李迎春

一

第五鄉西須子洞 立國民學校

一 三〇

民國二年三月

劉興漢

三

第五鄉西雙城子 立國民學校

一 二五

民國二年四月

李秀山

一

第五鄉五里窪子鄉立國民學校	一	一	二五、	民國二年七月	李世臣	一
第五鄉小兩家子鄉立國民學校	一	一	二五、	民國二年三月	李迎春	一
第五鄉前屯鄉立國民學校	一	一	二四、	民國二年三月	溫明義	一
第五鄉後屯鄉立國民學校	一	一	二三、	民國二年三月	馬考三	一
第五鄉前家子鄉立國民學校	一	一	二六、	民國四年三月	王景恩	一
第五鄉三台崗鄉立國民學校	一	一	二六、	民國二年五月	王興泉	一
第五鄉八面城鄉立女子國民學校	二	二	六一、	清宣統元年三月	陳鼎新	一
林木鋪村內學校	一	一	三八、	民國四年六月	周中興	二
安鄉小區樞堡鄉立國民學校	一	一	三二、	清宣統三年三月	姬紹文	三

教育

十一

第六鄉寶貴城鄉立國民學校

一 三三

民國三年十月 羅森林

一

第六鄉黃家高堡鄉立國民學校

一 二四

民國元年十月 孫百川

一

第六鄉中黃花城鄉立國民學校

一 二三

民國二年五月 葛廷佐

一

第六鄉北黃花城鄉立國民學校

一 二四

民國二年二月 孟澄秋

六

第六鄉北三家子鄉立國民學校

一 三六

民國元年十月 王仲三

六

第六鄉公議局鄉立國民學校

一 三三

民國二年三月 李志綱

二

第六鄉三家子鄉立國民學校

一 二四

民國二年三月 梁維新

一

第六鄉太平嶺鄉立國民學校

一 二六

民國元年二月 劉永昌

二

第六鄉新泰鄉立國民學校

一 三四

民國元年二月 王世卿

二

第六鄉公安堡鄉立國民學校	一	一	二九、	民國三年四月	常德潤	二
第六鄉四家子鄉立國民學校	一	一	三五、	民國元年十月	朱永宣	二
第六鄉橫溝子鄉立國民學校	一	一	一九、	民國二年五月	鄒泉清	一
第六鄉張家窩堡鄉立國民學校	一	一	一五、	民國元年十月	王自鳴	一
第六鄉娘娘廟鄉立國民學校	一	一	二七、	清光緒三十四年正月	劉繼堯	一
第六鄉大窪街鄉立國民學校	一	一	二六、	民國二年六月	費執中	一
第六鄉新堡鄉立國民學校	一	一	四二、	民國三年十月	王錫九	二
第七鄉金家屯鄉立國民學校	四	三	七五、一八、	清宣統三年三月	謝廷贊	一
第七鄉方家屯鄉立國民學校	一	一	二八、	清宣統三年三月	趙蔭清	一

教育

十一

第七鄉陶家屯鄉立國民學校	二	二	五八、	一三、	清宣統三年三月	張玉峯	四
第七鄉二小屯鄉立國民學校	二	二	五七、	一一、	清宣統元年二月	盧聘三	二
第七鄉二龍山鄉立國民學校	二	二	五五、	三五、	清宣統三年三月	吳玉峯	一
第七鄉陶家樹林鄉立國民學校	一	一	三二、		民國二年八月	閻勳卿	二
第七鄉南三眼井鄉立國民學校	一	一	二五、		清宣統三年三月	李炳南	三
第七鄉五家子鄉立國民學校	二	二	六三、	三五、	清光緒三十四年五月	劉汝舟	一
第七鄉金家屯鄉立國民學校	二	二	六三		民國二年四月	姚英	二
第八鄉黑魚泡鄉立國民學校	二	二	五四、	一六	清宣統三年九月	田煒堂	三
第八鄉高保鄉立國民學校	一	一	二五、		民國元年八月	趙文元	二

第八鄉大興屯鄉立國民學校	二	二	五二、	二三、	清宣統三年六月	于興讓	二
第八鄉興隆山鄉立國民學校	一	一	三一、	二七、	民國四年三月	饒秀峯	一
第八鄉七家子鄉立國民學校	一	一	三〇、		民國二年五月	趙文斌	三
第八鄉八家子鄉立國民學校	一	一	三三、		民國元年十月	叢自新	一
第八鄉八段地鄉立國民學校	一	一	三〇、		民國元年十月	曹振民	三
第八鄉太平山鄉立國民學校	一	一	三一、		民國元年十月	田貢禹	四
第八鄉四道溝鄉立國民學校	一	一	二七、		民國二年四月	楊維屏	四
第八鄉亮河堡鄉立國民學校	一	一	三六、		民國二年六月	張敬輿	二
第八鄉孫家窩堡鄉立國民學校	一	一	四三、	一一	清宣統三年三月	任孟春	四

教育

十三

第九鄉四方台鄉立國民學校	二	二	四七	一二	清宣統三年五月	王峻德	二
第九鄉雁蛋泡鄉立國民學校	一	一	二〇		清宣統三年三月	朱丹書	一
第九鄉大梁子鄉立國民學校	一	一	三二	一八	清宣統三年二月	尙玉昌	四
第九鄉黃家窩堡鄉立國民學校	一	一	二八		清宣統三年三月	王均	一
第九鄉路家窩堡鄉立國民學校	一	一	二七	五	清宣統三年三月	路子雲	二
第九鄉大梁子鄉立國民學校	一	一	三七		民國三年六月	紹慶遠	二
第九鄉前家子鄉立國民學校	二	二	五〇	二三	清宣統三十四年七月	韓尙斌	四
寶力鎮	一	一	二五		民國元年十月	王直動	一
四馬架子							
寶力鎮新立屯鎮立國民學校	一	一	二七		民國二年三月	姜應璜	二



寶力鎮 燒首窩堡	寶力鎮 寶力鎮兩家子	寶力鎮 寶力鎮七家子	寶力鎮 程家窩堡	寶力鎮 周家窩堡	寶力鎮 孟可窩堡	寶力鎮 寶力鎮雙山子	寶力鎮 寶力鎮東曉轄	寶力鎮 寶力鎮	朱家窩堡
鎮立國民學校	鎮立國民學校	鎮立國民學校	鎮立國民學校	鎮立國民學校	鎮立國民學校	鎮立國民學校	鎮立國民學校	鎮立國民學校	鎮立國民學校
二	一	一	一	一	一	一	二	一	一
二	一	一	一	一	一	一	二	一	一
五〇、	二七、	三二、	六	三五、	二〇、	三八、	五〇、	二三、	二三、
一五、									
清宣統三年三月	民國三年五月	民國二年四月	民國二年四月	民國二年四月	民國二年四月	民國二年八月	民國二年八月	民國三年七月	
楊國平	王壽昌	姜鳳鳴	趙泮生	趙聯甲	姜綬璜	孟憲章	王不聖	王永昌	
三	一	二	三	一	一	二	一	一	

教育

十四

第一鄉西八家子私立國民學校	第一鄉七家子私立國民學校	第一鄉紅頂山私立國民學校	第一鄉三家子鄉立國民學校	第一鄉馬仲河鄉立女子國民學校	第一鄉大牛圍鄉立女子國民學校	賈力鎮新屯鎮立國民學校	賈力鎮本街鎮立女子學校
一	一	一	一	一	一	一	一
一	一	一	一	一	一	一	二
一九、	一六	一九、	四三、	三〇、	二七、	三〇、	三二、
民國四年二月	民國四年二月	民國四年二月	民國四年五月	民國三年四月	民國二年三月	民國元年十月	民國元年十月
王炳文	閻國屏	李振華	田兆論	譚貴安	黃金璽	梁富珍	王瑞雲
二	一		二	一	二	一	一

樂鄉大窪南街私立國民學校	一	一	三三二	民國四年五月	費執中	一
第六鄉興隆泉私立國民學校	一	一	一八	民國四年七月	劉聲遠	一
第六鄉閻家店私立國民學校	一	一	一九	民國四年七月	項鵬南	一
第七鄉六寶高堡私立國民學校	一	一	二四	民國四年二月	馮樹聲	二
樂鄉王家高堡私立國民學校	一	一	四一	民國四年二月	李雨田	二
第七鄉興隆私立國民學校	一	一	三一	民國四年二月	張國漢	一
第七鄉那馬海私立國民學校	一	一	一八	民國四年二月	王鳳鳴	一
第七鄉五塊石私立國民學校	一	一	二九	民國四年二月	王作新	一
樂鄉車家高堡私立國民學校	一	一	二四	民國四年二月	王雨時	二

教育

十五

第八鄉五家子私立國民學校	一	一	三二一、	民國三年五月	趙惠林	一
第八鄉興隆山私立國民學校	一	一	二二一、	民國四年二月	許正春	二
第八鄉南小房身私立國民學校	一	一	二二二、	民國四年二月	李慶三	二
第八鄉土城子私立國民學校	一	一	二二四、	民國四年二月	周正邦	二
第八鄉羊草甸私立國民學校	一	一	二〇、	民國四年二月	趙輔仁	一
第八鄉三條子屯私立國民學校	一	一	二二九、	民國四年二月	趙家賓	一
第八鄉新立屯私立國民學校	一	一	二二三、	民國四年二月	歐振芳	一
第八鄉大台廟私立國民學校	一	一	二二二、	民國四年二月	王進先	一
第八鄉查塘溝私立國民學校	一	一	二一四、	民國四年二月	李樹藩	二

第八鄉十間房 私立國民學校	第八鄉劉家店 私立國民學校	第八鄉雙井子 私立國民學校	第八鄉朝陽堡 私立國民學校	第八鄉劉家荒地 私立國民學校	第八鄉白廟子 私立國民學校	第八鄉葦子溝 私立國民學校	第八鄉亮中橋 鄉立女子國民學校	第八鄉興隆山 鄉立女子國民學校
一	一	一	一	一	一	一	一	二
一	一	一	一	一	一	一	一	二
二〇	一五	一六	二三	一六	一五	一八	二六	五六
民國四年二月	民國四年二月	民國四年二月	民國四年五月	民國四年五月	民國四年五月	民國四年五月	民國元年十月	民國元年十月
李之屏	朱立本	高振遠	路雲階	劉仁	王雅軒	楊永和	姚雲卿	吳秉鈞
二	一	二	二	二	一	一	二	一

教育

十六

第九鄉金屯	第九鄉種子湖	第九鄉大房身	第九鄉長嶺子	第九鄉湯家高堡	第九鄉紅石槽	第九鄉高保	第九鄉泰山	第九鄉黑坨子
私立國民學校	私立國民學校	私立國民學校	鄉立女子國民學校	私立國民學校	私立國民學校	私立國民學校	私立國民學校	私立國民學校
一	一	一	一	一	一	一	一	一
一	一	一	一	一	一	一	一	一
一八、	一七、	一六	一八、	二〇、	二〇	三八、	二三、	二〇
民國四年二月	民國四年二月	民國四年五月	民國四年五月	民國四年五月	民國四年五月	民國四年二月	民國三年十二月	民國三年六月
劉殿舉	孫國棟	于紹周	趙粹貞	張春和	李丙南	趙洪源	高萬峰	
三	三	二	二	三	一	二	二	

第一鄉西朝陽堡私立國民學校	第一鄉小四家子私立國民學校	第一鄉段家嶺私立國民學校	第一鄉十七頃私立國民學校	第二鄉長山堡私立國民學校	第三鄉大榆樹屯私立國民學校	第四鄉東平安堡私立國民學校	第五鄉義合屯私立國民學校	第六鄉王家窩堡鄉立國民學校
一	一	一	一	一	一	一	一	一
一	一	一	一	一	一	一	一	一
二二二、	二二二、	二二二、	一九、	二二三、	二二六、	二二二、	一九、	四一、
民國四年二月	民國四年二月	民國四年五月	民國四年二月	民國四年二月	民國四年五月	民國四年五月	民國四年二月	民國四年三月
鍾文郁	張秉文	劉寶廷	劉永貴	李錦堂	孟廣居	周景純	孫玉珍	李際春
一	一	一	二	一	一	一	一	一

教育

十七

第三鄉 董家樹	私立國民學校	一	一	四二、	民國四年七月	李蔭泮	一
東街	私立國民學校	一	一	三一、	民國四年五月	宋錫九	二
縣前街	私立國民學校	一	一	一六、	民國四年五月	孫耀庭	一
第五鄉 高家油房	私立國民學校	一	一	一七、	民國四年七月	左潤芳	一
第五鄉 小段屯	私立國民學校	一	一	二一、	民國四年七月	陳起興	一
第五鄉 二河屯	私立國民學校	一	一	一九、	民國四年七月	劉華林	一
第五鄉 雙廟子	私立國民學校	一	一	三〇、	民國四年二月	孫守先	一
第五鄉 東高台子	私立國民學校	一	一	三五、	民國四年三月	張元舉	一
第五鄉 孟家窩堡	私立國民學校	一	一	二八	民國四年五月	王權	一



第五鄉	八廟城甘神廟	私立國民學校	一	一	二八	民國四年五月	孫世珍	一
第五鄉黑城子	私立國民學校	一	一	二九	民國二年四月	孫漢	一	
聖鄉金家屯街	女子高等及國民學校	六	民三	一〇二	五三	清光緒三十四年九月	李湘嶠	一
寶力鎮六家子	鎮立高等及國民學校	二	民一	三七	四七	清宣統三年八月	秦燁	一
本城南區	私立國民學校	一	一	一九	民國四年五月	吳可增	二	
公廟胡街	私立國民學校	一	一	二一	民國四年二月	祁振海	一	
本城東區	私立國民學校	一	一	二三	民國元年五月	陳佐廷	一	
公所院內	私立國民學校	一	一	一七	民國四年六月	杜錫和	一	
本城西區	私立國民學校	一	一	三八	民國五年三月	張義廷	二	

本城西區城立國民學校

本城西區城立國民學校

本城東區

公所院內

本城西區

本城西區城立國民學校

本城西區城立國民學校

民國五年三月

民國四年六月

民國元年五月

民國四年五月

民國四年二月

民國四年五月

民國二年四月

民國四年五月

張義廷

杜錫和

陳佐廷

祁振海

吳可增

秦燁

李湘嶠

孫漢

孫世珍

本縣中區城立國民學校	一一	二	七六	民國五年三月	張沛霖	二
寶力鎮金山堡鎮立國民學校	一	一	三〇	民國四年二月	王洪恩	二
寶力鎮四家子鎮立國民學校	一	一	二八	民國四年八月	馬名驥	二

昌圖縣志第九編

志實業

今日競言富國矣亦知富國之有其本乎本何在曰實業昌圖開荒迄今已百有餘年若農若工若商安業而居非不衆且繁也然而農皆守舊工不改良遂至商業蕭條江河日下此誠實業前途之一大危局也知事程道元顧此茫茫力圖補救觀其種桑柞以備育蠶開水利以資種稻立苗圃以廣林業定章程以獎勵之以及創辦平民之習藝擴展監獄之工廠一人非之而不顧衆人非之而亦不顧任勞任怨終能固實業之基礎日起有功加以習藝所所長閻繼唐輔佐於其間勞瘁不辭不遺餘力都人士如繼此而保存之擴充之昌圖之實業未可量也

謹將官辦民辦各實業並志之於後

### 農業試驗場

農業試驗場初知府查富璣於前清宣統元年創辦其場初立於二道溝之車站旁租站旁民地一百餘畝所試種者爲稻梁包米等類揀選中外各項種類力求改良後以經費支絀移於城東南隅官地已等告朔餼羊矣知事程道元到知府任於宣統二年仍將該場極力整頓有官舍六間派員專司其事並附前知府陳震創辦蠶桑局於其內數年以來頗收效果昌民爭仿效焉

### 平民習藝所

平民習藝所初知事程道元於宣統二年十一月間在縣城外北小壕後

街就養濟院地基購買地所添築房間創設貧民習藝所收容無業游民教以粗淺工藝嗣房屋工廠陸續修築完竣招收貧家子弟入所學習廠分織布織襪染科編柳四科聘僱工師置辦機器分科教習嗣後將貧民字改爲平民以便招生所內附設簡易識字日有功課數年以來所出貨物日見暢銷將來資本日充再加擴展於地方當大有裨益焉

### 宏業有限公司

宏業有限公司附設平民習藝所內係知事程道元會同各界組織專辦織襪及衛生衣等貨與習藝所工業相輔而行開辦以來造成物品頗屬精良購買者有接踵相繼之勢焉

## 農林蠶業公司

農林蠶業公司辦事處附設平民習藝所內係知事程道元於民國二  
年招股成立經於北蓮山屯領王荒山地三十天種植柞樹已活萬餘  
株再緩數年即可以飼養山蠶次年復研求水利勘得大四家子地勢  
窪下且近於河遂租民田二十餘天化隴爲畦鑿池引水試種水稻秋  
成每十畝獲稻十四五石之譜運城碾米粒整味香食者甘之昌圖向  
無水稻近年研究種植者漸多實該公司提倡之力也

論曰奉省各縣均言修實業矣然言之易行之難觀昌圖不數年間  
而爲農業試驗場農林牧廠平民習藝所以及宏業公司農林蠶業  
公司暨蠶絲廠各實業均先後成立其果誰之力歟予以爲無知事

提倡之與各界贊助之斷不至此行政在人其信然乎倘由此而擴  
張之昌圖利源詎外溢耶書此不禁爲昌圖前途賀





昌圖縣志第十編

志慈善

讀孟子書至鰥寡孤獨而無告者文王必發政施仁以養之竊歎慈善之舉古今所不可無也予纂修昌圖縣志知水會自新所孤貧院牛痘局施醫院戒煙所以及貧民教養所之先後設立雖廢興無定而政蹟猶存爰筆志之既不使澤加於民者之歸於湮沒亦可爲提倡善舉者勸

水會

按水會前清光緒十三年知府高同善設久廢

自新所

按自新所在署內係清光緒十三年知府高同善立久廢

### 牛痘局

按牛痘局初知府高同善於前清光緒十三年創辦民均頌之嗣款不足於知府福培任內取銷蒙古總管富勒琿與恩阜地局之遲守榮以牛痘局之便於民也籌得市錢一萬吊發廣增當生息後廣增當荒閉經恩阜地局墊款二載富勒琿與遲守榮又復出而籌捐此局遂未停止於前清宣統三年經知事程道元力爲整頓委國治司局中事現城鄉之引痘者均便此誠昌圖最要之善舉也牛痘局初設於西街之關帝廟後移於財神廟院內矣

### 孤貧院

按孤貧院係前清光緒十二年知府高同善創立以北街官房五間作收養孤貧之所每名月給東錢八吊以爲口糧並設孤貧頭以約束之民國元年知府程道元改爲平民習藝所並附設養濟院

### 衛生醫院

按衛生醫院係前清光緒三十二年日俄戰時日軍所設撤兵後移交常年經費向由畝捐開支年額約八千餘元款絀遂裁宣統三年知事程道元在知府任時委陳國治司院事改爲公立醫院又復募捐成立經鄉型富勒璋兩次捐洋二百元與各界捐助醫院遂未中止現知事程道元又延日人松永威爲東醫而中醫仍令陳國治司之濟人之急爲社會造福多多矣醫院設於財神廟院內

### 戒煙會

按戒煙會於前清宣統三年設在關帝廟處初任會長爲袁西林現改爲禁煙善後所移市場財神廟院內今移在公署所長爲劉曜樞

論曰善局之設原以爲民也昌圖所設之善局不一雖有存有廢存者固便於民廢者卽有政息人亡之感爰筆而志之庶使設者之苦心不致歸於湮沒耳

昌圖縣志第十一編

志交通

周禮合方氏掌達天下之道路達者使往來無阻即今之交通也昌圖自嘉慶七年蒙王招墾後爲產糧之薈萃區商賈購運不絕於道惟陸路僅恃大車以春冬爲最至夏則道途泥濘人歌行路難矣所幸同江尙有遼河可通海運然限於氣候河流封早開遲實爲憾事自有南滿鐵路轉輸較易且電報郵政電話先後設局通函者朝發夕至不似舖司文報之稽延惟南滿鐵路奪我利權識者於是有疏濬遼河之議近聞動工在即如果告成地方之福也再由邑赴二道溝站有平車焉車行頗險行人危之知事程蓮元遂有修築城南馬跡河橋路之舉以駛

馬車亦交通之一端也吁昔日之閉關自守以開放爲迂疏今則舍開  
放一途無挽回利權之道亦時勢使然乎謹將前後交通各要政志之  
於後

### 舖司

舖司立有三處其地點在本城鸞鷲樹四平街清光緒四年經知府趙  
受璧設立三十二年經知府查富璣裁按舖司始於前清光緒二年將  
軍崇實等會奏變通章程行遞公文由地方官分所設立舖司隨時接  
遞以免積壓但奉省實無此項經費向來州縣地方遇有要差均資商  
力由舖戶津貼公費與各省辦理差徭借資民力情事相同添設舖司  
仍令各屬於津貼公費項下自行籌辦此舖司之緣起而今廢矣

文報局

局在本城中街清光緒三十二年設今裁

電報局

局在縣城南街及同江口清光緒三十二年設

郵政局

局在縣城中街清光緒三十三年設

電話局

局在縣城關帝廟院內民國二年冬季知事程道元會同各界集股創設南接開原鐵嶺瀋陽北通鴛鴦樹四平街八面城與梨樹交接其餘各鎮尙待擴充

陸路運輸

陸路所運輸者惟特大車按大車有三套四套之別裝卸載之處爲縣城爲金家屯爲鶯鶯樹爲八面城爲寶力屯爲同江口爲亮中橋爲四平街爲大窪爲二十家子自火車通而大車利權幾歸淘汰非冬令運糧則大車亦如同無用此陸路運輸之現況也

水路運輸

同江口爲縣境之一大津可惜者地氣嚴寒河開太遲水亦淺淤如能疏濬大小船隻均用小輪拖帶非惟能挽水路利權即陸路大車之利權亦爲挽回矣管見若此有志交通者當不河漢之



昌圖縣志第十二編

志宗教

立教者之命名不一雖約言之不外乎續繹歸納而支流旁出門戶亦愈變而愈奇如均任其信教自由不有以區別之亦濫也惟於宗旨之無害於人宗派之盛傳於世者信之庶不致誤入歧途矣昌圖爲蒙古舊地蒙古所最信者爲宗噶巴教自漢人居此墾田後多宗信佛道兩教至信耶蘇及天主者亦復不少若回民之居於此地年限尙淺人亦無多實不如他教之盛也謹將各宗教志之於後

釋教

佛教會在東街會長爲王清泉民國二年成立

佛教研究會在南街會長爲馬秉文民國四年成立

### 道教

道教雖未立會而城鄉之寺院多半黃冠者流足見道教之流行於昌圖也久矣

### 天主教

法國天主教在本城南街一通江口街一金家屯街一八面城街一寶力屯街共五處

### 耶蘇教

英國耶蘇教堂一本城東街一同江口一金家屯一大窪街一寶力屯一鷺鷥樹共六處

宗噶巴教

宗噶巴教者爲黃衣僧之祖師也昌圖爲蒙古舊地城鄉之有喇嘛廟者均衣黃故志宗噶巴教云

回教

天方教回民之教也昌圖雖無禮拜寺而回民之居於城鄉者實不乏人既有其人則其教遂不得不志

附以上六宗教考於後

釋教考

按釋教流傳始於釋迦牟尼佛佛初爲迦毘羅幡卒都國淨飯王之子生於周昭王二十六年其年十九歲感人生老病死之苦因出宮入山

修道焉苦行年至三十當周穆王四年癸未十二月八日明星曙於午  
遂大覺焉而道成回國繼王位再出世傳教申宗旨有大乘小乘之別  
小乘言地獄苦以悟下愚大乘爲上智而設所言者盡爲哲理弟大  
乘爲不二法門而小乘則分二百餘部部繁不及備載迨周穆王五十  
一年壬申二月十五日年八十入涅槃涅槃者即寂滅之說也及釋迦  
寂滅後其弟子摩河迦葉波承佛統是爲初祖波寂滅其統阿難承之  
爲二祖難傳末田地傳商邦和須須傳優波多多傳提加多提加  
多傳彌遮迦迦傳佛佗難提提傳佛佗彌多多傳波濕縛縛傳富那夜  
奢奢傳阿濕縛窣沙沙傳迦毘摩羅羅傳那伽曷樹那那傳提婆婆傳  
羅喉多多傳難提提傳那舍舍傳鳩摩羅羅多多傳闍夜多闍夜多傳

婆修槃駝駝傳摩拏羅羅傳鶴勒那那傳師子按師子時有外道之徒竊僧貌以犯罪國王不察其由遂殺師子師子之徒婆舍羅多逃亂後回印度傳不如密多多又傳般若多羅羅傳菩提達摩此釋教之二十八祖也又考釋教有十三宗曰毘曇宗曰三論宗曰成實宗曰律宗曰涅槃宗曰地論宗曰淨土宗曰攝論宗曰禪宗各宗之講義亦先後入我華均有傳教者宣其奧理姑不具論惟有梁之世菩提達摩來以如來之元機與禪宗之要領傳惠可可傳僧璨璨傳道信信傳弘忍忍傳惠能神秀分南北兩宗惠能所傳者爲南宗神秀所傳者爲北宗惟北宗衰而南宗盛迨南宗末葉又分五家更出二宗遂見七宗之分派即臨濟游仰曹洞黃龍法眼揚岐是也現南宗之禪法中國大行昌圖有

佛教會其亦以六祖南宗爲皈依乎

### 宗噶巴教考

喇嘛教者亦佛教之分支也教有二派服紅衣者曰紅教服黃衣曰黃教初元得西藏及領吐蕃時憂其地遠慮其俗悍而難治因設佛教以柔其心封僧侶爲帝師有巴思巴者元世宗時之帝師也紅教之立自巴師巴始有宗噶巴者由紅教而改黃教之首倡人也生於明永樂之西寧衛得道於西藏之甘丹寺示寂於明成化之十四年初修紅教因紅教專持密呪借吞刀吐火以惑俗與巫無異遂力矯其弊並將衣冠易紅爲黃以示區別由是而黃教以興又遺囑其二大弟子世世一呼畢爾罕呼畢勒罕者即化身之說也二大弟子一曰達賴一曰班禪各

臨死皆指其再生處果有徵弟子等因其有徵也爰以神聖迎而立之輪迴不已本性永不磨滅故歷世爲喇嘛教之師惟黃教與紅教之所以異者緣紅教娶妻傳子而黃教則不娶妻以化身轉世傳教每至示寂時先指出呼畢勒罕之所在爲証據使其徒等訪迎之著以爲例然至五世而止故當時有一葉五花之語前清乾隆帝以其爲妄欲改革之特製金瓶二一設於西藏布達拉之大寺一設於北京雍和殿而記呼畢勒罕之生時暨名字納此瓶中使其至時取出以証真僞昌圖爲蒙古舊地管廟之喇嘛皆衣黃其殆爲宗噶巴之教乎

### 道教考

道教以清淨無爲棄人僞歸天真制欲養心爲本其開此教之源者爲

老子老子姓李名耳字伯陽生於武丁庚辰二月十五日卯時誕於楚若縣瀨鄉曲之仁里母名立妙玉人寄母胎八十有一年自左腋生生時在李樹下因姓焉生而白髮垂肩面黃白長耳短目美鬚廣額疎齒方口足蹈三五手印十文歷充周代之守藏史等官於周昭王時棄官歸亳又昭王二十三年騎青牛過函谷關爲關令尹著道德五千言由是而道教名焉考秦始皇漢武帝皆好神仙信方士道教因之漸興後漢時有張道陵者入蜀之名鶴山著道經二十四篇稱爲天師東晉時有葛洪居羅浮山著抱朴子南北朝時其說甚盛亦道教之別樹一幟者又後魏有寇謙之者隱於嵩山修道術常言遇神人李譜文授以圖錄真經六十卷及太武即位謙之獻其書時人多未信惟崔浩贊之帝



遂召致其弟子四十餘人起大道場親至道場受符錄一時之道教遂盛於佛教矣及謙之卒有韋文秀者由嵩山召還亦蒙禮遇再北齊張遠遊趙靜通之徒亦以此重一時按唐高祖時有人自言於羊角山見老子老子曰爲我告唐天子我爲若之祖也高祖不以爲妄竟下詔就其地立老子廟唐高宗幸亳州謁老子廟上尊號曰太上玄元皇帝詔王公皆習道德經並凡爲道士者免賦役道教之聲勢遂爲一振中宗時以方士鄭普思爲秘書監以葉靜能爲國子祭酒並命各州作觀一所睿宗時以西城隆昌公主爲女冠自是皇女有入道者玄宗重道教置眞君祠廟於五岳設玄元廟於兩京及諸州以致祭之令士民家藏道德經一本躬親爲之注疏立道學博士於崇玄館置宗玄學生於諸

州使應貢舉是爲道舉神異之事士民爭奉於是宰相李林甫等皆捨宅爲觀以祝聖壽帝乃悅至肅代德憲時道教之盛遜於佛然以其爲皇家之正教也名位仍居佛上後武宗專重道教於是行斥佛之說高宗初賜華山陳搏以希夷先生號雖不專尙道教而亦在崇尙之列及眞宗時旣加老子以尊號復作玉清昭應宮其華麗無比倫也又賜張正隨爲眞靜先生自茲以往賜號爲常事焉仁宗時號張乾曜爲澄素先生徽宗於道教信尤堅張繼元王老志王仔昔等皆賜號且作玉清和陽宮塑道像設道階置道官賜方士林靈素號爲通眞達靈先生並立道士學置道學博士修道史給道俸由是而揚道教抑釋教矣尋靈素有罪歸於鄉帝亦被金虜道教遂爲之一衰至南宋時亦不振元爲

蒙古最信佛教者也憲宗使佛道兩家互爲辯道不勝佛令焚其經又奪道家之寺院而歸佛然猶加道士張真人號使領江南路並分道教爲三種曰正一教曰真大道教曰太乙教可知道教爲歷代所行不易銷滅也明太祖時以道士張正常爲真人授以正二品秩其僚佐有贊教堂書等名至世宗時又建宮殿於宮中並加邵元節陶仲文之尊號使總領道教及二人死一謚文康榮靖一謚榮康忠肅創千古未有之奇亦道教之奇遇也及穆宗卽位於道士之奸惡者雖誅之而其教亦未禁迨前清時亦設道官其道官維何在京爲道錄司在府爲道紀司在縣爲道會司其統轄道士者以此若民國有信教者自由之例且道教原不在禁令中查古圖道院較僧院爲多亦可見此地之道教盛於

釋教也

天主耶穌兩教考

天主即耶穌也其傳教之書同而講解各異按耶穌生於猶太國耶路撒冷之波利恒萬國全圖集謂其生於中華漢平帝之元始元年又中西紀年表謂其生於漢哀帝之元壽二年兩說不知孰是均存之以待質諸博學者考天主所事之像名曰耶穌手執一圓象問爲何物則曰天問天何以持於耶穌之手則曰天不能自成其爲天如萬有者之不能自成萬有必有造之者而後成天主爲萬有之初有其有無元而爲萬有萬有元超形與聲不落見聞乃從實無造成實有不需材料器具時日先造無量數天神無形之體次及造人其造人也必先造天地品

彙諸物以爲覆載安養之需故先造天地造飛走鱗介種植等類乃始  
造人男女各一男名亞當女名尼薇以爲人類之初祖天爲有始天主  
爲無始有始生於無始故稱天主焉次造天堂以福事天主者之靈魂  
造地獄以苦不事天主者之靈魂人有罪應入地獄者哀悔於耶穌之  
前並祈耶穌之母以轉達於天主即赦其人之罪靈魂亦得升於天堂  
惟以諸佛爲魔鬼在地獄中永不得出問耶穌爲誰則曰即天主主宰  
天地萬物者也後有路得者創彼羅提士派鳴羅馬教之非慘見流血  
由是而耶穌教之名始立並有路得宗之稱此說予得之魏源引俞正  
燮癸巳類稿筆而述之爲昌圖學天主耶穌兩教者告

回教考

回教即天方教也。溯乾坤未闢以前，萬物無形，無方無似，迨闢矣而崑崙之陽，二洲之極，有一地焉，爲聖賢首出之所。考天方輿地經曰：地爲圓體，乃水火相合而成。土居水面四分之一，地之半面分爲三，土中土西土自東至西作一直線，自南至北作一橫線，兩線相交爲十字形。天方當十字交處，爲天地之樞紐，故萬物環向焉。有阿丹者，受四氣之精華而生，居於天方中，傳真宰之明諭，立人世之準繩，傳道授徒，遂名其教曰天方教。又云：阿丹千餘載後，洪水氾濫，人民漂沒者三閱月，洪水退，有大聖努海出，受真宰命來治水，使其徒繫分往四方，計其時去阿丹二千餘載矣。又查魏源天方教考載：阿丹傳其教於施師，二傳努海。海傳易卜刺，狀狀傳易司馬，儀儀傳母撒撒，爾撒撒死，不得其傳。

至六百年而穆罕默德出謂係天方帝胄生而聖靈以大德王天下西域諸國共上尊號曰倍昂伯爾考其所傳之教也有刪經定制兩大端夫所謂刪經者在革去前人之僞經與天下後世立經學之準者也查天方前聖之經百有四部不能備載惟於經之最古者詳之曰討刺特經曰則通爾經曰引支勒經此經之最古者指爲僞均令廢之惟授人以甫爾加尼經甫爾加尼者即華言保命真經也查此經有六百六十章包前古經文於其中得以此經爲教授亦去僞存真由博反約之義也夫所謂定制者曰齋拜曰婚喪曰律度權衡大而朝廟禮祀小而日用飲食起居以及天地山川禮樂文章皆總前聖之精微而集其大成又天方教有一日五禮之制考晨禮始於阿丹晡禮始於易卜制欣

禮始於郁納息昏禮始於爾撒宵禮始於母撒至穆罕默德兼而用之  
一日五禮七日一聚一年三會晨禮四拜晌禮十拜晡禮四拜昏禮五  
拜宵禮九拜聚禮十拜會禮三拜惟大人有明禮有夜功有禮親之禮  
禮親二拜明禮夜功無定數此皆穆罕默德所定之制回民世守而不  
敢違者也昌圖爲蒙古地初招墾時有不准回民入境並治產等規約  
自前清光緒三十二年日俄戰時回民亦漸爲潛入現居斯者已有數  
家均屬浮居小本營生定約雖存而昌圖人仍與相安者亦五族共和  
之義焉



昌圖縣志第十三編

志戶籍

操爲政之權者如不知民數之多寡則奸宄無由察欲民之同歸保衛也難矣吾聞古者獻民籍於王王拜受之而藏於天府禮至隆典至重也昌圖開荒已逾百年小民之購田宅於斯聚家族於斯以及商賈於斯長養於斯者戶口約計五二、〇五一戶生齒日見其繁品類亦屬不一筆而志之後之嗣查戶口者有所本矣謹將戶籍表列之於左

籍貫	戶口		總計
	戶	人	
	男	女	計
滿籍	一六	四四	四九
蒙籍	二、九九九	一一、五八三	二四、五五九
漢籍	四七、三六九	一八七、〇四二	三六四、六一六
回籍	一五	五六	一〇八
漢軍	一〇	二八	五四
客永住	一、二七七	六、二九九	一〇、四五六
籍暫住	三六五	二、三五九	三、六八九
總計	五二、〇五一	二〇八、八〇四	四〇三、五七一

論曰昌圖開墾僅及百年而殖民已至四十餘萬由是以往繁產更

籍貫	年		十歲下		二十歲下		三十歲下		四十歲下		五十歲下		六十歲下		六十歲上		七十歲上		計	
	女	男	女	男	女	男	女	男	女	男	女	男	女	男	女	男	女	男		
滿人	六	七	一〇	九	一〇	一二	八	一〇	六	四	三	一	一	一	一	一	一	一	四五	四四
蒙古	女一、九二二	男二、六八〇	二、二六〇	二、四九二	二、二九五	二、三六一	二、二七四	一、七四九	九〇九	九八五	二八二	二八二	一五三	二二、九七六	一四八	一一、五八三	一	一	二八	二六
漢軍	三	四	四	五	八	七	六	五	四	三	二	二	一	一	一	一	一	一	二六	二八
回民	八	一二	一三	一一	一五	一四	七	一〇	五	六	二	三	二	二	二	二	二	二	五二	五六
漢人	女三六、四三六	男四〇、八五〇	四三八、七二〇	三三四、七二三	三三三、五二二	二一九、一八二	一、五四一	三、五八三	九、九六七	三、三八二	六、三七一	七、二四二	七、三六七	〇、四二二	一、六三二	七、二四二	一、六三二	七、二四二	一、六三二	七、二四二
客籍	女八二八	男一、四九一	一、一九六	一、七三二	一、三二七	一、〇一五	六五八	八八七	四二六	三五	一一	一五	八、六五八	一、四八七	一、四八七	一、四八七	一、四八七	一、四八七	一、四八七	一、四八七
合計	女三六、五三一	男四三、五四二	四二、一九三	三八、八三六	三七、七三四	二二、六七一	三〇、六三三	六六、八〇四	四二、六三三	六六、八〇四	一、三〇六	一、三〇六	一、三〇六	一、三〇六	一、三〇六	一、三〇六	一、三〇六	一、三〇六	一、三〇六	一、三〇六

昌圖縣志 卷之五 戶籍

可知矣昔太王遷岐民從如市竊歎民之多寡視牧民者爲轉移碩  
鼠無歌萑苻悉靖未有不視爲樂郊者願執政者思之

昌圖縣志第十四編

志禮俗

禮曰入國而問俗問之有志之之意焉昌邑地本蒙荒自闢墾而來居斯土者多半邊裏各州縣及燕趙齊晉之民雜然相混而人情渾厚習俗近於純良加以數十年化被絃歌民風更爲一變夫誰謂朔漠之地無善良風俗哉謹志習俗於後以備輶軒之採

士習

舊俗消沈新機漸闢文明競進豪爽不羈

農習

不憚辛勞力圖操作惟種植僅循舊法尙未更新加以邊地多寒祇能

一穫故先後爲民牧者設農業試驗場以提倡之願守舊之農民速爲變計也

### 工習

工多守舊式未翻新自平民習藝所成立以來工人漸有改良氣象風化移人有如此者

### 商習

商分上中下三等燒鍋糧棧當舖上等生意也多山西人中等則爲絲房雜貨及藥行等類多直隸永平府人若下等之小木營業不可枚舉多山東人習俗亦均守舊業

### 冠

古制男子三十而娶二十曰冠迨至後世遞相推演遂成今日早婚之風昌圖男子多有十二三歲而成婚者其婦恒長於夫六七歲男子未中年婦已斑老矣按此風多出於富家爲子娶婦以期得孫近日文教日開此風可漸變矣

### 婚

婚姻之禮憑媒妁之言稟父母之命以媒妁二人介紹男女兩家願否作親再將男女年庚報明兩家互相查對先由男家到女家女子以裝菸爲禮名曰相看諧則留筵否則請辭女家相妥再往男家相看禮亦如之兩家議協再訂聘禮布帛首飾等物若干定期迎娶名曰過禮由男家寫立庚帖送往女家名曰通信至期備送猪酒各儀物略通六禮

納綵問名請期之義至親迎之期男子亦有行親迎禮者悉聽男家之便富者多用肩輿平常之家則用車轎新婦下轎以紅布覆其面男子向北叩首新婦跣立一旁名曰拜天近來民國禮制初頒亦有行文明結婚禮者然鄉間不多見

### 喪

人死次日盛殮三日送行戚友咸至曰祝死者靈魂陞西天也棺以松杉富者則用梓柏間亦有用槨者有停柩七日或三七五七百日始葬者亦有久厝俟卜窆窆者蓋惑於風水也殷實之家於殯期多有邀集僧道喇嘛唵經禮懺謂與先人免罪又僱扎彩匠扎作車馬人夫屋宇器皿耗費鉅金亦所不惜作俑殉葬蓋有秦繆公之遺風焉縉紳之家



亦有成主者以木作神主請素有德望者爲大賓士紳數人爲禮賓書死者生死年月日時於其上置龕供養歲時荐饗

### 祭

亡者殯葬三日其子孫到墓前祭奠名曰圓坟七七百日週年均須往祭戚友亦有以紙錢祭品供獻者每年正月十五各往坟前送燈清明節七月十五日十月初一日亦到坟前焚紙拈香醮奠蓋歲時報饗追念不忘意也

論曰人咸謂風俗之美惡繫乎民而予以爲風俗之美惡則繫乎官何則美俗則褒嘉之惡俗則禁止之令出爲行風行草儻如謂風俗轉移與執政無與吾不知移風易俗之權果誰操之哉



昌圖縣志第十五編

志物產

按昌圖舊屬科爾沁左翼後旗貊地也孟子曰夫貊五穀不生惟黍生之昌圖開荒僅百年不第五穀豐盈而各物亦日形蕃衍設非蒙王招墾於前與歷任官長化行於後則嚴寒之地何以能順物性而轉融和哉爰分類志之願居斯土者食德飲和世世不忽云爾

穀類

高糧

種始自蜀名蜀黍

黏蜀黍

一種殼黃一種殼黑但性黏耳

粟

古以米之有殼者稱粟今以殼之最細而圓者為粟殼曰粟米曰小米按周禮九穀之名有梁無粟則梁亦粟也今之粟者則為黃粟

大豆 古謂之菽今分黑白黃褐青斑諸色

小豆 有黎白赤黃黑數種赤者入藥

綠豆 粒細而深者為上粒潤而淡者次之

豌豆 爾雅謂之戎菽遂志謂之回鶻豆今有大小二種

蠶豆 以蠶熟時有之按豆中惟此無枝蔓亦呼為樹豆

扁豆 色亦不一白者入藥

小麥 詩謂之來

大麥 詩謂之牟

蕎麥 伏種秋收其苗以黑龍江者為佳按唐高承簡傳以蕎為蕎非據爾雅詩傳茲  
另是一物

粳 水粳為上陸粳為粳即詩之徐也

黏稻

俗呼粳米也

黍

稷之黏者為黍俗呼大黃米

稗

宜下濕地米最甘滑

玉蜀黍

黃白紅三種有精光故名玉花穗在上粒子藏包中旁結如筍似是穀之別種俗名棒子又名包兒米晚收不畏霜雪邊疆種之尤宜

脂麻

靈壽志引沈存中華談云古者中國止有大麻張鷟始自西域得油麻種來故又名胡麻即脂麻也正字通曰素間麻麥稷黍豆為五穀麻即今油麻張鷟從外國得黑脂麻耳脂俗訛作芝非

蘇

爾雅謂之桂在 今有紫白二種收子可榨油

薏苡

漢馬援征交趾載其種還今名草珠子米入藥曰薏苡仁

稷

禮記謂之明粢明一統志作擦今呼糜子米晚種早熟邊地尤宜

附陸清猷八黍稷辨及陳文焯纂修奉化縣志蜀黍臆說於後

黍稷辨

良和詩曰載筐及筥其饗伊黍鄭氏箋云筐筥所以盛黍也豐年之時雖賤者猶食黍况禮云少年特牲大夫士之祭禮食有黍明黍是貴也玉藻云子卯稷食菜羹爲忌日貶而用稷是爲賤也賤者當食稷耳黍離詩孔疏云黍言離離稷言苗則是黍秀稷未秀出車詩云黍稷方華二物大時相類但以稷比黍黍差爲早朱子詩傳云稷似黍而小爾雅云黍稷邢疏云左傳黍食不鑿黍者稷也曲禮云稷曰明黍是也郭注今江東人呼粟爲黍然則黍也稷也粟也正是一物而本草稷米在下品別有粟米在中品又似二物故先儒甚疑焉今按真定府志有粟有黍有稷而稷下注云土人咸以飯黍爲稷愚常合而觀之黍貴而稷賤

黍早而稷晚黍大而稷小黍穗散而稷穗聚稷卽粟也今俗所謂小米者稷也所謂黃米者黍也黍有粘有不粘者飯黍也粘者釀酒之黍也其辨甚明白土人以飯黍爲稷而黍稷粟之辨遂淆然本草已分稷與粟爲二種則其相沿之訛非一日矣天啓時新城王象晉作群芳譜近時江右張自烈作正字通亦皆指飯黍爲稷甚矣俗訛之難辨也眞定府志輯於雷禮雷博物多聞一言而解先儒之惑善哉小雅甫田疏又云春官肆師注粢六穀總爲粢天官甸師注粢稷也惟以稷爲粢者以稷是穀之長爲諸穀之總名愚按稷賤而少然爲穀之長者以其多歟今土人猶指粟爲穀豈非亦以其爲穀之長而專此名歟稷之爲粟更無疑矣靈壽春秋祭至聖先師以飯黍當稷而不用粟是無穀之長也

可乎又稷有別種如狗尾草而味最美者謂之梁詩維糜維芑注云糜赤梁粟芑白梁粟是也朱子鵠羽詩注亦云梁粟類也明會典載祭先師用黍稷稻粱是此梁今或以高粱當之者亦非至若齊民要術云古者以粟爲黍稷粱秫之總稱而今之粟在古但稱爲粱爾翼曰粱者黍稷之總名皆謬論矣可疑者惟朱子詩傳謂黍苗似蘆高丈餘按黍苗無高丈餘者此似指高粱爲黍然高粱雖有蜀黍之名乃別是一種非粱亦非黍也意朱子仍先儒之說而未改歟

### 蜀黍臆說

一事不知儒者之恥菽麥不辨恥孰甚焉故陸稼書先生之志靈壽也作黍稷辨源源委委虛心考鏡論辨綦詳允足解前人之惑而爲後學



之津梁矣唯公論蜀黍之不應名黍云云則不能無疑焉余於辛巳壬午間來游梨城梨城爲蒙王分藩境古之貊地也見夫農田雖五穀略備而種殖蜀黍則有十之八蓋邊地苦寒秋獲較晚此爲最宜因悟孟子所言貊五穀不生惟黍生之一語殆指蜀黍而言竊幸一得之愚有以解童年讀書之惑遂考之詩彼黍離離朱傳謂黍苗似蘆高丈餘又恍然此之謂黍亦指蜀黍孟子之言蓋出於此再証之群芳譜蜀黍一名蘆稌一名蘆粟一名高粱一名荻梁大抵皆言高似蘆荻與詩傳爲昭合是蜀黍之名爲黍其來已久而無所疑義矣因論之詩之爲教也辭微而意婉故說詩者不以文害辭不以辭害志斷章取義獨不可以斷辭而識名乎且詩言白穀不能悉數而蜀黍之名不見經傳則古者

合穀之性黏者通謂之黍亦屬顯然至以種來自蜀故名蜀黍定係後人之詞姬周以上無蜀郡之名則詩與孟子之祇言黍者固宜也清猷未來此極北之地又偶泥而說詩遂執滯謂蜀黍名黍之爲謬不亦過歟予生也晚恨不得登先生之堂而質疑焉遂存是說以俟後之君子云陳文輝識

論曰陳文輝先生謂陸清猷未來極北之地泥而說詩遂執滯以蜀黍名黍之爲謬夫陳之說是矣予生也晚未獲登清猷之堂而一爲質疑亦隨人以清猷爲非似乎薄待古人矣然而指歸有在不確以定之一誤亦難免再誤所以即兩說而僉附於後亦使人知陳說之是而陸說較偏也至於妄議先儒則吾豈敢

蔬類

白菜

芥

蘿蔔

蕪

蒜

葱

菠菱菜

胡葵

茄子

靈壽志云爾雅作蘿菔郭注謂菹宜為菹又云以上三種古皆名菹紫花菹者今之蘿蔔芥菹者今之芥菜晚菹者今之白菜菹是總名  
禮經名本可供祀今為常蔬

盛京通志云小蒜中國種也大蒜張鷟携來之西域種今有紅皮白皮二種

畿輔通志有種曰凍曰胡曰漢曰芥按爾雅山蔥謂之茗

靈壽志云本是類陸國為菠菱後加草盛京通志言唐太宗尼波羅國所獻又按直隸臨榆縣志尼波羅國作尼波羅

一名羌葵一作落葵相傳張鷟自西域得種歸等名香菜

一名落蘇有滷茄水茄旱茄之別

秦 茄

結茄長於莖而土銀生青熟紅味極辛

芹 菜

爾雅謂之楚葵水旱二種赤白二色今僅食旱者

苣 香

苣子皆可食煮臭肉下子少許即不臭見羣芳譜

雲 豆

種來自雲南而味更靈俗呼為六月鮮

豇 豆

莢必長而有紅白二種長而肥者充蔬皮薄者秋成食子名曰打豇

地 豆

又名薯薯

山 藥

本名薯蕷亦可入藥

絲 瓜

瓜時以石墜則直老則筋如亂絲

壺 蘆

瓜屬詩八月斷壺是也壺俗為葫非按與葫蘆別葫蘆係匏而圓者又葫蘆本  
作瓠

黃花菜

一名鐵金菜

冬瓜 本草一名白瓜

黃瓜 與月今王瓜異種來西域

地瓜 一名紅薯

倭瓜 種出東洋

攪瓜 形類倭瓜而小內生筋絲醬醃密餞皆宜食時以筋攪取出之似縷切者


瓠子 亦瓜屬如盞特細而長

果類

桃 不及內地實甚大者

杏 不及內地之大

榛子 山邊多有之



葡萄

漢書作蒲陶有家野二種野者小而紫黑

山裏紅

爾雅曰机檠梅又有謂其為另一種之山櫨者

甜瓜

不及邊裏非七月不能熟禮記為天子削瓜即此瓜也

西瓜

熟亦晚種出回紇及雲南哈密

藥類

益母草

一名瑾一名茺蔚

萊菔子

即蘿蔔子

蒲公英

俗名婆婆丁

防風

黃芩

桔梗

一名齊尼有苦甜二種

車前子

詩名芩蒿好生道旁布葉如輪俗呼車輪菜抽穗結子即車前子

牛旁子

一名惡實葉大而圓可為火絨

卷耳

一名菜耳俗呼蒼耳子詩采采卷耳又名棠耳

扁蓄

赤莖好生道旁爾雅謂之竹俗呼豬牙草

香附

莎草根也

艾

爾雅謂之冰臺

透骨草

兔絲子

爾雅謂之唐蒙今多生豆田中農家以之餉豕

菖蒲

生湖泊中俗呼臭蒲

王不流行 多生麥地

地膚子 即掃帚子

牽牛 黑白二種又名黑白二丑

苦參 即野槐根

青黛 即靛花

薏仁米 俗名溝子米

茵陳 即嫩蒿仲春因宿根而生即諺所謂二月茵陳三月蒿也

大薊 俗名苦薊菜

小薊 俗名鎌刀菜

遠志 苗名小草即詩之蓂



百合

根如蒜頭而有葉有一種養丹子生菜間又出丹似百合而小亦名紅百合根皆可食蓋一類三種為百合入藥

罌粟

即生菜

葶藶

入夏即枯月令孟夏葶藶草死即此

木類

榆

有圓榆花榆之別榆大者中為車軸一名軸榆唐風所謂山有樞者此也花榆理細宜為其凡榆腫者花紋尤勝可飾器用人多珍之

楊

有白楊白楊之別青楊葉大而圓白楊葉微小說文小楊也柔脆易生與楊同類

桑

按桑葉鐵云桑用無桑幕容應通於普求種江南始有桑現此地亦為種桑其提實業之大要物也

柏

按六書精義云柏陰木也木皆屬陽而柏向陰指西蓋木之有貞德者故字從白而西方之正色也又柏葉柏仁入藥

松

種類不一結子者為果松無子者為杉松脂多者為油松

杏

說文杏果名

桃

爾雅梓木旄冬性溫山禮月令桃始華

柞

詩小雅維柞之枝其葉蓬蓬

花類

石榴花

有紅曰黃三種不結果者名番花石榴

刺玫花

紅者可入食品黃者花微小俗通呼刺玫野開者花皆單瓣色紅子赤名山刺玫

木槿花

朝開暮斂即詩之舜華

蜀葵

花色不一俗呼蜀菊花花赤者可染色紅白者可治帶疾一種莖短花小而單者錦葵也俗呼小蜀葵

芍藥

有紅白紫諸色根可入藥

鳳仙

俗呼指甲草性能透骨入藥名急性子又有謂者為暴急子者乞熟讀本草者考之

山丹花

花紅六瓣一名紅百合其跗未開者乾之即紅花菜

海棠

彭澤材有五種海棠無香亦在恨中

高麗菊

似草芙蓉而小黃赤色

月季

名月月紅

江西蠟

其花似菊亦不一枝頗搖曳

荷包花

花似荷包鬚亦如穗

玉簪花

一名白鳩仙未開時如白玉瑤頭黃紫者花小

雞冠花

有黃白紅三種最矮者名壽星雞冠或云即玉樹後庭花出蘇子山詩注

捲丹花

俗名捲簾花根即為食品

石竹花

一名石菊一名洛陽花子入菜

荷花

詩謂之芙蓉雅謂之芙蓉

菊花

禮記月令季秋之月鞠有黃華鞠即菊

桃花

杏花

李花

爾雅李木之多子者說文李果名其花白色

草類

菸草

冬可禦寒種甚多為土人會品

靛草

即藍也為染布之用靛花入藥名青黛

章矛

土人用以苦房

鏗草

即木賊可以鏗竹木

莎草

詩南山有臺指此草宜莎等根即香附

羊草

土人用以飼牛羊即和泥

水稗草

土人用以苦房

蘇麻

土人瀉捻繩

鵝郎草

又名羊奶草能解鴉片毒

馬蘭

似蒲而小花藍無香可染衣根可爲刷月令荔挺出即此子入藥名蠶實

蓼

即詩之游龍可作杖

蓬

爾雅釋名曰蒿蓼蓬薦黍蓬今人統呼爲蓬子蒿

萍

浮生水藻或云楊花所化紫背者入藥

靱鞣草

土人用以溫履禦寒

羽類

雞

易禮俱稱翰音有五德本草遼有食雞角雞能鬥有九劬黃之目

慈鳥

孝鳥色純黑能反哺者俗名老鴉

鴻雁

詩疏云大曰鴻小曰雁不另配偶蓋全義鳥也

雉

有文采謂之華蟲祀品亦前清之貢品

布穀

能催耕知時鳥也

燕

知祥鳥性喜近人有越燕胡燕二種

以上均為佳鳥

鵝

說文馴鵝也長脰善鳴峨首似傲故曰鶩又李巡謂野曰雁家曰鶩

鶩

似鶩而大黑白二色羽可製箭

鳴

周禮謂鶩

野 鴨

爾雅謂之鳧

雀

依人小鳥俗呼為雀

鐵 雀

大如家雀爪堅似鐵故名焉

樹 鷄

似雞而小爾雅注云鷄鳴大如鷓似雉鼠脚無後趾出北方沙漠俗呼沙雞

蝠 蝠

爾雅謂之服翼糞入藥即夜明砂

以上各鳥均性拙半供人之食性者

百 舌

能隨百鳥之聲故名仲夏無聲又名反舌蓋鳥之靈者俗呼百靈鳥

鴿

依人鳥一種性穎能聽人指

黃 鸝

即詩之黃鳥也善鳴

鵲

性最靈名乾鵲俗名喜鵲

蠟嘴

喙如黃蠟故名性靈聽人指

紅料

色紅喜鳴花者名花料

千里紅

俗名蘇雀

靛雀

如靛色故名靛雀

三道眉

白色三道善鳴

柳葉兒

色淡綠小如指其微大者曰串柳兒

拙婦

一名拙老婆領下色紅

練雀

似鸛而小黑褐色項有毛似拖練

以上鳥性靈巧以聲色勝者

鷹

禮記月令季夏之月鷹乃學習一名鸚鳩種類不一



鷓

說文鷓鳥也列子天瑞篇鷓為鷓鷃為布穀久後為鷓此物變也

啄木

爾雅曰鷓啄木嘴錐長數寸形色大小綠黑不一諸鳥舌皆根於喉而藏於啄惟啄木舌根通腦後舌尖引之逾長樹中蠹蟲維潛穴隙皆能鉤取食之俗呼啄木官子

縮脖子

灰色形如鶴翅大脚高長則縮頸俗呼縮脖子

鶉

淮南子時則河田水化為鶉又畢萬術蝦蟆得爪化為鶉交州集南海有黃魚九月初化為鶉

水扎子

有大小兩種小者長喙大者尾根白

毛類

牛

禮記祭宗廟之禮牛曰一元大武

馬

唐書渤海傳俗所貴者牽賓之馬

驢

似馬長耳正字通謂駟長賴廣頰修尾有白黑黃三色以午及五更初而鳴協漏刻

羸 犬 貓 羊 貉 兔 豕 狼

馬屬也俗作騾

邊犬極肥大而健勝於內地考說文犬狗之有縣蹠者也象形孔子曰視犬之字如畫狗也埤雅傳曰犬有三種曰田犬曰吠犬曰食犬若今之菜牛也考禮曲禮效犬者左牽之疏狗犬通名若分而言之則大者為犬小者為狗故月令皆為犬

捕鼠獸禮記大噉迎貓即此

禮記羊曰柔毛

正字通謂貉狀似狸銳頭尖鼻斑色毛深溫滑可為裘又墨容揮尾謂其性好睡

禮記兔曰明視

禮記豕曰剛鬣

皮毛青白者貴考說文狼似犬銳頭白頰高前廣後從犬良聲又埤雅謂狼大如狗青色作聲諸跋皆涉善逐獸里語曰狼下食狼將遠逐食必先倒立以下所向故獵師遇狼輒喜狼之所嚮獸之所在也其靈智如此

獾

爾雅釋狼牡獾牡狼疏狼牡名獾北曰狼說文獾野豕也正字通狗獾蜀人呼天狗似小狼而肥李時珍曰獾猪獾也獾狗獾也二種相似而略殊遼東有海驢皮可為裘領予考驢似狗而矮體肥而鈍其皮宜於茵褥云

狐

毛極溫暖集腋為裘尤貴重說文謂妖獸也鬼所乘之有三德其色中和小前豐後

貂

說文謂鼠屬大而黃黑

鼠

有蝮鼠鼯鼠占鼠鼯鼠各種其類不一不及備注

鼯

屬屬

鱗介類

鯉

爾雅釋魚謂為赤鯉又詩陳風豈其食魚必河之鯉

鯽

渤海傳俗所貴者渭沱河之鯽

黃頰魚

似鮎而小背青黃色無鱗俗呼昂刺赤者名紅昂刺

鱮

似鮮而短爾雅謂之鱮俗呼泥鱮

鮠

正字通謂其形狹而長若條然故名為鱮考鱮鱠白而細性好浮人咸呼為白漂子

鮠

即詩之鰻身圓性靈色青白生於流水者色青黃按鮠鮠二魚混同江黑龍江大者至數十斤或百餘斤下江人收皮製衣亦柔細可服

蟹

俗呼旁蟹至秋味鹹又海蟹大而腥有虎皮金錢等名造化權輿云蟹易其寶蟹並脫散人往往見之

蛙

即蛙一名田雞有時化為鵝上人呼為青蛙

鼈

俗呼團魚又名脚魚甲入藥

蟲豸類

蠶

絲蟲說文謂任絲也

蜂

俗以在地作房者曰土蜂大者曰馬蜂釀蜜者曰密蜂按前清內務府及禮部皆有蜂丁取密交官密中煉出者為黃臘按密蜂採花釀蜜得人汗者功最上螫人罪至死

虻

俗呼瞎虻亦草所化鬻人飛蟲也蒙界最多

蛾

蠶蛾而外凡草蟲以蛹化為蛾者甚衆爾雅謂之蛾羅即蠶蛹所變者也

蟬

書中蟲一名蠹魚爾雅釋蟲謂為蠹魚

木牛

小黑而長下細上粗可通乳

螳螂

月令仲夏螳螂生俗呼刀郎深秋孔子作著樹枝是為螳螂

蜣螂

屎甲蟲一名蜣螂一名推車客俗呼使客郎所轉之丸納於土坎子生其中

蝶

形色黃白紅黑者均有皆蟲所化山中蝶大如掌色斑斕子即山蠶也又花樹間蠶之大者暑時置熱時時轉久之即可化蝶按爾雅翼今菜中之青蟲當春時綠行屋壁或草木上以絲自圍一夕視之有圭角六七日其背罅裂蛻為蝶出矣

蟻

性略如蜂惟善鬥說文作蟻蟻也爾雅釋蟲謂蟻蟻大蟻疎蟻通名也其大者別名地蟻小者即名蟻

蚱蜢

類似螞而小本草蟲蟲一名蚱蜢

蚤

齧人跳蟲也讀博物志土乾則生蚤

蝮

蟬也詩函風五月鳴蝮

蚓

禮記孟夏蚯蚓出冬至三日蚯蚓結俗乎曲蟻白頸者入藥

蜚

爾雅謂爲蜚蠊蟲即臭蟲也

蚊

齧人飛虫長吻如針一名蚋一本說文一本大戴禮考爾雅翼蚊者惡水中子所化嗜人肌膚其聲如電

蠅

善亂色故詩以刺讒其聲在翼牝者腹大生蛆蛆復化爲蠅

鼠

婦

爾雅一名蚘威一名委黍陸璣云在壁根下窠底土中生似白魚是也

蜈

蚣

廣雅謂之蜈蚣

蚰

蜒

似蜈蚣而細長即爾雅之蝻蝻

蠍

虎

一名守宮

斑 蝥

色斑有毒

馬 陸

一名百足斷之能行觸之則撈俗呼多脚虫

尺 蠖

似蠶而絕小但其腰使首尾相就力能進步

螢

詩名熠燿本草名為夜光今名火虫月令腐草為螢

螻 蛄

穴土而居短翅大腹腰細如蜂孔穎達以螻蛄為鼯鼠俗呼土狗又名螻珍

蜻 蜓

按爾雅釋虫謂為蜻蛉六足四翼羣飛水際又名負勞

壁 錢

似蜘蛛而色斑壁上作幕如錢

蠓

一名蟻郭璞曰蠓飛蠓則天風凡草木葉有泡起中生小虫如蠓泡處乾脆虫即飛去

蜘蛛

今江東呼蠓螿說文謂之蠓螿作網籠螿也

貨類

油 酒 菸 麻 絲 靛

習藝所各貨

花旗布

線襪

各種花布



毛布

柳條箱

手套

衛生衣褲

論曰大生者天廣生者地生物之權天地操之雖然操生物之權者爲天地而奪天地之權使天不爰道地不爰寶者人也不然昌圖爲蒙古舊地天時地氣苦於寒自人民開墾於茲僅百年而天地之氣爲之一轉現水田開而種稻矣苗圃設而森林成矣桑柞種而蠶業將興矣公圃之柳媚花明儼然一大都會矣吾故曰天地生物之權人奪之也



昌圖縣志第十六編

志人物

竊以人物爲天地清淑之氣醞釀而成第天地之氣無稍偏而得清淑之氣以鬱爲人傑者不一其類於其類而詳以分之即可爲昌圖之古今人物考復使毓秀鍾靈之地發其輝光爰筆志之闡幽也

前哲

金

盧亨嗣字繼祖臨潢人盧彥倫之孫也初由祖蔭得官以課最遷至定遠大將軍莒州刺史亨嗣與弟亨益盡友愛之道大定十六年父璣爲同知宣徽院事當蔭子亨嗣以讓弟亨益亨益早卒子玆玆幼稚亨嗣

盡以舊田宅奴畜與之 金史

伯德梅和尙臨黃路秦州人性鯁直尙氣節正隆五年克護衛累遷復州刺史明昌六年移鎮義軍時有事北邊左丞祁爽谷清臣行省於臨潢檄爲副統會敵入臨潢梅和尙及護衛關台土等逆擊之敵積陣以待梅和尙直搗其陣殺傷甚衆敵知孤軍無繼衆兵圍之度不能免乃下馬相背射復殺百餘人矢盡猶以弓握擊爲流矢所中死詔贈龍虎衛上將軍以其子都奴爲軍前猛安

抹攏史挖搭臨潢人幼襲謀克守邊有功泰和六年南鄙用兵授同知察州防禦使戍宿州屢却敵人獲田俊邁十月僞散揆以行省兵三萬出穎壽史挖搭爲驍騎將中軍副統克安豐軍戰霍邱甚盛功居多從

攻和州中流矢卒史挖搭拳勇善門所用長槍長二丈軍中號爲長槍副統又工用手箭長不盈握每用百枝散置鎧中遇敵抽箭以鞭揮之或以指鉗取飛擲數矢齊發無不中敵以爲神其箭法子弟亦不能傳在北部守厭山營敵尤畏之不敢近 金史

黃摺九住臨潢人明昌間知彰德府事元兵至戰沒贈榮祿大夫南京留守 金史

明

童信三萬衛人建文初從燕兵南下勇敢負氣每戰輒有奇功官至都督 明史

按昌圖元時爲開元路考開原縣志戰明洪武二十一年廢開元路

改元字爲原二十二年其地置三萬衛二十六年由牛莊徙遼海衛於開原又考明史洪武二十二年由黃泥窪至開原設福餘外衛予以幅餘衛與三萬衛互徵之因其設立出於一年頗滋疑竇茲幸於流寓劉釗處見有三萬衛之千戶印一口書爲洪武二十年鑄如是以觀則三萬衛當在設福餘衛以前改元字爲原尤非洪武二十一年矣總之三萬衛幅餘衛遼海衛均爲元之開元路昌圖在元時開元路中明時亦不出三萬衛外也故以童信爲此邦之前哲云

清

忠勤

博多勒噶台親王僧格林沁年少時即抱忠勇奇氣讀書於邑南郊

文昌廟咸豐三年粵西逆匪起王率兵往討直隸河南山東等省皆王  
勦匪地匪聞王來俱落膽兵所向無不捷惟曹州一役賊由汶上縣之  
袁家口犯鄆城王帥師進勦賊已敗退王復督隊擊斃賊甚衆詎賊恃  
衆力圍王遂戰死國瑞奏聞朝命地方建專祠並入昭忠祠列入祀典  
復配享太廟謚曰忠王薨於清同治四年四月二十五日

襲親王伯彥訥謨祐忠太親王之子也爲前清御前大臣同治四年巨  
盜馬傻子犯昌圖王奉朝命由京率禁旅勦平之善後奏八事首以興  
學校端士習爲急務命下之日建立學宮士子於今咸感之且王每至  
是邦必以民風吏治相諮詢誠可謂關心桑梓者聞其在前清立於朝  
端凝雅度醇謹可風薨後予謚曰慎

論曰臣無愛國之心則有臣如無臣子不承親之志則有子如無子忠親王之盡於清清有臣矣而慎親王之能繼父志爲力濟時艱不惟前清有臣即忠親亦有子一父一子增史册光洵不愧父作子述也本擬作忠親王傳以揚駿烈緣史館業有傳者不再傳志例也

謹附科爾沁博多勒噶台忠親王列傳

僧格林沁博爾濟吉特氏科爾沁旗人本生父興啓官四等台吉以僧格林沁功追封貝勒初科爾沁多羅貝勒新吉倫於順治七年晉封扎薩克多羅郡王世襲罔替承襲八次至索特那木多布濟卒無子於道光五年七月得旨伊族從僧格林沁作爲索特那木多布濟之子承襲科爾沁扎薩克多羅郡王爵十月襲封命在御前行走十二月賞三眼



花翎六年賞用朱韁九年賞穿黃馬褂十四年授御前大臣補正白旗領侍衛內大臣正藍旗蒙古都統十五年命總理行營十六年授鑲白旗滿洲都統十七年賞用黃韁二十一年幹珠爾巴諾們罕私開牧場例得處分理藩院未能覈議詳細僧格林沁劾之上嚴飭更定二十四年充右翼監督三十年九月密雲屬穆家峪匪徒麇集持械逞兇僧格林沁奏請查辦允之授左翼監督十二月賞給四團正龍補服准予穿用咸豐二年宣宗成皇帝梓宮奉安慕陵僧格林沁恪恭將事賞加三級三年五月粵西逆匪分擾河南上以京師根本重地防範稽察均關緊要命僧格林沁偕左都御史花沙納等專辦京城各旗營防守事宜僧格林沁擬稽察章程十二條疏入下所司議行八月賊由臨洺關竄

正定上授惠親王綿愉爲奉命大將軍僧格林沁爲參贊大臣御乾清宮親頒關防並頒給訥庫尼素光刀僧格林沁即日率所部出京九月設防紫荊關十月賊由滄州竄踞靜海等處圖竄天津僧格林沁進軍王慶坨防賊北犯得旨僧格林沁籌備防勦一切布置均合機宜天氣嚴寒該大臣辛苦備嘗且拊循士卒尤能甘苦與共殊堪嘉尙著發去御用貂冠一頂黑狐腿馬褂一件綠玉烟壺一箇白玉四喜搬指一箇四年正月移師王家口適賊由靜海竄至見我軍有備遂折向西南僧格林沁率軍躡追至子牙鎮迤南數十里沿途斬擒多匪得旨賞給滿多巴圖魯名號旣而賊踞河間縣屬之東城邨我軍分五路進攻賊大潰南走追敗之於獻縣善家橋富莊驛等處繞至阜城迤南攻克高家

莊宋家莊等處賊衆奏入上嘉其調度有方賞給粵威瓦佛一尊白玉翎管一支白玉搬指一箇黃澗珊瑚豆大荷包一對相度地勢定期分勦派令副都統達洪阿由堆邨一帶攻其西南兩面侍郎瑞麟等由連邨一帶攻其東北兩面將軍善祿等進攻杜家場迤南僧格林沁親身督軍往來策應賊各出數千人抵死抗拒我軍奮勇齊進大敗之計殺三千餘匪獲首級四百餘顆堆邨連邨杜家場賊壘一律毀平復連日進攻噶斃逆首僞丞相吉汝沅並斃多匪賊匿不出僧格林沁計誘之賊由塔爾頭紅葉屯分股來犯我軍迎擊又大敗之賊向東南狂竄踞連鎮而連鎮爲河間府東光縣屬東西兩岸邨落相錯賊乃並踞之僧格林沁設法圍攻自四月至五月賊匪竟堅匿不出僧格林沁派馬隊

數千詣連鎮東岸陳莊一帶探視賊情甫近賊壘馬賊出撲我軍佯退連鎮及陳莊踞匪連環礮嚮擁出馬步賊三四千人我軍奮勇齊進逆遽退回巢六月連雨僧格林沁慮河水漲發奏言自六月以來陰雨浹旬河水日長逆匪蟻聚高阜我兵地處底窪該逆死守不出難保欲趁水勢另生詭謀極力籌維擬挖濠築堤以水爲兵設法浸灌迨隄工告竣賊數奔撲我軍擊走之九月東西連鎮各出數千匪向南圖竄我軍復大敗之至十一月賊勢窮蹙我軍乘機收復附近連鎮各處遂克西連鎮十二月飭投降各勇分扎西連鎮及附近之陳莊極力攻勦並偵知逆首林泐詳業已薙髮圖遁刻日大舉進攻飭都統西凌阿侍郎瑞麟等督帶馬步隊攻其北面侍郎宗室慶祺攻其南面杭州將軍瑞

昌等在河西扼截立將賊棚焚毀連鎮克復殲匪殆盡並復生獲林淵  
詳及僞檢點僞將軍等捷聞諭曰僧格林沁督兵勦賊疊著勳勞此次  
攻克連鎮生擒逆首深堪嘉尚著加恩封爲博多勒噶台親王伊子乾  
清門三等侍衛伯彥訥謨祜著在御前大臣上行走現畿輔地方一律  
肅清著僧格林沁移得勝之師前往高唐州督辦軍務先是連鎮踞匪  
分股南竄欽差大臣勝保帶兵追之至山東境賊破高唐州城踞之勝  
保督師屢攻不下至是召來京問罪諭軍營領兵大員均歸僧格林沁  
節制五年正月抵高唐奏言高唐情形城垣堅固且相持日久該逆布  
置已極周密若徒恃兵勇進攻恐難得手因飭南面守牆官兵晝夜停  
止更籌作疎防狀賊果疑我軍懈怠全股向南奔竄遂復高唐我軍追

之至在平縣屬之馮官屯賊踞之我軍奪其西面二邨餘黨嘯聚東北  
隅抵死抗拒復開地道圖撲礮臺經我軍擊退偵封邨內糧米充足急  
切難下自二月至四月用大礮不時轟擊並密濬運河之水倒灌賊巢  
土墟之中泥深沒髀我軍逼近土捻燒燬賊窟數處生擒逆首李開方  
並曾授僞職之黃懿端等八名餘匪無一漏網者遂復馮官屯奏入諭  
曰僧格林沁督師勦賊均合機宜忠勇之誠深堪嘉尙前賞給親王著  
加恩世襲罔替並賞坐肩輿伊兄三品頂戴台吉朗布林沁賞作輔國  
公伊弟台吉崇格林沁賞給二品頂戴並賞戴花翎僧格林沁著即挑  
選精銳官兵分起南下並即馳驛來京陛見以慰屏懷五月抵京舉行  
凱撤禮恭繖參贊大臣關防並訥庫尼素光刀八月充崇文門監督九

月奏請酌添外滿洲火器營官兵操練陣勢允之十二月調鑲藍旗滿洲都統六年二月丁母憂奏請回旗守制賞假百日在京穿孝給銀七百兩治喪十二月命充管理溝渠河道並八旗值年大臣調補正黃旗領侍衛內大臣七年五月署鑲紅旗漢軍都統八年四月喚咭喇夷船至天津海口授爲欽差大臣督辦軍務六月直隸總督譚廷襄防堵海口未能實力堵禦以致礮台失陷夷船駛入河內遂經僧格林沁奏參命來京七月辦理大沽雙港礮台並續捐炮位嚴行設防閱數月完竣賞御用巡幸袍褂各一件十月回京賜紫禁城坐椅轎九年正月仍赴天津防堵五月喚咭喇俄囉斯船隻闖入天津大沽口內毀我防具復駛至雞心灘經直隸總督恒福派員理論不聽並先行開礮轟擊礮台

我軍開礮回擊沉毀夷船多隻夷人以步隊上岸搦戰經官軍奮力回  
攻勝之擒斃多名並毀夷船入河內者十三隻奏入所有辦理海防及  
接仗各員給獎有差十二月回京上念其功賞黃托祺十年正月萬壽  
聖節恩賞杏黃色端罩貂褂仍赴天津辦防自二月至五月欽差大臣  
兩江總督何桂清等奏言夷船有北駛之說命豫爲布置嚴密設防六  
月夷船百數十餘隻連橋駛至天津海口於北塘地方登岸占踞郵莊  
我軍退守唐兒沽大沽兩岸勢極危急僧格林沁奏入得旨鎮定軍心  
妥爲調度仍諭恒福辦理撫局復諭曰握手言別倏逾半載現在大沽  
兩岸正在危急諒汝憂心如焚倍切朕懷惟天下根本不在海口而在  
京師若稍有挫失必當退守津郡設法迎頭截勦萬不可寄身命於礮



台切要切要若執意不念大局只了一身之計殊屬有負朕心握筆不勝悽愴六月唐兒沾又被夷人占踞大沽礮台愈危復得退守津郡之諭奏有回守津郡必致兵心動搖現在情形惟有嚴守大沽設法布置竭力固守得旨所奏情形甚有見地仍當仰體朕心勿專以大沽爲重七月夷人復占踞大小渠子萬分猖獗旋於右岸石縫地方接仗我軍失利礮台被占擬退守通州於州城迤南擇要駐紮得旨迅速來京面授機宜並得旨僧格林沁辦理海防未能周妥拔去三眼花翎革去正黃旗領侍衛內大臣鑲藍旂滿洲都統八月將所帶官兵留通防守先派員齎摺入奏得旨該大臣威望素著能得兵心仍領欽差大臣關防會同瑞麟辦理防勦先是上命大學士桂良赴京會同恒福辦理夷務

至是辦理未善均撤去欽差大臣以怡親王載垣代之並賞還僧格林沁三眼花翎夷人逐日前進遂嚴陣以待專備截擊旋獲夷人吧嘎禮等送京夷人復整隊來撲我軍退扼八里橋接仗失利撤載垣等欽差大臣特命恭親王辦理夷務時駕幸木蘭夷人擾及淀園得旨僧格林沁革去爵職仍留欽差大臣九月和議成直東及河間一帶土匪蠢起得旨僧格林沁偕侍郎瑞麟前往勦辦十月以山東團練大臣杜爾琿奏擒匪猖獗濟甯兗州泗水均已被圍得旨僧格林沁俟畿輔肅清即赴山東節節勦辦旋奏有陸續緝獲土匪分別正法各匪以次解散擬即取道東昌以攻南下得旨抵東後必須會合兵勇進擣匪巢以期一鼓蕩平是爲至要諭於濟甯兗州一帶擇要駐紮先將北路妥爲布置嗣

與賊戰於羊山失利僧格林沁以瑞麟節節退守怯懦無能劾之上禡其職十二月鄒縣教匪宋繼朋倡亂我軍馳抵南北兩山勦之賊衆直前衝突我軍鎗礮齊施斃賊七八百名越日復分隊進攻自北而南前後夾擊復大敗之其伏於河灘溝濠之匪殲除殆盡餘匪竄至后峪地方負隅抗拒我軍登山奮擊又敗之十一年正月擒賊由東平等處渡河副都統伊興阿追至楊柳集擊之獲勝四月解滕縣圍克沙溝營及臨城驛先後斃賊六七千人賊竄鄆城勾結長鎗會匪圍陷金鄉我軍內外夾擊賊竄西南馬家圍是月也諸匪亦陸續敗遁其鄒縣教匪仍恃險抗拒我軍用礮轟擊賊由山坡及各路擁出我軍迎頭截抄殺匪數百各奪軍械多件六月曹州會匪分股各踞要隘僧格林沁麾兵進

勦翼長舒通額敗賊於安陵集趙康侯擒賊於田潭各擒其渠復戰於趙家圩于家樓穀亭蘆塘圩王良城等處均敗之八月賊渡連河僧格林沁親統大軍進勦賊聞風東竄踞孫家鎮以圖抗拒我軍擊之賊力不支由靳家橋竄青州九月我軍襲賊於臨朐縣南敗之自諸城至沂水適黑旗捻首跨河拒敵我軍分隊奮壓又追十餘里賊復合股抗拒敗之追殺四十餘里至榮谿鎮盡殲之奏聞諭曰捻匪自入東境以來雖疊經勦擊總未受大創此次僧親督大軍殲除殆盡洵足以寒賊膽而快人心著加恩賞還御前大臣並賞還黃韁十月授正黃旗漢軍都統管奉宸苑事務今上御極諭曰僧格林沁受三朝知遇之恩宣力中外功勳卓越現在統兵勦辦教捻各匪紀律嚴明兵民愛戴朕深慰之

餘尤深眷系允宜特沛恩施用彰殊眷著賞還博多勒噶台親王旋命管火器營事務時大股捻衆由高密壽光章邱入滕縣僧調馬步隊馳紮蘭嶧賊探知西竄濟甯營總富和等帶隊迎勦敗賊於楊莊崗山賊屍枕籍十一月僧格林沁母病上賞給人參命其子伯彥訥謨祜回牧代爲省視先是會匪踞壽張迤西僧格林沁令侍郎宗室國瑞等跟踪追壓先取簸箕營次取竹口圍至是曹州會匪復恃紅川口土圍堅固冀老我師僧格林沁率各軍擊之分兵越濠攻入搜斬無遺次第毀劉家橋郭家唐房老巢正移營間佃戶屯劉前老巢賊衆潛撲我軍西凌阿敗之賊衆南遁救出陷賊圍內良民無算抵大張寺賊列隊來撲復敗之斃賊千餘奪復范縣十二月捻賊踞袁家圍李家集西凌阿薄之

賊敗潰其馬家集之賊乘夜逃逸適會匪郭秉均等自河西回犯東岸  
趨奪曹郡僧由陳家集督師進攻賊聞風而竄我軍躡其後自崔家壩  
至黃河南岸屢敗之曹屬漸就蕩平同治元年正月豐縣擒賊二萬餘  
由金鄉犯魚台僧格林沁令翼長蘇克金等進兵至魚台東遇賊賊迎  
拒勢張甚我軍轉戰逾時斃賊數千餘匪奔豐沛二月臺東擒匪糾合  
各股悍賊並長鎗會匪併力西竄僧格林沁督帶馬隊追至杞縣地方  
各匪列隊抗拒我軍奮力衝壓敗之斃賊二千餘名逆旋復分股來撲  
僧格林沁設伏誘之乘賊撤隊時我兵馬步齊出直撲賊營奮力衝殺  
踏毀賊營七座復攻破趙寨等匪大勝之匪宵遁是役也三路會勦殺  
匪萬計奏入上嘉獎之其宵遁之賊向西南窮竄僧格林沁等由陳留

追抵尉氏該匪在縣東盤踞出隊擊之屢有擒獲匪懼退入民寨負隅死拒經僧格林沁派隊進攻匪列仗以待橫亘數里官兵奮力衝壓匪詐退由旁路包勦我軍營總卓明阿等亦整隊以待至匪來切近奮力衝之匪大敗入寨死守我軍復設法撤去東面重圍誘其出巢引匪至樊家樓地方撥馬回勦鎗礮齊施匪又大敗向東南逃竄我軍擊之奮力百倍匪紛紛倒地隊伍盡亂掩殺二十餘里斃賊三千餘名五月補正黃旗領侍衛內大臣時山東長鎗會匪董智信等竄入直隸東明境踞沙果寺民寨蘇克金等馳勦斃賊匪無算匪首乞降呈繳軍器多件其盤踞坦頭集等處擒匪亦經營總富和攻克並招撫被脇者數十圩寨六月進攻金樓先是教匪郟姚氏踞金樓並有賊目金鳴亭施其狡

計我軍攻之不克僧格林沁督飭各軍勦撫兼施招出投誠男婦甚夥復激勵將弁率投誠勇隊併力進攻勇隊首先擁入賊圩各營兵勇奮力相繼與賊巷戰陣斬邵姚氏及其兩子並常立身等諸賊目餘賊搜殺淨盡立將賊寨平毀又乘勢敗賊於邢家圩吳家廟營廓集等處均有斬擒奏入諭曰金樓教匪荼毒生靈尤爲頑惡異常僧格林沁督率官軍一鼓殄除實足大快人心六月長鎗會匪焦桂昌等復竄曹屬意在糾合黨羽四出滋擾僧格林沁派營總恒齡勦之其楊家集之賊聞董智信一股已勢蹙乞降焦逆遂就獲並獲首從各匪多名戮之又先後攻克大邱雙橋集卓山砦洪山各賊圩一律平毀疏言各路統兵大臣及督撫大吏奏報含混一味搪塞爲將帥者市恩於麾下爲督撫者



見好於屬員每以將佐一戰之功遞行優保請皇上密派賢員數人自  
奴才軍管及各路軍營認真密查又軍務莫急於餉缺而餉缺蓋由於  
各省徵收之不足其中有水旱偏災賊竄邊境者不肖州縣藉此措詞  
其實災輕之區良善之民誰未納賦不過州縣意圖肥己私徵匿報道  
府職司監查耳目切近豈無所聞其中或有喜其逢迎代其緘默地方  
大吏偶有風聞又念道途懸隔姑且容之直待斷難姑息始行叅革撤  
任豈知事已不可收拾又豈知被劾之官私橐已飽似此吏治若各省  
督撫司道再不設法挽回嚴定章程實力勸懲軍餉何由得充官方何  
時能肅奏入諭曰督兵大員貴將軍營積弊據實上陳具見公忠體國  
不染習氣甚屬可嘉七月命統轄山河南全省軍務並調度直隸山

西省防兵直隸山東河南山西各省督撫提鎮以下各官及正白旗漢軍副都統遮克敦布右侍郎毛利熙署漕運總督吳棠均歸節制其蒙亳徐宿等處防兵並著一併調遣八月大股捻賊竄魚台屬之羅家屯僧格林沁親督各軍由夏邑馳至自金山迤東分駐進攻侍郎圖瑞從中路橫擊之衝入賊陣賊腹背受創殺賊千餘我軍追過山梁又殺賊四五百人九月進攻張大莊蘆廟孫老莊邢大莊各賊圩均克之擒擒首李廷彥孫彩榮等誅之王新莊等各寨均降毫東擒首宋喜元等亦殺賊歸正亳州迤北一律肅清十二月諭曰僧格林沁督兵勦賊懋著功勳爾載以來由直隸山東以至河南安徽境內櫛風沐雨辛苦備嘗現進攻亳州各捻匪巢穴時當冬令布屋單寒殊甚屢念著發去黃面

貂尾馬褂一件交僧格林沁祇領以示體恤二年正月擒首孫醜等掠鹿邑僧格林沁派舒通額擊之殲步賊萬餘二月連克雒河集尹家溝賊巢陣擒逆首韓四萬等擒賊無算偵知巨逆逃匿李莊遂派舒通額等會集鄉團圍攻之賊懼執其渠以獻匪首楊瑞瑛王懷義等先後請降僧格林沁令翼長全順潛駐王懷義原寨藉探賊踪適擒首蘇添才等誤投入寨經全順按名弋獲匪大懼據擒首李勤邦等誘擒巨擒張落刑並其子張濬以獻餘匪悉平奏聞諭曰安徽蒙亳等處自遭捻患幾及十年僧格林沁銳意勦除卒能將各股擒首擒獲收撫使積年巨患尅日掃除洵屬調度有方謀勇兼備科爾沁親王僧格林沁著加恩仍以親王世襲罔替前奉特旨賞用章服等項並仍准其服用以示優

異六月進勦溜川踞匪屢敗之旋派全順夤夜猛攻賊紛紛向東門奔竄殺匪多名其逃匿大白山之賊經我軍奮力圍攻當此股逆首及黨衆六百餘名全行擒獲奏入上嘉之諭曰近日天氣炎蒸該大臣冒暑督師運籌決勝允宜優加賞賚以獎勲勞著發去黃瓣珊瑚豆大荷包一對黃瓣珊瑚豆小荷包兩個翠翎管一枝白玉搬指一個白玉烟壺一箇玉柄小刀一把火鏟一把俟伯彥訥謨祜由隆福寺差竣回京即令親齋前往軍營交僧格林沁祇領並傳諭該大臣爲國宣勞允宜善自保愛以隆委寄初教匪宋繼朋之負嵎白蓮池也糾黨衆二萬餘四出劫掠當派總兵陳國瑞紮營白蓮池山腰攻其老巢賊越山下撲國瑞揮軍敗之擒賊首劉錦春副將郭寶昌復設伏誘其出犯我軍四面

抄截又敗之殺二千餘匪至是將白蓮池老巢攻破匪懼竄紅山爲死守計我軍四面轟擊糧盡欲遁侍郎國瑞扼其東面而設伏西南山嶺以下嚴陣待之陳國瑞督帶本隊由雲蒙寺首先搶上山梁撲入賊寨將東山西山之匪衝作兩段其西山之匪撲竄下山經陳國瑞截擊克之遂踞其寨復將東山之匪圍殺殆盡餘經國瑞搜斬多名是役也首逆悉數被擒先後殺賊以萬計奏入諭曰僧自攻克溜川後移軍鄒縣甫經匝月即將教匪掃穴擒渠良由調度有方用能驅策郡力深堪嘉尙以山東地方被賊滋擾地畝荒廢浸多奏請移民認墾允之十月擒首苗沛霖糾衆數萬攻蒙城勢張僧格林沁親督馬步隊馳赴亳州節節進勦先克蔣集擒匪首陳福斬之破楊家寨與國瑞等軍會合攻其

南面絕賊糧道賊併力攻城連破之並破蔡家圩賊營二十四座復親督大軍分路進攻破其壘賊大亂其河南賊壘三河北賊壘五悉破之苗逆昏夜越濠出竄經總兵王萬清以短刀誅之逆黨苗景開等均伏法匪衆死者數千蒙城圍解時西洋集踞賊猶負固抗拒僧格林沁調隊合攻由西南兩面攻入賊潰搜殺殆盡其翻牆逃逸之賊復經我軍截斃三千餘名擒賊首葛春元等斬之其葛家圩魏郡兒等寨悉投誠淮甸漸就肅清遂飭總兵恒齡等分往潁亳及壽州一帶清理圩寨緝拏匪犯收復城關其不遵勸諭者併誅之先後奏入得旨嘉獎三年四月疏言用兵之道首貴嚴明偵探已知彼調度戰守方能合宜近見各路軍營奏章每以賊衆兵單爲詞獲捷之報絡繹不絕而賊勢愈衆

蔓延愈廣總由領隊之員不能確探賊情賊至不肯迎頭堵擊賊去又不肯跟踪追勦但敷衍出境即報勝仗故意以少報多諱敗爲勝豫爲冒功邀賞地步握兵符者旣不能身臨前敵復不知詳加考查率行據稟入告相沿成習急須認真整頓疏入上避之并命督師皖豫楚三省之交諭如有似此情弊一經見聞即指名奏參五月諭曰本年髮捻各匪竄擾豫楚交界該大臣親督所部兵勇轉戰而前所向克捷近日天氣炎蒸該大臣冒暑督兵不辭勞瘁著發去黃紗馬褂一件金表一對玉柄小刀一把火鏟一把鼻烟一匣茶葉兩匣派伯彥諾謨祐馳驛親齎前往軍營交僧格林沁祇領並傳諭該大臣爲國宣勞尤宜善自愛護以降倚畀六月江甯克復諭曰僧在直隸山東等省肅清全境並督

師皖北將張落刑苗沛霖等股勦滅近復移紮豫皖之交扼勦東竄援賊該親王忠勇性成不避艱險軍麾所蒞威望允孚已迭次加恩晉封親王世襲罔替著再施恩加賞一員勒令其子伯彥諾謨祜受封七月復諭曰該大臣向於蒙古官兵內保舉出力將士從不肯稍有冒濫現當江甯克復所有僧格林沁軍營統帶馬隊各員著擇其出力者酌量保奏候朕施恩其該營蒙古兵丁著加恩賞銀一萬兩以示體恤時髮捻各匪竄踞麻城迤南之關家集築壘二十餘座僧格林沁派成保帶兵進勦均克之郭寶昌一軍並克蔡家畝等處老巢賊竄羅山迤南之楊家店僧督帶馬隊追殺三十餘里抵蕭家河殺賊無算其竄至上巴河蘄州之賊復勾合東竄各匪屯踞鳳火山山蔓延數十里僧格林沁揮



令馬隊擊之賊翻山奔斬水我軍追之抵苞茅街殺賊無數至土漠河見沿河叢林中賊壘深布僧格林沁令分路扼駐賊首陳大濬等各率伏賊裹抄直撲我軍復有另股賊匪抄在我軍之前陳國瑞直擣中堅奮勇百倍賊潰南北兩山之軍追殺二十餘里越日至黑石渡僧格林沁令降日黃中庸乘夜襲取賊營賊大股來拒我軍橫擊之將賊衆截作兩段僧格林沁復親督馬隊趕到賊震懼逆首溫其玉黃文浩等各率黨衆拋械乞降並將僞端王藍成青解營正法計受降者約數十萬人四年正月進勦甘露台張入橋等處踞匪僧格林沁親督各軍駐紮寶豐分股前進遇伏於塔爾灣兜勦幾盡隨飭郭寶昌等列隊迎勦逼賊安營賊奮力來撲敗之復派成保督帶馬隊橫截之使賊首尾不能

相顧賊大亂適有大股賊匪蜂擁而至圖犯何建鰲扼駐塔爾灣之軍賊甫至我軍佯退賊果揮衆尾追我軍從旁突出更番進擊賊勢披靡將步賊全數殄除馬賊向梁窪一帶逃竄官軍追擊賊沿途棄壘而遁及清涼寺計殺賊千餘其另股髮捻賴文洸等因各路均有官兵堵截糾衆折回南竄圖陷魯山僧格林沁督飭恒齡等軍翻山追勦沿途均有斬擒齊抵魯山城下適難民紛向城內逃避賊突出馬隊撲城既復拚死回鬥又有另股賊衆襲我後路其大股賊遂竄葉縣僧令勇目從間道引軍追殺取賊壘二處三月賊由臨潁竄信陽僧派郭寶昌等併力截勦賊敗遁確山復親督各軍奮力進攻並分軍設伏策應賊衆來撲陳國瑞督勇力戰步賊潰其馬賊猶拚死抗拒適我軍馬隊從山口

突出賊勢不支紛紛敗走我軍追殺三十餘里斃匪三千餘四月髮捻入山東由汶上縣之袁家口犯及鄆城西北水套一帶勾結伏莽馬步數萬衆勢兇悍僧格林沁督師進剿賊敗退復督馬步隊進追奮力衝突斃賊甚夥該逆恃衆層層包裹僧格林沁率衆衝出又被該逆大股猛撲在曹州城西力戰死之經國瑞奏入諭曰欽差大臣科爾沁博多勒噶台親王僧格林沁咸豐三年間督師勦賊疊克臨清連鎮馮官屯高唐州等處北路賴以肅清嗣於十年間整旅南征轉戰直隸山東河南安徽湖北等省掃蕩捻圩殄除髮匪擒斬巨逆張落荆苗沛霖等不可勝計軍靡所至衆望允孚朝廷以該親王頻年轉戰士卒疲勞申諭再三令其持重而該親王慮勇性成視國事如家事臨陣無不身冒鋒

備誓滅此賊而後已方冀天鑒忠忱克竟全功長承恩眷乃因猝遇賊  
伏力戰陣亡覽其死事情形不禁爲之隕涕著賞給陀羅經被照陣亡  
例以親王飾崇典禮優議卹應得卹典該衛門詳查具奏任內一切  
處分悉予開復准其入城治喪其靈柩回旗時著沿途地方官妥爲照  
料並派乾清門侍衛克興阿音林恩全吉凌迅速馳驛前往該營迎護  
賞給銀五千兩准其入祀昭忠祠其死事及該親王出師省分均建立  
專祠生前事功宣付國史館立傳伊子伯彥諾謨祜俟百日孝滿後著  
承襲親王該衛門無庸帶領引見所遺貝勒即著賞給伊孫那爾蘇以  
示篤念忠藎之至意同日復諭曰科爾沁博多勒噶台親王僧格林沁  
蒙宣宗成皇帝恩眷派充御前大臣管理旗營事務文宗顯皇帝御極

以來尤加委任咸豐三年特命勦辦髮捻十年督師南下轉戰直隸山東等省於今六載親歷戎行靡間寒暑殄誅巨憝建殊勳功在生民志安社稷頃因督戰陣亡雖已加恩優卹建立專祠並入祀昭忠祠尙不足以宗獎忠蓋國家定制王大臣中有公忠體國超衆宣勞者尙有配饗之例況僧爲國家宣力忠勇性成允宜特沛殊恩用慰忠魂而昭異數著加恩配饗太廟以示朝廷軫念勳臣之至意燾朝三日賜卹如例子諡曰忠五月經國瑞查明及戰歿情形入奏略曰查得僧格林沁忠勇性成圖報心堅行則身先士卒戰則親冒矢石駐則與將士同甘苦雖嚴寒溽暑從無少怠今春僅此窮寇入東原可稍緩兵力僧格林沁常言西路回氛未靖經費艱難誓期速滅流寇以期振旅出關掃平

西域上紆宸厪下奠良民四月二十四日探明髮捻在曹州府西北高庄集地方乃督馬隊迎頭截擊該逆正期南趨見我軍大至賊衆列仗來拒我軍遂分三路乃諾林不勒托倫布達爾濟領左翼馬隊陳國瑞何建鰲各領本帶步隊東路乃成保烏爾圖那遜春壽領右翼馬隊郭寶昌領本帶步隊中路即常興阿溫德勒克西高福富森保各領馬隊並無步隊該逆亦分三股迎拒皆係馬步相兼其勢甚兇諾林不勒陳國瑞等敵住西哨之賊惡戰時許互有傷亡始將此股擊退賊去未遠適中股之賊往撲常星阿之隊常星阿抵敵不住遂即撤退此股馬賊並未深追急轉馬頭向西路之軍橫衝而來西股敗匪見勢復追二股併力先將何建鰲步隊東哨衝動正在兵賊亂戰刀矛並舉我軍死傷

甚衆賊尸亦復不少西路步賊蟻聚齊上以致馬步力不能支紛紛潰散是時僧格林沁在後督進見東路之賊撲我右翼馬步搖動無力迎擊卽飛馬往督比及趕到我軍已退遂與馬步隊且戰且走此時僧格林沁若帶勁衛馳赴曹郡未嘗不可遠走因見我軍傷殘零落仍欲齊集馬步再作良圖是以退札荒莊倉卒未計食水該逆全力來圍衆軍心怯僧格林沁猶沿牆開導使衆穩守注目四望憐我將士詎意該逆奸狡異常隨帶鋤鏃掘起長壕衆將復求衝圍早走僧格林沁終戀敗軍淚流滿面時至三更賊氣愈聚而愈近勢將撲犯翼長全順復以大局攸關正顏挽請始允夜行全順成保郭寶昌等護從僧格林沁囑令馬步竭力殺賊不必顧我迨衝出圍牆未至賊濠逆衆驚亂紛紛包裹

僧猶督令開鎗賊衆應聲落馬者不計其數行至賊濠從人漸少僧馬失前蹄復換馬又行數里比時我軍馬步與賊夜戰鎗聲不絕亂兵之中猶聞得僧格林沁喊督將士實力殺賊無如該逆恃衆包抄愈裏愈厚將僧格林沁困在垓心僧格林沁並無少怯遂抽佩刀猶能手刃悍賊不期馬受矛傷驚逸咆哮以至落馬從人追趕藉馬驚闖得出比及天明賊散詎料僧格林沁即於此地將星隕墜身受八傷生顏宛在此地在曹州府城西北十五里地名吳家店此僧格林沁死事之詳細情形也奏入得旨僧格林沁事蹟前已有旨宣付史館此次國瑞將其殉難情形查明具奏著一併交付史館叙入列傳以彰忠節閏五月靈柩抵良鄉欽派御前大臣景壽前往奠醊越日抵京欽派醇郡王帶領侍



衛前往奠醊上復奉兩宮皇太后懿旨親臨賜奠長孫那爾蘇得旨所襲貝勒著加恩作爲世襲罔替次孫溫都蘇得旨賞給輔國公六月諭曰我朝歷屆辦理軍務凡功勳卓著之臣均於告成後圖像紫光閣以彰懋績現在南北各路軍務雖未告蒞而如僧格林沁之勳績昭然本應在繪像之例今乃中道戰歿未獲目覩成功追念彌深眷注僧格林沁著先行繪像紫光閣繪成

贊曰雄藩懿戚夙懋忠勇轉戰疆場奇助克鞏傷哉馬革遽隕將星秘芳配食閣表圖形

### 孝義

耿希嘏原籍山東工釀酒純孝好義同治三年馬賊七百餘人據黑牛

山府城人民驚惶無兵可資防禦或云燒鍋糟工皆健卒也可招集以禦賊同知劉景醇聞之遂招衆糟工得三百餘人命希嘏統率之禦賊於野爲迎敵之計希嘏率衆糟工往將與賊遇曰賊衆我寡賊騎我步若直犯其鋒必敗非出奇計以誘致之無濟也今列炮陣伏於隙地貯火藥以燃之彼見火起疑藥車被焚必乘危以攻我我乃鎗炮齊發當無不勝衆唯唯在山上之賊望見火起果蜂擁而來及近則衆糟工伏鎗齊發賊自相踐踏生擒者衆大獲全勝及歸城則父老郊迎人咸服其智略焉希嘏後爲燒鍋執事致富

### 節烈

吳姚氏守禦所千總吳保民之妻長安社人夫故無子繼子承祧守節

五十餘年同治三年旌表

高魏氏民人高萬鍾之妻吉祥社人夫故守節六十餘年鄉黨矜式卒年八十一歲同治三年旌表

姜孫氏民人姜有銀之妻遵義社人氏適姜未六載夫故無子乃以仲氏之子爲嗣守節五十餘年同治十年旌表

王趙氏民人王小羣之妻太平溝人氏適王一載夫故立志守節同治十年旌表

李王氏民人李有全之妻太平溝人氏夫故守節數十餘年同治十年旌表

劉劉氏民人劉義之妻和輯社人夫故守節光緒元年旌表

袁杜氏民人袁相國之妻和悅社人今分屬懷德縣氏適袁一載夫故  
殉節光緒三年旌表

趙劉氏民人趙世同之妻柔邇社人夫故守節光緒十四年旌表

李馮氏民人李君選之妻惠民社人夫故守節四十餘年光緒十五年  
旌表

許劉氏民人許國良之妻堆金社人夫故守節光緒十四年旌表

于梁氏民人于德懷之妻堆金社人夫故守節五十餘年光緒十四年  
旌表

季孫氏民人季春恒之妻積金社人夫故守節光緒十四年旌表

徐姜氏民人徐國昌之妻撫綏社人夫故守節四十餘年光緒二十一

年旌表

陳張氏婦李氏附民人陳永之妻懷遠社人氏與子婦陳李氏姑婦守節白首一心光緒十九年同時旌表

馬程氏民人馬寬之妻悅來社人夫故守節光緒三十一年旌表

王田氏附貢生王倬田之妻吉祥社人夫故守節四十餘年光緒二十三年旌表

王張氏民人王金之妻興仁社人夫故守節光緒二十五年旌表

張田氏民人張天珉之妻宣恩社人夫故守節光緒二十五年旌表

王吉氏婦彭氏附民人王純宜之妻興仁社人氏年十七歲適王二十  
五歲夫故無子以兄子王堂爲嗣不數載亦亡其婦彭氏時年二十三

歲亦守節奉姑家雖清貧而門庭森嚴族黨欽敬氏守節六十一年彭氏守節三十四年而歿光緒二十五年同時旌表

馮王氏民人馮自安之妻長安社人氏年二十一歲夫故守節三十餘年光緒二十八年旌表

賈周氏民人賈太之妻吉祥社人夫故守節五十餘年光緒二十八年旌表

何崔氏民人何顯泰之妻大興莊人夫故守節四十餘年光緒三十一年旌表

唐戴氏民人唐福祿之妻懷仁社人夫故守節四十餘年光緒三十二年旌表

張紀氏民人張守智之妻吉祥社大興莊人夫故無子以伯氏之子爲嗣守節四十餘年宣統二年旌表

### 流寓

單德林直隸撫甯縣人性篤孝行誼詳撫甯縣志奉化縣之李慶恩觀感益識錄亦載其逸事今摘略云德林早喪父事母孝母病午夜焚香禱天遂瘳業於商常客昌圖之八面城除夕獨念母望空而呼淚滲滲下同治四年客買賣街即今之梨樹縣也十二月遭逆之變忽念母不得終養悲不自勝欲突圍出恍惚中若神告之賊將去也保無害乃止亂平狼跼歸跪母前慟哭遂誓不復出母歿繪像祀之如生年七十餘樂善讀書不倦

劉釗字靜安官名國藻燕京人前清光緒二十五年應知府福培記室之聘來昌因與富勒琿友善遂家焉其人生存子孫繁衍

論曰吾聞諸侯不臣寓公寓公者即流寓之謂也夫流寓何以使諸侯不能臣原以其德足以爲表率才足以冠羣倫使諸侯重其品重其學而不敢輕待是地方有此流寓地方之光也於地方有光者志之非志流寓實爲地方而志不然流寓於此者多矣僅志兩人胡爲哉

### 英靈

胡連福湖南人當中俄之役師潰由內興安嶺敗走昌圖時當嚴寒積雪沒脛僅乘一馬服單裋布衫面無凍色經知府福培收爲護軍警察



開始領騎警攻賊巢猛戰陣歿經上游照都司例奏卹廕一子雲騎尉  
此前清光緒二十六年事也

論曰願以馬革裹屍立功於邊野者烈丈夫之志也今胡連福因攻  
賊巢戰死上游哀其志而爲之請卹宜也予爰筆而志之所以爲凡  
爲烈丈夫者勸

皇朝通志卷之三十四

昌圖縣志第十七編

志選舉

自科舉作廢以後登明選公之典士林均耻於傳聞修志而用備一格似陋矣然科雖廢而典可追思事縱過而人堪記載收諸簡編亦重人之義也昌圖地屬蒙旗他朝之有科甲者遠不易考而於前清已開科五十餘年矣凡正途之功名與納捐之例貢均有其人取而志之示不忘也

清

進士

趙映辰同治辛未

清

舉人

趙映辰同治壬戌

婁逢甲同治癸酉

榮文祚光緒癸巳

常蔭廷光緒甲午

紀維翰光緒癸酉

郭衢村宣統乙酉法政科

武舉

吳錫侯科未詳

清

拔貢

趙映辰科未詳

趙桂馨己酉科

信鵬超己酉科

榮文達科未詳

吳錫麟乙酉科

董柏楹科未詳

清

副貢

梁文達癸巳科

馮潤章辛卯科

清

優貢

吳福麟辛卯科

孔憲熙科未詳

清

恩貢

戚維藩

劉漢東

王章玉

王在鎬

嚴寓溫

劉子銘

王書丹

清

歲貢

楊占春

劉守田

吳家麟

昌國縣志

卷四 選舉

二十七

張受書

王模

鄭景成

韓宗岐

韓宗誠

郭樹藩

清

廩生

薛紹瑄

增生



孫家芑光緒十五年生員二十三年補增民國五年道試考取俊士  
附生

姚宗舜光緒二十四年生員民國五年道試取錄俊士

陳騰霄光緒十七年

吳玉麟光緒二十四年

閻懷清光緒十五年

李樹芬光緒十五年

趙冠儒光緒二十九年

張寅卿光緒十七年

劉薪傳光緒二十四年

周保恒光緒二十五年生員民國五年道試取錄俊士

李樹棠光緒二十一年

劉柏年光緒二十八年

趙冠軍光緒二十九年

馬庶蕃光緒二十九年

楊則億光緒十五年

王者貴光緒十五年

王敬休光緒二十八年

吳錫侯光緒十七年

吳相齋光緒二十五年生員民國五年道試取錄俊士

王家賓光緒二十一年

楊雨春光緒二十九年生員民國五年道試取錄俊士

欒潤生光緒二十九年

馬漢儒光緒二十九年

李浩春光緒二十四年生員民國五年道試取錄俊士

張應辰光緒十七年

王治述光緒二十八年生員民國五年道試取錄俊士

劉光沛光緒二十一年

李冠章光緒十五年

孫彬彥光緒二十五年

孫壽祺光緒二十八年

賈鴻賓光緒十七年

邱瑞峯光緒二十八年

張秀三光緒二十一年

陳鼎新光緒十六年

論曰諸生不宜列志中向來志例自前清末年停科舉遂無進士舉人之名而貢生無論也廩增附更無論也况國體已易前清功名均取消今於廩增附而破例志之亦以碩果僅存不無撫今追昔之感云爾

清

例貢

劉書元由附生納貢

李樹棠由附生納貢

論曰納款而授以職弊政也當前清末年知其弊而廢之例貢亦捐職也似不宜書然予觀靈壽志引漢張釋之黃霸二人均以納粟進是納捐雖爲弊政而納捐亦不能無賢良特志其職用以觀振拔之士並使後人知前朝之弊政云

清

仕進

趙映辰 直隸清苑縣知縣

宋文 直隸霸州知州

吳錫麟 知縣

吳福麟 山西平魯縣知縣

婁逢甲 大挑二等部選邢台縣教諭截取知縣署奉天府京府教授

郭衛村 七品小京官

丁毓玠 典史

宋秀南 典史

徐瑞卿 典史

劉廣和 典史

陳鼎新 禮部教習

張煒

典史

吳家麟

直隸慶雲縣

路槐卿

吉林候補道

李國英

候補府省未詳

紀維翰

同知

季國昌

同知

莊文彥

縣丞

趙宗保

經歷

郁春複

經歷

李浩春

巡檢

劉興甲

巡檢

劉柏年

巡檢

孫家芑

巡檢

賈鴻賓

典史

孫紹先

都司

民國

吳俊陞

陸軍中將洮遼鎮守使

孔憲熙

吉林扶餘縣知事

趙桂馨

黑龍江任用縣知事

趙宗保

遼中縣分治委員



常蔭廷 黑龍江綏化縣知事

李興唐 黑龍江肇東縣知事

鄉型

吳葆奉山東歷城縣民人嘉慶年間領荒來此有識略首請設治及創修各衙署初民以租種爭訟吳竭力開導請於地局以每地租價三吊二百文爲例民貪銀價之廉議定每地租銀五錢五分永不增租奪徇民至今猶頌其德焉

任蘭芳直隸永平府附貢生成豐中來此授徒士子多出其門請設文武學額勸款建立學宮書院皆首先倡導不遺餘力

馮熙辰衆悅士民人家僅中資而性好施予尤善交游座客常滿鄰里

有爭競必力爲排解人咸推重焉

杜秉權悅來社人經商致富慷慨好義人有急難必竭力周旋行路窮乏者每聞名求助倡請開同江口定準斗秤其有功於鄉里尤多

趙國豐金家屯民人出身農商雅好詩書性尤伉爽急公好義鄉里有爭端趙至判決是非數言可解人以此咸推重焉

趙映辰進士城西方家屯人由進士官直隸知縣性倜儻好施初領鄉薦時授徒勸款建設開文書院其任清苑縣時聞江浙水災以千金助賑

宋 文金家屯人性剛烈果斷有爲同治四年馬傻子擾亂全境營練團以擊賊後爲仇家羅織於獄至五年伯親王奉命勦賊脫其囚使宋

爲鄉導官賊平後叙功累官至霸州知州其生平揮霍好施凡隣里婚  
葬之無力者恒解囊相助

吳寶珠縣城喜鵲台民人中年致富性好施捨自設義學一所每年冬  
季設立粥廠以濟饑寒鄰里咸稱道焉

李萬春沙坑屯民人秉性慈祥精心計學家累數百萬晚年尤好施予  
光緒三十二年捐資成立金家屯兩等小學堂又在本村設立學堂一  
處以教育鄰里子弟熱心公益根于性生非沽名釣譽者所可同日語  
也

董召南衆悅社人附貢生富而好義嘗設教凡寒士概不受取束修又  
能醫乞方藥者多不受謝首捐巨資整理開文書院又力提倡學堂士

林多稱之

郭樹藩歲貢生馬家林子人少有志家貧授徒養親雖極困之而親食必甘美衣必輕煖嘗患失血症自恐不起默念親老家貧自殞而親無以生何以爲子後竟獲安生平交遊極寡然一日定交終身不渝有范巨卿之風焉

馬 德和厚產民人家貧務農習賈積以致富性耿介生平無妄言無墮行與人交以誠鄉鄰有急尤見義勇爲每至夏季新穀未登乃發倉以贍鄰里遠近之貧乏者賴以濟焉

路槐卿道員縣城北二十家子屯人清光緒三十一年秋由吉林旋里值日俄戰後居民流離乃捐千金助賑仁慈好義人咸稱之

富勒琿管旗章京蒙古人天資開朗處事精詳工書善琴尤好興文人交資助寒士膏火鄰里貧困者必周濟之清光緒三十一年日俄之戰首捐千金賑撫災黎又創設蒙漢學校不論蒙漢子弟皆收學規模宏遠實爲不可多得之才焉

王紹選八面城民人性伉爽有膽略廣交遊不輕然諾爲人排難解紛罔不折服庚子秋義和拳亂馬賊盜起有逃奔賈二虎者率衆至八面城將肆搶掠王往見之痛陳利害許爲籌餉練隊乃變賊爲勇民賴以安

修中和縣城北柔邇社民人清光緒三十一年捐助千金振興八面城兩等學校

按志例生存者不應記載所錄鄉型均仍舊志

昌圖縣志第十八編

志藝文

予觀班固藝文志僅載篇目不錄文辭初以其簡而略也繼考其所選之篇盡爲佳構始知其錄不勝錄原以不錄宏兼收博採之心也按昌圖設治迄今百年雖地屬遐荒古無藝文可選而自開荒後或官僚或流寓或邑儒藉著作以潤色封疆假歌謠以寄懷風俗者亦彬彬焉不乏文學選也爰取有裨於世道人心以及關乎建置者錄之於後吟風弄月之作均不載入亦本靈壽志遺義焉

重建昌圖廳公署碑記

同知 杜 芬

我國家列聖相承重熙累洽凡邊陲之建置無不因地制宜隨時變通

以爲長治久安之策焉昌圖者俗名榆樹城蒙古之長突額爾克也其地屬克爾沁左翼後旗中旗右翼後旗前旗界東鄰烏拉西接熱河延袤六百餘里土地闢田野治農民富庶商賈輻輳屹然爲奉省北邊外之巨堡也二百年來蒙氓雜處訟獄日繁宜設官以鎮撫之嘉慶十二年奏建廳署設理事廳通判一員管理彈壓之其監獄設巡檢一員以佐理之東北地方幅輳遼濶於道光元年又設照磨於梨樹城以分治之由是村屯棋布廛市星羅分上荒夾荒河西庫都力五十一社烟戶不下數十萬家事益繁而民益雜溯舊建廳署迄今六十年矣同治三年奏改爲撫民同知加四品銜俸滿以知府升用嗣後萑苻不靖寇盜蜂起昌圖當邊陲阨要於同治四年冬月馬賊充斥廳署猝遭焚劫已



成瓦礫之場矣。芬於五年六月自開原縣移守是邦下車伊始儼旅館爲廳事目視廳巡兩署以及監獄悉燬無遺心焉戚之因念獄囚不可無拘繫之處遂先竭資創捐力爲建蓋於是紳庶奮興願爲捐資葺署鳩工庀材諏吉於初冬興造仍舊址而擴充之。閱兩月歲事計建大門三間照壁一座儀門一間大堂三間二堂三間上房五間廂房六間書房六間門房三間廚房三間科神廟三間科房十六間監獄十七間班房十五間羣房二十五間共一百一十九間。羣飛鳥革煥然一新。樽節餘資並重建巡檢署共房五十九間及修梨樹城照磨署次第具舉當衙署落成之日正值禮部頒發同知新印初來拜受鈴用以昭信守時又奏請創建學校增設官僚將見文教興而武備修兢兢業業以上副

聖天子整飭邊陲栽培黎庶之至意爰志重修崖略勒諸貞珉祇以物力維艱創工匪易雖曰苟完不無遺缺猶冀捐廉再葺宏廠規模第予署任員也久暫不可必設予志未竟而去此焉是有望於後任之同志者是爲記

按知事程道元有昌圖政治報告書兩册茲將書內之序文三章錄後

### 昌圖政治報告書序

上海軍  
張錫鑾

余識程子始於籌辦奉天警察繼程子後見其規模條教擘畫精詳懍然心異其爲人厥後程子出膺民牧聲譽益隆吏畏民懷中外悅服益心折焉慨自世衰道微吏治日壞富貴誘於外利害繫於中求一實事

求是毅然以民物爲己任者誠不數數覲程子可謂豪傑之士矣此冊爲守昌圖時所輯篇中所載大都守土者之所當爲而又皆人之所不能爲不肯爲者推斯術也以往即以治天下國家而無難吾於是益賢乎程子矣呂叔簡謂變士風易變仕風難程子勉乎哉癸丑季冬張錫鑾序

### 昌圖政治報告書序

知事 程道元

辛亥八月民軍起義道元適承乏昌圖以其地控引漢蒙屏蔽朔方爰審潮流之趨勢悉心擘畫以資勸導竟以不利於當事遂去位民國元年孟夏重蒞斯土時共和肇造百度維新於是因蒸民之性情風俗之習尙時勢之變遷若自治若警察若學校若商務若農務已有者踵其

事而增以華若區學若預警若平民習藝所若森林若飼蠶種稻本無者作之始而正其基期年規模粗具爰即下車以來計二十閱月所經營者勒爲一書列得四編一曰輿地之區別二曰行政之樞要三曰實極之提倡四曰司法之誌載表若干圖若干書成額曰昌圖政治報告書原夫政治者所以締造國家固因民情風尚時地而爲損益者也古聖人視萬民爲重大小之政無不舉舉大而土地疆域兵戎法律食貨工商戶口禮樂之政小而鳥獸草木器物之類攻木攻金攻皮之類設色刮摩搏埴之類無不立法或因或創莫使墮廢令萬民各得其所萬物各收其利是則不輕細微而重視萬民者也後世見職官爲產業賦稅征權之政講求不憚煩勞其他百政視無重輕嗚呼此古人行政之

心所以不可及也道元質鄙何敢談政亦盡藐躬之責以芻蕘者供賢  
哲之擷爾民國三年一月嶺南程道元誌於常突額爾克官廨

昌圖政治報告書序

李含章

周官一書所以體國經野設官分職者紀之綦詳非獨懸諸象魏與民  
讀法亦藉太史之掌天府之藏昭示來茲也厥後歷朝相沿班范以下  
或志職官或志食貨或志刑法或志兵賦代異其制史不絕書然皆散  
見史册未嘗勒爲一編涉海求珠考古者每歎其難惟蕭何收秦圖籍  
漢祖藉之以并天下雖書缺有間然周知四方阨塞戶口盈虛強弱之  
實端惟圖籍是賴則藏史氏簿記之詳概可想見然則事之在官者必  
究於書所以使後有作者居今知古參酌異同因時施宜此作書之意

也詎徒藉以察吏治別黜陟課殿最而已哉顧自封建易爲郡縣守土者不能久於其職君土子民之心日益薄弱至唐制南北互選官與民或言語不通好尚殊異地方之利弊民間之休戚若秦人視越人之肥瘠漠然不加喜戚於其心者比比然也貧墨無論矣即以循良稱者亦不過沾名譽於兒童走卒之口巧迎合於賢士大夫之心耳若夫屢念民隱勉爲其難甚且甘冒一日之不韙冀收效於數年後者曠觀古今縷指難數甚矣吏治之難也程公譜荃於前清宣統三年八月蒞任昌圖是時民軍起義武昌人心惶恐公每日以新聞紙高揭署前俾衆週知羣曉然於世界潮流之所趨卒以是忤當道意又每遇當事者輒觸遂去位民國元年四月蒞斯土時共和甫成百度維新凡有措施實

事求是不肯稍事敷衍而提倡森林一事尤彰彰在人耳目以土會之法辨五地之物惟因土之產教民種樹栽培滋溉之法口講而指畫之遐鄉僻壤不獲躬親其役輒責成各鄉之正副董又揭示規章賞其栽培之勤且多者而游惰不事之民科以不毛之罰其勤也如此夫子路治蒲樹木甚茂子產相鄭桃李垂街安邑千樹棗燕秦千樹栗蜀漢江陵千樹橘河濟之間千樹楸齊魯千畝桑渭川千畝竹載在經史班班可考因地樹藝亦古人爲政之常又何足爲程公奇獨是樹木之收獲必俟十年之後而守土官之遷徒遠不過三五寒暑近在期月之間一時雖手植摩挲他年陰翳葱鬱必不得目見而耳聞也而程公不以不獲躬享其利而稍事懈弛可知任勞任怨經營擘畫者爲國計爲民計

爲久遠計並不爲一家一身計也即樹木一役可以推公之心矣以視  
置民隱於不顧沽名譽於目前者其爲人賢不肖何如耶茲將下車以  
來措施已有成績者勒爲書列編維四一曰輿地之區別附圖十一二  
曰行政之樞要其目甲財政乙警務丙學務丁預警戊自治己選舉附  
表二本署職員表公文收發統計表計附學校圖五公園圖一三曰實  
業之提倡凡平民習藝所養濟院農林蠶業公司昌圖銀行森林種植  
各文件均附於篇附表四農產調查表森林調查表農業報告表附圖  
三四曰司法之誌載摘錄重要文牘附罪犯習藝所圖一額曰昌圖政  
治報告書呈省長核而存之後有作者藉資考鏡庶可與古史氏之圖  
籍媲美矣豈獨備傳循吏者之採擇云爾哉李含章序



修築昌圖城南橋路碑記

知事 程道元

昌地河溝參錯無橋梁以爲之渡人歌行路難也城之南舊有大橋一座傾圮十餘年矣過其地者慨然而返時發太息之聲遵道南行爲馬仲河驛站大道而河流中隔跋涉艱難倡議興修限於款不易籌議遂寢殊憾事也今春紳商各界提議重建南大橋並修馬仲河橋路議甫決而捐金者爭先恐後不兩月計募金六千三百餘元金旣集遂鳩工庀材遂於九月橋路工程告竣復於南橋之偏及榆嶺之巔建亭以爲行人休息所並購地畝擴張官道約寬兩丈五尺原道較寬者仍其舊道旁均挖小溝以疏水勢周行坦蕩較前規模宏且遠矣落成日集各界紳商往爲賀時久旱值雨衆趨亭以避之笑向予曰此亭即喜雨亭

也予亦樂雨之知時起視環橋左右烟樹蒼茫南嶺山雲撲人眉宇不禁爲邦人指之曰此昌圖天然一幅畫圖也惟是間地勢低窪如其無橋蒼生病涉之嗟其何能免予殷殷而亟爲建築者以此雖然予竊有感矣夫子以爲人居天地間亦不過寄焉而已第寄有暫久之分子來是邦以撫斯民身如萍梗隨一官爲轉移暫寄也若諸君子之治田產於斯聚家族於斯而以斯爲桑梓者久寄也旣爲久寄則諸君子對於斯橋亦宜久爲保全者况予與諸君之倡修茲二橋也予第總其成耳使無諸君子以維持之恐未必如是成功之速茲橋路已成凡募捐之發起人及樂捐之各姓名與夫需款若干均爲文以志之旣示不忘並願後予而暫寄於此者嗣而葺之不自居爲暫寄也則昌圖幸甚予亦

幸甚

喜公園落成口占

程道元

百年榛莽是誰開  
驄馬看花緩轡來  
邱壑有緣供嘯傲  
園林如畫淨塵埃  
柳垂濃蔭張青幕  
荷泛清芬沁綠醅  
幾見河陽春似錦  
萬千紅紫手親栽

昌圖公園八詠

春日早游

已看綠柳曙烟籠  
隔斷坡塘杏又紅  
園是主人人是客  
不堪搖曳是春風

炎夏納涼

虹印橫橋影半弓倚欄消受過塘風雨餘楊柳添新色竹馬兒童綠蔭  
中

草亭觀荷

清陰漠漠晚涼天波漲溪橋碧欲烟亭外荷花好顏色數枝紅照夕陽  
邊

宴碧蔭軒

綠滿層階酒滿觴開軒容我恣清狂醉餘摩讀殘碑字避得風塵半日  
忙

憩亭聽訟

無端雀角起童蒙冰炭消融片語中天際雲清人意爽倚亭花自笑春

風

茶社說書

一盞龍團活水煎  
游人如鯉雨晴天  
點頭說法生公妙  
世界波瀾舌底蓮

暮秋晚眺

斜陽紅掛柳條邊  
深淺花畦障暮烟  
野寺鐘聲落黃葉  
我從天外借詩箋

冬日觀雪

園是銀成玉作樓  
玲瓏風景眼前收  
莫悲草木驚寒劫  
無限韶光在後頭

昌圖公園歌

雷飛鵬

民國二年秋九月幕庭一夜風侵骨漫游喜我達榆城臨寒但取醉兀兀榆城主者程夫子頻年不見猶昨日入門說我征衣單急出煖絢換泥襪幸未戮曠作尊車相看禿髮類窮髮飲我海外葡萄釀更燃獸炭爲溫室不須投轄惟張厨坐話滄桑戒勿出天公亦大解人意激氣鼓勇爲飛雪放誕懼娛照世寬使我一笑塵頭失主人破曉時起起携筇導我興清發屢聲橐橐踏寒浪尋得園林散煩鬱是時大塊方狡獪金膏玉液傾一窟陶穴都將玻璃無陸居絕非水晶闕邱壑雲烟過去痕花木色香無庸別主人頗感客言癡爲言窮秋飛夏節碧陰軒高草亭低荷蕩花疎柳陰密數椽茶社起清風舊事新聞當書說有時食暇此

游憩便與吾民虞芮質側聞姬宗起靈囿雉兔芻蕘紛來睚賢者同樂  
乃同憂君子愛人必愛物公園遺制有千載守此四紀始髣髴我惑斯  
言意未盡我恨遲來歲將畢於今九土正混莽披掃惡穢待人傑即宰  
天下如斯園休云造化心猶絀此邦自昔號雄鎮至今遺留遼海碣風  
雪可餐花可賞劫火自忙神自逸主客二人寫病競他年倘載壽邊筆

游昌圖公園放歌

并序

續文金

城東南有公園焉知事程譜荃所建修警長金鳴九所提倡也創  
邊疆之花縣大力能扛開勝境於榆城精心獨運惟賢者樂與斯  
民同作游觀得氣之清到此地最宜休息入草亭而小坐袖引薰  
風看荷蓋之高擎珠垂清露僕來兩月得觀香國之光緣證三生

來獻巴人之曲舉手作推敲狀漫笑闋仙虔心求指點人幸逢京  
兆吟成俚句誰云此父能詩列入公園博得方家噴飯

予昔年少游秦東烟雲收入詩囊中收入詩囊三十載留他添我毫端  
彩今收風景榆城來呼僮與我將囊開囊開口放出雲烟走走入公園  
撲草亭荷花籠罷籠楊柳楊柳依依留夕陽參差亭影搖池塘問誰收  
拾芳華去大半芳華歸我囊

春日早游

困人天氣是樊籠恰好晨曦出海紅覓向春光搖曳處一身消受百花  
風

消夏納涼



小闢林園地幾弓最宜夏望嘯天風民間咨暑無聲息長日游過罨畫中

草亭觀荷

一箇茅亭載遠天四圍蒼翠萬家烟荷花深處香如海不厭相看落照邊

宴碧蔭軒

臨筇好客酒盈觴空澗無邊儘放狂我是相如病消渴欠叨公宴笑天忙

憩亭聽訟

使君育德窳包蒙處處求民道在中蔽市幾章思憩息遙遙千載有歌

風

茶莊說書

不是東坡試院煎樹陰敲茗蘸青天蘇隄韻事却堪續訓化人間妙法

蓮

暮秋晚眺

榆城城外逗三邊誰畫寒林斷續烟烟際雲霞霞際日天然一幅錦雲箋

冬日觀雪

天公狡獪築瓊樓半壁園亭萬象收貪看八荒鬪奇劇晏然一嘯雪盈頭

春日早游

陳 藝

無限新詩紗遍籠小園迴抱曲欄紅當時想像閒吟趣吹面應多楊柳風

炎夏納涼

大好園林拓數弓披襟我亦快當風生憎熱客趨炎慣未到清涼世界中

草亭觀荷

小憩翻疑別有天草亭四匝淨無烟此花也作池中物紅到波心綠到邊

茶社說書

竹裏樵青容易煎，但憑鄒衍試談天。發髯振饋饒深意，不復歌聲聽採蓮。

暮秋晚眺

箋  
淒涼未必到蒙邊，活潑生機萬竈烟。人解悲秋予寄傲，南飛有雁負吟箋。

宴碧蔭軒

忙  
蘭亭修禊昔流觴，今日開軒興亦狂。翠滴空階乘醉掃，縱然無事也添忙。

憩亭聽訟

不受飛塵半點蒙，冰心本在玉壺中。訟庭羅雀等閒事，好向賓僚說古

風

冬日觀雪

雪苑何妨作庾樓  
幔亭高會景全收  
賓朋互鬪尖叉句  
崔顥終當在上頭

炎夏納涼

富勒璋

檢得拋殘地幾弓  
翦除蕪穢引薰風  
游人至此渾忘夏  
敢在棠陰樾蔭中

草亭觀荷

紅映斜陽碧接天  
一篙新漲半溪烟  
輕風搖曳殷勤甚  
頻把幽香送座邊

茶社說書

醫俗新傳百藥煎却非同詠大羅天  
廣長舌掉憑三寸說放如船十丈蓮

暮秋晚眺

孤城如斗鎮雄邊十萬人家起夕烟  
且喜詩人重管領閒携寮案學吟箋

宴碧蔭軒

馮學海

主人有酒醉飛觴脫略賓朋興欲狂  
共說使君勞不倦一樽酬酢亦勿忙

春日早遊

王學東

萬家曙色尙濛籠出海雲霞捧日紅春意清和人意好歸羸兩袖曉來風

炎夏納涼

手拓名園地一弓好招隔院藕花風任他炎暑熏天甚唯得高人不熱中

草亭觀荷

遼河盛漲拍炎天一角荷池鎖綠烟聞道漢家程不識葛巾瀟灑快巡邊

暮秋晚眺

風鐸霜笳動九邊戰雲歐陸捲狼烟防秋都獲登高嘯曲譜刀環寫錦

箋

草亭觀荷

草亭小立雨餘天  
荷淨波平碧欲烟  
解得詩家風雅意  
清香遠送到吟邊

宴碧蔭軒

樹陰臨水坐流觴  
賓客相從興欲狂  
惹得滁州賢太守  
又多詩酒一番忙

憩亭聽訟

德威感化到顛蒙  
處物寬和政執中  
判訟冷泉稱韻事  
憩亭又見古人風



茶社說書

消除炎熇滌煩煎品茗從宜雨後天人道使君宜教化本來舌底也翻  
蓮

暮秋晚眺

孤帆疎雁夕陽邊樹擁山村入暝烟不必登高方作賦已多佳句入華  
箋

冬日觀雪

呵凍和詩且倚樓俗歷萬篇一時收多年未立交門第逢君先生尚黑  
頭

炎夏納涼

謝家龍

昌圖詩集卷四  
中  
雲似奇峯月似弓池塘淺水漾輕風我來兀傲憑欄立多少勞人尙熱

草亭觀荷

邊  
亭在波心別有天欄杆接水水含烟  
餘玉井蓮花倚紅板橋頭綠柳

宴碧蔭軒

忙  
一飲醇醪盡百觴使君情重客清狂  
請窗下榻正橫空醉看兒童竹馬

憩亭聽訟

折獄才長等發蒙  
質或歷內立談中  
日碑載道塵羅徑  
不減甘棠召伯

風

暮秋晚眺

夕陽殘照極無邊  
衰草黃花鎖暮烟  
願藉吟毫編治譜  
一行雁字落詩箋

炎夏納涼

魏宗弼

天山獵罷偃雕弓  
行部邊氓拜下風  
暑雨怨咨民病亟  
好憑解慍五絃中

草亭觀荷

遼河盛漲拍炎天  
一角荷池鎖綠煙  
聞道漢家程不識  
葛巾瀟灑快巡邊

暮秋晚眺

風鐸霜笳動九邊  
戰雲歐陸捲狼煙  
防秋都護登高嘯  
曲譜刀環寫錦箋

草亭觀荷

王治述

水國荷開別有天  
纖塵洗淨不雲烟  
我從亭畔窺魚戲  
活潑生機到者邊

宴碧蔭軒

暢叙幽情一舉觴  
何分誰聖與誰狂  
酒酣染翰披蕉葉  
得意疾書不厭忙

草亭觀荷

馬漢儒

草亭獨坐兩餘天  
荷葉田田罩暮烟  
花似美人橋下立  
紅裳綽約綠波邊

宴碧蔭軒

座有嘉賓共舉觴  
雄談不讓古之狂  
滿階綠意添春色  
忘却浮生終日忙

草亭觀荷

鍾文藻

橋橫溪長兩餘天  
楊柳低垂繞暮烟  
魚戲新荷波蕩漾  
看花人意草亭邊

炎夏納涼

許桂馨

碧荷夾岸水如弓  
蜂蝶紛飛鬪晚風  
微雨送涼誰誌事  
賢明太守小亭中

中

春日早遊

樂自新

春寒料峭倚薰籠  
曉夢初醒日已紅  
竹杖芒鞋快檢點  
莫教辜負好東風

炎夏納涼

昨夜新晴月似弓  
朝來暑氣雜薰風  
携筇快覓清涼地  
直向荷塘水閣中

春日早遊

吳玉麟

宿霧初收曉色籠  
方塘波靜影搖紅  
支筇小立叢陰外  
閒聽鶯啼楊柳風

草亭觀荷

新荷花放兩餘天碧葉臨風蕩晚烟時有清香飄檻外採蓮船繫小橋邊

宴碧蔭軒

嘉賓小集快飛觴酒色花香助興狂微醉當窗且高臥心閒反笑野雲忙

茶社說書

碧茗盈甌緩緩煎新詞高唱夕陽天興亡今古從頭說口似懸河舌似蓮

茶社說書

同胞同種漫相煎  
法語非談鄒衍天  
一盞清茶洗心後  
火坑之內有青蓮

宴碧蔭軒

王會圖

欲同桃李宴飛觴  
亦可吟詩恣我狂  
醉向綠陰窻下臥  
不知人世送迎忙

炎夏納涼

王丕顯

男兒立志挽強弓  
不慕清涼處士風  
多少蒼生方火熱  
是誰歌舞綠陰中

宴碧蔭軒

醉翁亭上昔稱觴  
誰說今朝太守狂  
真是紅塵飛不到  
閭中翻爲作詩



忙

宴碧蔭軒

縱看世界一傾觴  
阮籍風流李白狂  
此日宴遊誰作主  
園中鶯燕為添忙

炎夏納涼

田宗舜

果然天道比張弓  
寒暑循環廿四風  
避得暑威何處所  
竹深荷淨藕花中

冬日觀雪

馮潤章

銀堆世界玉成樓  
無限繁華眼底收  
風雪一鞭驢子背  
詩情偏在灞橋頭

春日早遊

黃炳照

旭日三竿繞樹籠  
滿園春色紫兼紅  
來游半是看花客  
車馬喧闐送曉風

憩亭聽訟

風波陡起自童蒙  
曲直昭然一圃中  
政簡刑清賢太守  
冷泉判事溯坡公

冬日觀雪

披裘更上最高樓  
滿眼風光雪裏收  
玉戲玲瓏憑縱覽  
寒消九九溯從頭

暮秋晚眺

寒鴉衰柳夕陽邊  
十萬人家起暮烟  
無限秋光供一覽  
好將黃葉當吟箋

草亭觀荷

梁希寅

亭中清爽雨餘天  
檻外浮雲淡似烟  
出水荷花紅別樣  
香風遠送小池邊

宴碧蔭軒

嘉賓我有樂傾觴  
暢飲高談喜欲狂  
顏映蓼花新醉後  
夕陽歸去馬蹄忙

炎夏納涼

李鳳翼

半畝方塘水似弓  
晚涼亭畔碧荷風  
炎天暑氣全消卻  
密布棠陰四境

中

宴碧蔭軒

鐘籌交錯互飛觴  
賢主嘉賓笑語狂  
四面晴窗團碧蔭  
落花天氣蝶蜂

忙

茶社說書

活水還憑活火煎  
品茶結社晚晴天  
彈詞野史兼評語  
復無徵歌唱採

蓮

暮秋晚眺

蕭蕭落木望無邊  
砧杵聲中起暮烟  
粉墜蓮房霜露冷  
霞天雁字寫雲

箋

春日早遊

風 艷陽天氣淡雲籠隄外  
花開十里紅大造無私許  
同樂風人一例是春

宴碧蔭軒

忙 公餘携客快飛觴不辨詩  
狂與酒狂利鎖名韉盡拋卻  
傳花擊鼓小鬢

春日早遊

吳宗漢

風 霞霽雲晴曙色籠亭臺無處不飛紅  
箇中詎減河陽縣十萬鶯花廿四

草亭觀荷

草亭臨臨倚雲天  
亭畔荷花靄翠烟  
茂叔愛將君子比  
臨風小立夕陽邊

冬日觀雪

孫彬彥

玉屑飛飛客倚樓  
無邊雪景望中收  
蹉跎莫嘆韶光老  
長此青山也白頭

公園詩五律一首

榮厚

筭路山林啓經營  
不日功胡天壓風  
雪遶水帶西東學  
圃開三徑栽花拓  
半弓冷泉堪判事  
餘興擬披翁

昌圖八景

王寺歸鴉

景

賢

王倫 郭山 郭

寥落城南遷法場忠王年少讀書堂  
虎頭有相成名將馬革無情弔國  
殤舍外甘棠遺古愛門前衰柳賸斜陽  
滄桑雖變英魂在合共歸鴉返  
故鄉

南橋烟雨

春城南望隔溪橋和雨和烟暮復朝  
流水幾灣知路滑行人三月悵魂  
銷杏花紅浪新舒豔楊柳青迷舊舞腰  
布穀聲中簑笠影畫圖一幅倩  
誰描

榆嶺鶯聲

三月榆嶺嶺樹青黃鶯覩院也通靈  
喚回塞北春常駐驚破遼西夢易  
醒一曲笙簧隨意奏幾人柑酒慣來聽  
綠陰漠漠枝頭滿宛轉珠喉尙

未停

金山晴雪

新雪初晴，大觀金山，換作玉山。看瓊樓風起，沙飛白銀，海光搖日影，丹天外，忽驚空有色。城中頓覺暮增寒，柳條邊，上遞春信。徒憶梅花，思萬端。

關山落雁

關山迢遞，塞雲涼橫，寫晴空雁幾行。萬里馳驅，依漠北，一生踪跡，限衡陽。江湖水淺，平沙濶，霜雪寒深。驛路長春去，秋來緣底事，風塵僕僕劇奔忙。

青雲石佛



誰向空門證淨修。曇雲一現等浮漚。佛能會悟終無語。石不通靈也點頭。禍福要參因果業。滄桑應替古今愁。我來願乞慈悲法。遍濟歐州與亞州。

三井蜃樓

蜃樓縹緲本奇觀。忽漫先生井底瀾。是處始知真象幻。此中疑有謫龍蟠。敢憑虛閣嫌天小。莫藉空花語海寬。濟世甘泉流澤溥。浮雲且作等閒看。

通江晚渡

渡口斜陽喚渡船。喧呶車馬綠楊邊。片帆低挂明殘照。柔櫓輕搖盪暮烟。三尺夜添新漲水。幾人歸趁晚涼天。迷津幸有慈航濟。彼岸同登果

孰先

王詩歸鴉

劉 釗

頭  
俵鳥知還厭遠游歸鴉點點等沙鷗漫言三匝無棲託賴有名王在上

南橋烟雨

烟雨濛濛花亂飛挽春無計餞春歸詩情畫意南橋路城郭千家入翠

微

榆嶺鶯聲

聲  
嶺上榆錢葉底鶯雛鶯出谷語尤清十年種樹留餘蔭自嘯歌筵燕頰

金山晴雪

功 瑞雪崇朝兆歲豐金山晴旭半江紅黃金白雪相輝映風景端由造化

關山落雁

雁落平沙去復還如何征雁落關山稻梁肥處甘棠美鴻爪常留治譜  
間

青雲石佛

往事輝從玉版參青雲直上築茅庵年來木石同居慣願與如來共一

龕

三

古井無波不計年  
層居井底坐觀天  
無端噓氣成樓閣  
不費人間建築錢

通江晚渡

夕照銜山客在途  
渡頭爭渡影模糊  
浩然歌詠倪迂筆  
絕妙江村晚眺圖

圖

王寺歸鴉

續文金

放開眼孔南郊顧  
多年王寺慈雲護  
羣鴉背負夕陽來  
飛飛上菩提樹上  
菩提樹枝棲皈依  
佛國聲聲嘯似向  
如來問因果呀呀  
求指歧途迷我聞  
迦毘羅幡萃都國  
篤生釋迦悟空色  
又聞前清忠清王  
小住昌圖額爾克  
年少讀書此寺間  
後嫻武略稱奇特  
迄今人往令名垂  
光輝

普遍漠南北吁嗟乎忠親王人雖亡姓留芳遺我昌讀書堂堂外老樹  
俱成行不惟人視如甘棠羽族亦願棲其旁羽族亦願棲其旁每於日  
暮分路歸巢忙

南橋烟雨

蒼蒼烟繞前村樹紛紛雨灑南橋路有客來此冒雨行轉過橋頭一回  
顧如見畫稿懸長橋水墨絕勝荆關描點綴乾坤好圖書雲藍疑在欄  
杆柱又似滄龍沖開卅六天其態變幻形蜿蜒不翅而飛不脛走須臾  
化作空中烟烟消雨過長虹見二五易位卦爻變西天捧出一輪紅光  
輝照遍昌圖縣

榆嶺鶯聲

自 國 鼎 志 卷 四  
吹回邊地生芳菲東風又送東皇歸東皇擬演金衣曲特遣鶯兒榆嶺  
飛飛上榆嶺笙歌奏不自東皇先不自東皇後誰飽耳福逢其候榆城  
詩翁扶杖藜邀吟偕呼小奚雙柑爲之携斗酒爲之提尋聲來此聽黃  
鸝聽到珠喉百轉處鼓掌大笑聲急遽驚起鳥聲曳枝飛榆錢踏落冲  
霄去

### 金山晴雪

膝六妙有長生訣特至金山顯奇絕將山與雪入一爐山雪融化無區  
別雪即山山即雪是色是空半明半滅精華團聚終無泄從來不憚日  
光烈日光愈照愈皎潔塵紅未許此山侵旣不能磨復不涅我來此地  
名山悶心爲賞今日爲悅得瞻玉巖奪天公處仲唾壺新擊缺

關山落雁

雲程開鴻雁來我來猶比鴻雁早却先鴻雁升蓬萊俯視下方雁兒落  
問雁於此來何作或來稻梁謀或作湖山游或問雪泥認跡跡名隨寶  
塔光千秋不然與世作奇字塗鴉貽笑來山邱我爲若歌若不理若聞  
我歌若飛起飛過山頭向我鳴聲呼我爲知己

青雲石佛

塵世皆成苦海地茫茫浩劫何方避問誰東渡迷途人法身靜坐雲中  
寺雲門兩層齋寺開闢雲送我登雲來行上雲臺一審願三生幸與石  
佛晤不識石佛來此何因緣想爲世變遷塵劫遍大千避氛於此來流  
連抑以此巖爲淨土知機防外侮不忍干戈視得桃源爲蒙古我聞

東蒙生間題佛其爲我先指迷指我遷居安樂國慈悲二字呼菩提石  
佛不言仍默坐靜養塵根悟真箇予歸回首望寺中多少慈雲籠佛座

### 三井巖樓

井泉水色通太虛其下疑有神龍居龍之爲物不可測嘯氣成雲亦頃  
刻頃刻高懸海國圖半空幻作離奇色離離奇奇橫虛空或如霧冥或  
作雲陰籠或學大米小米筆山畫有無中點綴石玲瓏蒙而啓啓而蒙  
半啓半蒙捧出一座琉璃宮須臾東方煥五彩日輪湧出扶桑海霧散  
雲消樓閣收游龍入穴山容改

### 通江晚渡

天將暮日沈欄乘馬乘車與徒步一行人影射入斜陽路斜陽一路送



人行送人均向通江渡人與斜陽齊上船船開水起浪花闊一帆風送  
船歸岸彼岸同登幸占先到岸大家一回首渡船來往中流走中流明  
滅認斜陽晚烟籠住通江口

王寺歸鴉

耕木王耒

古柏祠堂掩落暉垂陽深處萬家歸我思將帥驚鼙鼓獨立蒼茫亦勅  
飛

南橋烟雨

綠波碧草兩模糊倒影長虹似有無  
笠笠何人扶杖過天然一幅罨溪

圖

榆溪畫景

鼓吹詩騶傳酒柑榆城三月似江南祇愁驚破遠西夢觸迓春心更不堪

金山晴雪

雲後山光白似銀千年玉帶宛橫陳登高環顧人間世睜目緇塵只污人

關山落雁

萬仞峯頭八月秋迴翔不爲稻梁謀故知下界多矰繳怕向平沙指爪留

青雲石佛

石蓮趺坐古羅雲萬朵慈雲覆一龕魔擾諸天憑救護本魚聲裏獨和

南

三井蜃樓

平地樓臺海市同空成色又色成空世間多少繁華境都在虛無縹渺

中

通江晚渡

夕陽芳草暮江濱短棹縱橫競問津寄語篙工齊努力柳邊無限待歸

人

讀志書後

劉 釗

邊郡太守誰不識車騎將軍金日磾合力著書如種竹脩脩留與後人

題

金石聲中座上賓  
書城坐擁自津津  
天生一管董狐筆  
褒貶錚錚不讓人

文章政事兩縱橫  
一紙賢於十萬兵  
文獻足徵清政在  
壽人壽世祝長生

流寓珂鄉不計年  
顏唐日日尙加餐  
幾生脩得靈樞館  
讀斯編喜欲顛

## 昌圖志書跋

國有史邑有乘本古今中外通例也吾昌設治既久治斯民者由倅而丞丞而守國體變更舉國有司稱縣先歲壬子香山程公除昌圖郡守百廢具興越三年乃置縣程太守以道尹視縣事駕輕車就熟路凡縣吏之當爲者莫不毅然爲之政通人和綱領悉備公退之暇告余曰邑無乘即國無史焉可須臾緩遂聘知名士續君聲客安研齋綜編輯紳耆任採訪竭四月之羣力志稿脫時值監獄工竣因而藝者事排印卓哉程公廷主垂教工藝同時併舉書成不藉褒梨志本完善伊誰之力歟歸之太守足以見善治之一斑余以藩部武夫供催租俗吏幸睹斯編敢以不文辭謝而書其後

民國年秋日富勒璋星濤父讀識